

652/
1971/2



საქართველო

1

9

7

1

6

ქოჩოქი



შინაარსი

ზ. გორგილაძე — ფესვიანის ძა- ნილი, ლირიკული პოემა	3
ბ. სანადირაძე — ლოდინი მოთხრობა	15
გ. ვალაჯონია — სათქმელი ლექსი	35
ბ. გორგილაძე — მემკვიდრე მოთხრობა	36
შ. ანანიძე — ნატვრა ლექსი	47

659/11
**ე რ ი ტ ი კ ა დ ა
 კ უ ბ ლ ი ც ი ს ტ ი კ ა**

შ. ჭურიძე — ახლის დამა- კვიდრებელი იუმორი	48
--	----

შ ე რ ი ლ ე ბ ი

ი. ჩულოკი — პასუხი ოკონე- ნტებს	59
პ. ცჰვიტარია, ა. სურგულაძე, შ. ჯაფარიძე — განმარტება პასუხის გამო	74
ზ. კომახიძე — აჭარის სუბ- ტროპიკული აბრარულ-ინდუს- ტრიული კომპლექსის სამრეწ- ველო დარგები	84

ლიტერატურულ-მხატვრული და
 საზოგადოებრივ-კოლტიპური
 შურნალი

საქართველოს საბჭოთა
 მწერლების კავშირისა და
 აჭარის განყოფილების
 ორგანო

ბ ა თ უ მ ი — 1971

ნომერი—დეკემბერი



რედაქტორი ა. შონია

სარედაქციო კოლეგია: ხ. ახვლედიანი, მ. ვარშანიძე (პ. მგ.
მდივანი), პ. ლორია, ალ. ჩავლეიშვილი, ფრ. ხალვაში

რედაქციის მისამართი: ბათუმი, ენგელსის ქ. № 21.

ტელეფონები: რედაქტორის — 33-71, პ/მგ. მდივნის — 33-72.

ხელმოწერილია დასაბეჭდად 8.12.1971 წ., საბეჭდი 6, საგამომცემლო 5 თაბაჩი.

შეკვეთის № 4937, ემ 00538 ქალაქის ზომა 60X90, ტირაჟი 2.040.

* * *

საქართველოს სსრ მინისტრთა საბჭოს ბეჭდვითი სიტყვის სახელმწიფო
კომიტეტის მთავარპოლიგრაფმრეწვის ბათუმის სტამბა № 9
(ლუქსემბურგის, 22).

ფესვების ძახილი

გადმოდრიდი დიდზვაგობის ზავით და უინით
ჟამთა ნანგრევებს.
გადმოდრიდი ლეკერტებით, ხვითქით და ხვირით
სხეულს საკუთარს.
გადმოდრიდი რძის ჟირკვალთან მიმჰკნარი იით
ტიალ ტრამალებს.
გადმოდრიდი ბერთვენახის ხავსით და კირით
წყნარ ნატაძრალებს.
გადმოდრიდი და ჩემთან მოხველ, —
შენ გენაცვალე.

მოიმღეროდი სისხლიანი მზითა და ჩრდილით,
კლდის სამრეკლოებს.
მოიმღეროდი ქალამანით, კომბლით და სტვირით
გორებს, კორტონებს.
მოიმღეროდი მახარობლის ვარდდაყრილ პირით
ჰიშკრებს, ეზოებს.
მოიმღეროდი თავმდაბალი, მეფუფრი, ზრდილი
ბინდებს, ბილიკებს.
მოიმღეროდი და ჩემთან მოხველ, —
შენი ჰირიმე.

განგება დაცხრა, გადარდა, მზე ზამბორებზე ჰყვავის,
მთებზე გადასკდა, გადმოსკდა, თოვლის ღვენთი და ღვარი,
თეთრათში თიბავს სათიბებს, უბეშეხსნილი ქარი,
კორტონზე ნისლი ჩამორბის, ტყის ფეხშიშველი ქალი,
წყლისპირ კორფლიან ჰალიქვებს გაანაპერწყლებს ნალი,

„მაგზე ტაძარი დავტოვე, ტაძარი ავზე არის“.
შიგნით ლანდები გალობენ, იღუმალების ძალით,
იქვე ჟამსა და ჟანგსა სჭამს ყბავაცვეთილი ხმალი.



ჩემს ნიჭს და ნებას მგლის კვალივით გამოჰყვა მაინც,
მარადისობას უყოყმანოდ ჩაბარდა რაიც.

ჩემს რჯულს და ვენახს, ჩემს ტკივილებს აღმერთებს მაინც,
უსასრულობის ფრთხილ საგანძურს ჩაბარდა რაიც.

ჩემს ეჭვს და იმედს, ჩემს ოცნებას აპურებს მაინც,
დემონის ლუკმად, ღმერთის ლუკმად ქცეულა რაიც.

მაგულიანებს და მაქვზებს უბადლო რაინდს,
ის უკმარობა, ის ძახილი მაინცდამაინც.

მე ისევ ისე ვამაყობ და ვდიდგულებ შენით,
ვდიდსულობ შენით..

და თუ კი დამდევეს მგოსნის ეჭვი, იმედი ბრძენის,
და თუ კი მმართველს, როგორც ქართველს, მმართველს და
მშვენის,

დიდების ელდა, მხურვალე სევდა, მიძიმე და ძველი,
ჯამით თუ ხანჯლით, კვართით თუ ქნართი გაწვრთნილი ხელი.
თუ ვინმე მხრავდა, თუ მტერი მყავდა, ბილწი და ბნელი,
თუ ვინმე მიცნობს, თუ ვინმემ მიძმო, მიძმო და მელის,
თუ მაგრად მღერის, თუ ისევ მღერის ფილტვი და ყელი,
მხოლოდ ეს შენით, ისევ შენით, შენით და შენით.

ახლა ხანჯლების ღვედურ ღარში მოჟონავს ნამი —
ამინ! ამინ! ამინ!

რომ მეც შევდგა და გავაგრძელო მამულის მთები,
ნისლში და ფიქრში გახიზნული გოლიათები,
რომ მიინაზოს, მოინაზოს იღუმალ გზნებით,
ის ფეხშიშველი და მწუხარე ანგელოზები,
რომ მზის შანდალთან მოდრეკილი მოიქცეს სკვითი,
ყაჩაღი ძველი, ახლა ნორჩი და მიამიტი.

დე, მზის საათმა იწიკწიკოს, იაროს ნელა,
მე სულ სხვა მაჯას გავუსინჯავ ჩემს ახალ გელათს,
მე სულ სხვა მაჯას გავუსინჯავ ჩემს სვეტიცხოველს,
დღეები მთხოვენ... დღეები მთხოვენ...
ახალ რუსთაველს, ახალ დანტეს, ახალ ბეთხოვენს,
მერე რა ძალით,

რა მუდარით,
რა უჩინოთ მთხოვენ...

რომ გავანათო ბებერ ქვებში ხმა შენთა ძეთა,
რომ უფრო დიდი, მკვიდრი ლანდი დაეცეს მცხეთას...
რომ იყოს ხვითო შენი ბეწვის და შენი ლაზლის,
ჩუქურთმა, — ჩემი ტკივილის და სიმღერის აზრი.
რომ სულ სხვა ლტოლვა და ზარების დააცხრეს ზვირთი,
ვარძიის ძირებს, ზარზმის წვივებს, ხერთვისის ქვითინს...
რომ ჩემი დროის და დღეების ბრძენთა და მოგვთა,
სული და სისხლი წრიალებდეს დაქანგულ თმოგვთან...
რომ ჩემი დროის ყველა ქალწულს და ყველა დედას
გადავდო ტყეში დარჩენილი ყინწვისის სევდა.

შენი ძირძველი არსებობის ზვირთია ერთი

ასაკი ჩემი,

დროშა ჩემი

და ჩემი კვერთხი.

მეც რწმენის გარდა, ხალხის გარდა ვინ მყავდა შემწედ,
ისევ ამ უჩინოთ, თუ რამ შევქმენ, თუ კი რამ შეეძელ,
ისევ ამ დროშით, საკრეთელით და ქნარით ისევ,
თუ კი რამ კარგი ავწიე და ავზიდე ცისკენ,
ისევ ამ შუბლით, თუ რამ მძაფრი დავტაცე სივრცეს,
რომელიც შენს სულს, შენს ძვალს, შენს ვაზს ემყნობა ისევ.

დღეს სხვა აქვს ფასი ყველა ატომს და ყველა მიკრობს,

გიყურებ შენ და მეც წინაპრის სახელზე ვფიქრობ.

გიყურებ შენ და მეც წინაპრის სახელზე ვჯავრობ,

რას მიმცემს ნეტა შთამომავლის დიადი მსჯავრი.

„დროსა და მანძილს ერთად უნდა აუღო ალღო

წყალთან და ცეცხლთან მოთამაშე კეთილო ბაღლო“ —

მაფრთხილებს შენი ხმა ძვირფასი, ძვირი და ძველი,

დღით ლოდებს ვრანდავ, დამით ფიქრის ეკლებზე ვწვები.

და შენს ძარღვებში მოჩხუბარი ენგური ახლა,

მე ყველა ტოტზე მონათლული სულივით ამყავს.

და შენს ფერდებში მოთქლამუნე ენგური ახლა,

თუ კიდევ სადმე ბინდბუნდია, გაურკობს ლახვარს.

გაედევნება ჩემი ზვალე და ჩემი მერე,

კოლხეთის ველზე მიმოფანტულ ციციანათელებს.

მეც მალე დავდგამ შენი თივით თავწაყრულ ზვინებს.

მე შენი თიხა, შენი კირი ქუსლებით ვზილე.

ჩემი ძელქვების, ჩემი ქვების კვეთით და ღვედით

მეც „ივერია“ დავდგი როგორც ტაძარი ერთი.
და ანგელოზთა მოჩურჩულე იღუმალ დასით,
მეც ქართვის დედა თავზე მადგას ხმლითა და



შენი კირიმე!.. უსათუოდ მაცალო უნდა,
რომ შენებურად ვეპატრონო გათანგულ გუთანს.
რომ ვეპატრონო ორლობეში მიშვებულ ნახირს,
საულღე მოზვრებს რომ ბეჭებზე დავარტყა დაღი.
რომ ლაფაროში ქვაბი მედგას ჯაჭველა არყის,
რომ ჯარგელის კარზე გამობმული ბრდღვინავდეს ძაღლი.
რომ ეზო-კუჩხზე გაიჟღინთოს ორშიმოს სუნით,
რომ ყბაში მოვდო ქალაქისკენ გაქციულ სურვილს.
ატმის სველ ტოტზე რომ ყიოდეს მამალი ისევ,
და ოდის სული —

ფიჩხის კვამლი იწვევდეს ცისკენ.
თორემ საკუთარ ნერვების თუ ფრჩხილების დეკვიტ,
ვიღაცის სულში ჩნდება სევდა, შიში და ეჭვი.
ვიღაცის სულში დაძუნძულებს წუხილი მძიმე
და ტყდება საღდაც ნალიებზე მიდგმული კიბე.
ვიღაცის სულში დააბოტებს ბოღმა და ბრაზი
და დღე-ღეღე ხის წისქვილებს ედება ხავსი.
ვიღაცის სულში წყდება უკვე იმედის ბეწვი
და ტყდება საღდაც... შუაეცხლზე წადგმული კეცი.

რომ მიატოვებს ნამს და ბალახს ქართველი გლეხი,
რომ მოვა უცხო და დაბოლცავს ჩვენს ვაზს და ხეხილს...
რომ მიატოვებს ძაღლს და ფანდურს ქართველი გლეხი,
აქამდე ასე უჯიათი, ასე უტეხი...
რომ თავსაფარში გამოკოჭავს ორი დღის საგზალს
და გულნაკლული გადმობელავს სათიბებს ფეხით...

ირემო, მთასა მყვირალო,
რამ ჩამოგაგდო ბარადა,
რავი, რამ ჩამომახეტა,
დავიარები ცალადა,
ჩემი ზღუქუნე ქვეყანას
ყურთან უყრია ჩალადა,
ტყე მოსრეს, ძეძვი აჰკაფეს,
და მე ჩამაგდეს არადა,

დღის სასუსნავიც წამართვეს,
ღმერთი არა ჰყავთ ამათა?!
რად მინდა ბარის ბალახი,
ყელში ბოგინობს შხამადა,
კლდის გულზე მობლატებული
ხვართქლიც მეყოფა წამლადა,
ნეტა სანამდე ვეხეტო
ასე, სხვის კარი კარადა,
არც მინდა ბუქვით, მუქარით
მთაში შემდენონ ძალადა,
ბარში თუ თავად ჩამოველ,
მთასაც შევეყვები თავადა.
ოღონდაც შიში ტანში მჩხვერს,
მხდის უგუნებოდ, ავადა,
თუ მიმაჩვიეს ქვამარილს,
ხელისგულეებზე მტკბარადა,
დამიბერწდება სისხარტე,
დავზოროზოხდები ტანადა,
ველარ მოვიქნევ ბექს და წელს
ლელ-ჯაგის გასატანადა,
გამომიდგება რჯულცოფი,
მშიერი მგელი კვალადა,
წამომეწევა, დამლადრავს
და მერე დამტკვერს ძვალადა,
ჩემი სული და ბალანი
გაიფანტება ქარადა,
მომეცით მთები უღრანი,
არ გეხილვებით თვალადა,
ბარში თუ თავად ჩამოველ,
მთასაც შევეყვები თავადა.

ჩემს წესს და ადათს ვინ უსრულებს ღვთისნიერ სურვილს,
მოზგრები დაჰკლეს?.. თუ დაშემხეს ფურების ცური?..
ჩემს მთებს და ველებს მოეყუდა ნაცნობი ჩრდილი,
იქნებ იმ მწუხრით დაკარგული ბრუნდება შვილი?..
ეს ვისი ხმაა, გაღვიძება ნამიან დილის,
ფერეიდანის ქოხმახებში ფანდური ტირის,
ეს ვისი ხმაა, გამოგლეჯა გამშრალი ყელის,
ფერეიდანის ქოხმახებში ხანჯლები მღერის,

თოხზე ახლა სხვანაირად წმუტუნებს ძაღლი,
იმერხევიდან ვისმენ ჩემი ემრულას ძახილს.
აკვნებზე ახლა სევდიანად მიძინვარებს ნანა,
იქ, იმერხევში ჩემი ძველი კედლები დგანან...
იქ, იმერხევში, მიოხრებულ ტაძრების შიგნით,
ღმერთებთან დაობს, დროსთან დაობს ქართული წიგნი.
იქ, იმერხევში ჩემი კვირტი ბოჟირობს, ჟივის
და კოლხურ ცაზე იგრავენება შატბერდის სხივი...



მივდექ და მოვდექ ცის ქვეშა, თამარის დროშის ფრენითა,
შემოვიზომე საუფლო, მისი ყირათი ცხენითა,
ვაზის ჯვრითა და ყვავილით,
მზის გვირგვინითა ცხელითა,
მოძმეს აყვარე ბორკილი, ხმალისსხლიანი ხელითა,
ბევრი მიხდიდა ქუდებსა, ბევრი მქვრეტავდა წყენითა,
ბევრიც კი შემომეხიზნა ლაქარდიანის ენითა,
უბეში მოფუთფუთარი, კბილშხამიანი გველითა,
ვიცოდი, მაინც ვლოცავდი,
ყველას ღვთისმშობლის ცრემლითა.

ღუშმანს მის ხორცსა ვაჭმევდი, თვალში თვალების ძგერითა,
ნოყვარეს ვანებივრებდი სიყვარულითა ბევრითა,
თავზე ყაბალახწახსნილი, მოჭაფქაფარი ქვევრითა,
ტყის სულში გაღვიძებული, მაგალობლებისა ყელითა,
ვეფხვების ბლეზი ლეკვებით,
შოთაის ჩანგის ღებენითა.

მაგრამ რა ზურგმა გაზიდა, გარეთ ეგ ჩემი კალათა,
უვიცობამ თუ ბნელობამ, სიყვარულმა თუ ლალატმა,
რისთვი აბორგდა ლუხუმი, რისთვი გაჯავრდა სანათა,
რისთვი მოზავდა ონისე და გადაიქცა ხმალადა,
ლეღაის თმების გამოშლამ
ხევი რად გადაანათა.

წამომეზარდნენ შვილები, მეგონა ხმლად და ფარადა,
ისემაც სული უცხონდათ მაგათსა მკვდრებსა მარადა,
ზოგმა ხურჯინით გამცალა, ზოგმა გამფანტა ქარადა,
ზოგმა მტერსა თუ მოყვარეს მიმართვა საჩუქარადა,
ციხე შიგნიდან თუ გატყდა, გატეხილი ხარ თავადა,
კაი შვილები დამზრდიან, კაი თვალად და გვარადა,

ნებით რაისთვი გამყიდეს,
მეყო რაც მყიდეს ძალადა.

მე ახლა ახალ სამოსახლო ადგილებს ვეძებ,
არგონავტების ნაძუნძულარ კოლხეთის ველზე.
მე ახლა ახალ საგუმბათო ადგილებს ვეძებ,
კუდიანების ნაწანწალარ კახაბრის ველზე.
მე ახლა ახალ საბალავრო ადგილებს ვეძებ,
კევრით გაბეგვილ და გაჭეჭვილ ალაზნის ველზე.
მე ახლა ახალ სავენახეს, საყანეს ვკაფავ
და შუბლზე ცის და მიწის მადლი ეღვრება ლაბას.
რომ ჩემი ღვიძლი დავამკვიდრო და დავასახლო
ვარძიის ახლო,
ზარზმის ახლო,
გელათის ახლო.

რომ დამსკდარ კედლებს მოთხუპნული თითების კვალით,
ბაღლებმა ჩემმა მიახატონ „ანი“ და „ბანი“.
რომ ბებერ კედლებს გაუწვრთნელი თითების ნებით,
ბაღლებმა ჩემმა მიახატონ ტოროლას ფრთები.
რომ ვერ გაბედოს უცხო ტომმა დღისით და მზისით
ამ წმინდა კედლებს მიაფურთხოს სახელი მისი.
რომ შეემატოს ჩემი მიწის სიმცირეს დიადს,
კენჭი, რომელსაც შენი ესმის და შენი ჰქვია.
მე ახლა ახალ სამოსახლო ადგილებს ვეძებ
გუგულის ენით გაღვიძებულ მთასა და ველზე.

დაუკარ ჩემო ფანდურო,
გადაკარგულო შორითა,
გადარჩენილო სიმღერავ
ქართულ კალთაში წოლითა,
გამოეგებე მაცნესა
შვილებითა და ცოლითა,
სურვილის თასი ამივსე
შენი თითების ბროლითა.
ვტირი?.. მიხარის და ვტირი,
ნუ დამიძახებთ მგლოვიარს,
მამულზე შვილობის მეტი
მე რამე არ მითხოვია,
ჩემი წინაპრის ნადგომსა

მუხლისთავებით მოვიარ,
კახაბრის ველზე ია წვიმს,
გოდერძის თავზე თოვლია,
შორია მემლექეთამდე,
გურჯისტანამდე შორია.

ო, შორეულო ფესვო ჩემო და ჩემო ძირო,
მე მუდამ, მუდამ გეძებდი და გეძახდი, — შვილო!
გლანდავდი ყველგან, ცის ფონზე თუ ჯურღმულის ღრეში
და სამი გორა, სამი გორა გორავდა ყელში.
თუ ნიშნობებში ცუროთორთქალა ფურები დავკალ,
იქ, იმ ხმაურში, იმ ტკარცალში შენი ხმა მაკლდა.
თუ ქორწილებში მობულრავე მოხვრები დავკალ,
იქ, იმ ხორხოცში, ტაშფანდურში შენი ხმა მაკლდა.
თუ ძეობებში ჩიტის ჭიკჭიკს ვუდგამდი აკვანს,
იქ, იმ ზეიმში, თოფის ხმაში შენი ხმა მაკლდა.
თუ ვინმეს ცხარედ დავტიროდი სამარის კართან,
იქ, იმ გლოვაში შენი ცხელი კურცხალი მაკლდა.
ჩემს მთებზე გაბმით ვაპკიოდა ქარების ქორო,
და რაც არ მაკლდა, ის რა არის, მე ვიცი მხოლოდ.
ახლა კი, ახლა, სხვა განსჯის და განკითხვის დროა,
მე მოვალ შენთან, მოვალ შენთან, მე მოვალ, მოვალ.

ჩემთან სტუმარი მობრძანდა
დიდი ხნის უსტუმრებელი,
ჩემი ვაზივით ახალი,
ჩემი რჯულივით ბებერი,
მობრძანდა, გამოვეგებე,
როგორც მასპინძელს შეჭფერის,
თან მოჰყვა ქალი ლამაზი,
სიცოცხლის მამამებელი,
ისე ნაზია, იფიქრებ,
გაქრება სულის შებერვით,
აბესალომ და ეთერი,
ღმერთმა შეჰყარა ერთფერი.
კლარჯული მტეენის კურცხალი,
ულვაშზე შერჩა ცვარივით,
პური გატეხა, უბეში
ჩაიგდო კენჭი მარილი,
და მისი ქალი სუფრაზე

გადმოტყდა როგორც ყვავილი,
ყვავილი, ბაღჩის ბოლოში
წვიმების ამოყვანილი.
კაცს გოროზობა შვენოდა,
ქალს კი მორცხვობა, — მზითევი.
კალთაში ფანტელებივით,
ჩაუფარფატდნენ თითები,
დაპირქვევებს ლამობდა
ორი პაწია გიდელი,
წითელი კაბა ეცვა და
ტუჩებიც ჰქონდა წითელი.

გაეჩხრიკეთ ძველი ღაღარი, ვარსკვლავისა თუ მთვარისა,
მე მთის ამბავი ვუამბე, ის კი მომიყვა ბარისას,
როგორ გადურჩა ბეჩავი წარღვნას გრიგალს და ქარიშხალს,
ათას სისხლსა და რწმენასა,
ათას ბაღლამს და დარიშხანს.

გავსინჯე მისი მხარ-მკლავი და ჩემიანად მენიშნა,
მოვეყვრე კვირისთავები და ჩემიანად მენიშნა,
მოვბლოტე მკერდის ბალანი და ჩემიანად მენიშნა,
ქართველი კაცის გუმანი
თმის ღერსაც იცნობს მტერისას.

წამოვბრიალდი, ავტირდი აყვავებული ვაზივით,
ისიც თრთოდა და ტიროდა, იმ აჩეხილი ვაზივით,
სისხლმა მოხვეტა ჩვენს შორის ის უსასრულო მანძილი,
თურმე ჩემი ძმა ყოფილა,
ჩემი ფანდურით გაზრდილი.

მივდექ, მოვდექი, უმაღვე გავძახე სოფელს მძინარეს,
ჯარგვალთან ძაღლი აყეფდა, ძაღლს ბანი მისცა მდინარემ,
ატმების ყვავილებივით ფანჯრებში გაჩნდა სინათლე,
მეზობლები და მოყვრები
ქიშკარზე გადმომივარდნენ.

ძმა დამიბრუნდა, ღვიძლი ძმა, ძმა ჩემი ფუძის ბადალი,
იმ ხუთასი წლის ნაგვემი, ნაბეგვი და ნაზამთრალი,
ხარის შუბლივით ნათელი, ჩიტის გულივით მართალი,
შენი თესვის და თოხნისა,
შენი ტეხვის და მკათათვის,
იმ ალაჰსა და ქრისტეში
აბა რა ყრია მართალი,

არ დამკლათ, თავი არ მომპრათ,
არ დაუძახოთ თათარი.

მარანში გაცვდა ქოშები, ბოსელში დაწყდა თოკები,
სუფრაზე გაბმით გორავდნენ ტუჩმოტეხილი ღოჭები,
გადმოდიოდნენ ალავერდს ზვიადნი და ამბოხები,
ძმას მითოკავდნენ, მიხრჩობდნენ მოფერებით და მოხვევით.
გული კი მაინც ტიროდა,
გული დიდი და ოხერი.

* * *

მუხლისთავეები რომ გაჩვენო, გამიგებ მაშინ,
ვისთვის და რისთვის ვლოცულობდი მხესა და ქარში.

ყორყის ძარღვები რომ გაჩვენო, გამიგებ მაშინ,
რა მზე, რა ქვეები გადადულდა ჩემს ქართულ ხმაში.

ყველა ნეკნები რომ გაჩვენო, გამიგებ მაშინ,
რამდენი ღმერთი ბოგინობდა დაჩეღტილ ტანში.

ვლოღნიდი ქერქს თუ ნაჩლიქვარში წვიმის წყალს ვსვამდი,
შენ იყავ ჩემი ღმერთიც, ხატიც,
მხოლოდ შენ მწამდი.

თუ ჩემი ქოხის ლურჯი კვამლი იწევდა
ცამდი,
იმ კვამლში შენი სული თრთოდა,
მხოლოდ შენ მწამდი.

ფერდოში როცა გადარუჯულ ვაზის ძირს
ვრწყავდი,
მის ფესვში შენი ფეთქვა იყო,
მხოლოდ შენ მწამდი.

თუ ზვინებს ვდგამდი, თუ ზვინებთან მუმისას
ვგავდი,
იმ ზვინში შენი ღერო იდო,
მხოლოდ შენ მწამდი.

ქოხმახის ახლო, ღობის ახლო თუ რამეს
ვრგავდი,
იმ ნერგში შენი თესლი იყო,
მხოლოდ შენ მწამდი.

ჩვენებურ ვიდელს და ჩილატანს იმედით ვწნავდი,
და რაც არ მწამდა,
იქაც მხოლოდ შენ ერთი მწამდი.



უდაბნოს ხვატში ჩემი კვალი ოაზისს ჰგავდა,
რომ მომნახავდი, მომძებნიდი,
მჯეროდა,
მწამდა.

* * *

დაბრუნდებიან დაკარგული შვილები შენი,
შემემატება გუთნისდედა, პლეთი, ბრძენი.

გამამრავლებენ ჯიშინი შვილები შენი,
ბევრი აკვნებით, წისქვილებით, ჭიშკრებით, ჭერიით.

გამამარებენ კვეთიანი შვილები შენი,
ახალი ვაზის ყვავილობით და ღვინით ძველით.

სულში ჩამექცა იბერიის მფეთქვარი ზეცა,
იმ გვირგვინების, იმ მხურვალე მზეების ლეწვა.

ქართვების სუნთქვის გრიგალებით გავწვრთვენი ფილტვი,
მე ახალ სიტყვას, ახალ ვეფხვის პოემას ვიტყვი.

იმ ახალ სიტყვას, შენ რომ ზრდიდი ოდითგან ოდით,
ბალღური ნებით, მგოსნის ფრთებით, დაფნების რტოთი.
სიტყვას, რომელსაც ჩემი რჯულის ფუძეში დებდი,
ვაზის ყვავილით,
ვეფხვის ტყავით,
ღვთისმშობლის თმებით.

შენი ძირძველი არსებობის ზვირთია ერთი,
ასაკი ჩემი,
ღროშა ჩემი
და ჩემი კვერთხი.

მეც რწმენის გარდა, ხალხის გარდა ვინ მყავდა შემწედ,
ისევ ამ ჟინით,
ამ სიცხადით, თუ კი რამ შევეძელ.


ისევ ამ მკლავით, თუ რამ მძლავრი ავზიდე ცისკენ,
რომელიც შენს სულს,

შენს ძვალს,
შენს ვაზს ემყნობა ისევ.

* * *

აყვავებული ტოტივით
მწუხრზე მომჩხებს მარჯვენი,
რამაც მესხეთი ალაგო,
რამაც ალაგო კლარჯეთი.

ვაზისაა და თავთუხის, იქ რომ ჩუქურთმა მინთია,
დამიწდეს ჩემი მხარ-მკლავი, ქვეყანა უფრო დიდია,
საუკუნენი მოდიან,
საუკუნენი მიდიან...



ბიოგრაფიული

ლ მ ღ ი ნ ი

მეთევზე ტალიბა სეიდიშვილი ორი წლის შემდეგ გაათავისუფლეს ციხიდან. იგი ჩამოვიდა ღამით, ტყავის ვეება ქულაჯაში გამოწყობილი, ერთიანად მოღუშული, ჩამომხმარი. სანაპირო ქუჩაზე თითქმის არავინ ჩანდა. ერთმანეთზე ახირხლული, ხის დაბალი სახლები ჩამკვდარი გამოიყურებოდნენ. ეს იმიტომ, რომ აქაურ მცხოვრებლებს მძიმე, არალუღებთანად დაგმანული დარაბები უყვართ. ტალიბა უხალისოდ მიაბიჯებდა ნაცნობ ქუჩაზე. ცალ ხელში პატარა ფუთა ეჭირა — ციხის სამახსოვრო. ცალი კი ქულაჯის ჯიბეში ჩაემალა. ფოთის მხრიდან ქარი უბერავდა. შემოდგომის ეს ცივი, ხორკლიანი ქარი სიამოვნებდა ტალიბას. მიაბიჯებდა თავაწეული, მკერდგაღელილი, მაგრამ საშინლად გაბრაზებული. ასეთი იყო იგი ორი წლის წინათაც, როცა ისა აბაშიძის დუქნიდან წაიყვანეს მენშევიკური მთავრობის მილიციელებმა. „აქ რაღაც გაუგებრობაა“ — ახმახი მილიციელის ხელის მოშორებას ღამობდა ტალიბა. „გავარკვევთ!“ — კიდევ უფრო მაგრად უჭერდა ხელს მილიციელი. და გავარკვევს: მას ორი მენავის სიკვდილში დასდეს ბრალი. „აბა, რად; მინდოდა მათი მოკვლა? — გოცდა ტალიბა — თანაც იმ ღამით მე სულაც არ ვყოფილვარ ნავსადგურში“. არ დაუჯერეს. შუალამისას ისევ დაკითხეს. თუმცა ეს დაკითხვას კი არა, უფრო ცემას გავდა. ტალიბას გვერდები ტკიოდა. ერთორჯერ სისხლიც ამოაფურთხა. მან დაახლოებით იცოდა, როგორ დაიღუპნენ მენავეები — სიბნელეში რომელიღაც გემი დაეჯახებოდა. მაშინ მრავალი მენავე იღუპებოდა ასე — საქარიშლო, გამაფრთხილებელ ფარნებზე არავინ ზრუნავდა. მენავეები კი ორი გროშისათვის მთელ ღამეს მიმოდიოდნენ რეიდზე ჩამომდგარი გემიდან — ნავსადგურამდე. ნავსად-

გურიდან — ვემამდე. დაღლილებმა წამით თუ მოატყუეს თვალთახი მენავე ბერძენი იყო, მეორე — აფხაზი. ტალიბა ორთავეს იცნობდა. გა-
ზაფხულის პირზე ნაის გამართვაში მოეხმარნენ. „ჰოდა, მათე
ქნებოდა“. — უთხრა ტალიბას ცხვირდაჭყააულმა გამომძიებელმა. „იე
არ მომიკლავს ისინი!“ — გაბრაზდა ტალიბა.

გამომძიებელმა ცალყბად გაიცინა. ისევ სცემეს, ჯერ ბალთიანი ქამ-
რით, მერე მუშტები დაუბაგუნეს. ტალიბას არაფერი უთქვამს. ანდა რა
უნდა ეთქვა? ის, რომ ამ ამბავისა არაფერი იცოდა? მაშინაც ცივი დაძე
იყო. იატაკზე იწვა. უხმოდ იწვა. როცა დანარტყამი ძალზე მწარე აღმოჩ-
ნდებოდა, ამოიკვნესებდა, ისიც ჩუმად, არაბუნებრივად.

ტალიბას დაჭერის ამბავი სწრაფად მოედო ქალაქს. დასკვნეს: ტა-
ლიბა არაფერ შუაშიაო. მაგრამ, რაკი გამოძიება გაგრძელდა, ჭორმა ნელ-
ნელა მოიმაგრა ფეხი. ათასნაირმა კუდგამოსკვნისმა ხან კეთილი, ხან
ბოროტი სახით ჩამოუარა სახლებს... ეს კი ჩვეულებრივი ამბავია ხოლ-
მე — მთავარია კაცს ჩრდილი არ მიადგეს, თორემ თუ მიადგა, მამაზეცი-
ერი ღმერთიც რომ იყოს, ხალხის ყბა იმასაც არ დაინდობს... ასე იყო თუ
ისე, ეს უდანაშაულო კაცი საციხოდ გაიმეტეს. თუმცა, სასამართლოში
რომელიდაც ტანდაბალმა, საკმაოდ ჩაფსკენილმა მამაკაცმა სიტყვა ითხო-
ვა. „ბატონო, მოსამართლეე!“ — დაიწყო ტანდაბალმა. „რა გნებავთ?!“
უკმეხად შეაგება სასამართლოს თავმჯდომარემ. „მე დაღუპული მენავის
ძმა ვარ...“ — წარბიც არ შეუხრია ტანდაბალს. „მერე? — ხმა გაეზზა-
რა მოსამართლეს. — როცა გამოგიძახებენ, მაშინ ილაპარაკებთ“. „თქვე-
ნი წესისა არაფერი გამეგება, — დაიბუბუნა ტანდაბალმა. როგორც შე-
მდეგ გამოიჩვენა. აფხაზი მენავის ძმა იყო, — მაგრამ ვიცი, რომ ეს კაცი
არაფერ შუაშია. მე თვითონ მენავე ვარ, ჰოდა...“

„გაჩუმდით?! — დაიყვირა მოსამართლემ.

„რატომ გავჩუმდე? — მხრებში გასწორდა ტანდაბალი. — უდანაშა-
ულო კაცს ასამართლებთ. ასე ყველა ჩვენთაგანის გასამართლება შეიძ-
ლება. აქ რალაც სხვა ამბავია, ბატონო მოს...“

უცებ გაჩუმდა. თითქოს მის სიტყვას ისე წვდნენ და გადაგრიხეს,
როგორც ხელს გადაგრეხენ ხოლმე ზურგს უკან. მან დაინახა მოსამართ-
ლის განრისხებული სახე, განზე გაქნეული ხელი — განუსაზღვრელი უფ-
ლების მქონე კაცის ყესტი და გაჩუმდა. იგი გარეთ გააბრძანეს.

ხალხმა იხუვლა. ტალიბა ჩუმად იჯდა. თითქოს ეს ყველაფერი მას
კი არა, ვილაც სხვას ეხებოდა. მისი თვალეები მაიას ეძებდნენ. მაგრამ
მაია არსად ჩანდა. შესაძლოა ამიტომ, მისთვის სულერთი იყო, რა განა-
ჩენსაც გამოუტანდა სასამართლო...

სწორედ ამაზე ფიქრობდა ტალიბა.

ქუჩაში მიაბიჯებდა. ქარისთვის სახე მიეშვირა. მძიმედ სუნთქავდა.
ქუჩა ერთბაშად ხელმარჯვნივ უხვევდა. იქ დუქანი იდგა. დუქნის დარა-

ბებიც მჭიდროდ იყო მიხურული. ისა აბაშიძეს არ უყვარდა გვიანი სტუ-
მარი. მაგრამ, თუ არ მოეშვებოდა, კარს უსათუოდ გააღებდა, ნაცნობი
იქნებო. ჰოდა, შინ მისვლამდე ტალიბამ ისა მედუქნესთან ვინაა ვინაა
შესვლა. ნიხვდა — ღელავდა, პირი უშრებოდა, ტანში რაღაც უცნაური
ჟრჟოლა უვლიდა. ისა აბაშიძემ თითქოს ვერ იცნო.

— ნუთუ ტალიბა ხარ? — იკითხა შემფოთებულმა.

— აბა ვინ ვიქნები?! — ფეხი წინ წადგა ტალიბამ.

— საოცარია, — თქვა მედუქნემ, — საოცარია სწორედ. — და გა-
დაეხვია. გულმა უგრძნო ტალიბას, ჟღალწვერა მედუქნეს მაინცდამაინც
არ გახარებია ჩემი დანახვაო.

— გეშვიება, — უთხრა ისამ და თვალისდახამხამებაში გააწყო
სუფრა.

სუფრის ასე ნაუცბათევი გაწყობაც არ მოეწონა ტალიბას, მაგრამ
დიდი თავპატიყი არ გაუღვია. მაშინვე დაისხა ღვინო, ლამპის შუქზე გა-
უხედა, ყველა პატიოსან კაცს გაუმარჯოსო, თქვა ყრუდ, თითქოს თავის-
თავს ელაპარაკებო, და გადაჰკრა.

— აბა, მკვდარი გეგონეთ, ხომ? — იკითხა უცებ.

— კარგი ერთი, — თვალი მოარიდა ისამ. — შინ იყავი?

ტალიბამ თავი გააქნია.

— როგორ ფიქრობ, ვის დასჭირდა ჩემი მოშორება? — თვალი თვა-
ლში გაუყარა ჟღალწვერა მედუქნეს. ეს კითხვა მთელი ორი წელიწადი
აწვალებდა.

— ათას რამეს ყვებიან, — თქვა ისამ, — ხომ იცი, ხალხს ლაპარაკი
უყვარს.

— მაინც? — ისევ გაივსო ჭიქა ტალიბამ.

— თვითონაც მიხვდები. რავა, ისევ ციხეში გარბინარ თუ? — გახუ-
მრება სცადა აბაშიძემ.

ტალიბამ ყველის ნაჭერი აიღო. ჭადს ყუა ჩამოსტეხა. მაინც გაშ-
ტერებული მისჩერებოდა ისას. ისა შეიმშუშნა.

— ჰო, — გამოერკვა ტალიბა. — ცხადია, ვიცი, ვისაც დასჭირდა
ჩემი მოშორება. — და პირველი ლუკმა ჩაიღო.

ისა აბაშიძემ შვებით ამოისუნთქა. ლუკმის გატეხა კარგად ენიშნა
ცხოვრებაგამოვლილ მედუქნეს. ბევრი რამ ჰქონდა სათქმელი ტალიბასა-
თვის. მაგრამ რატომღაც უცებ გადაიფიქრა და ღვინოს მიეძალა.

— მაია? — იკითხა ტალიბამ.

— გათხოვდა. — თვითონაც გაუკვირდა, როგორ უბრალოდ ამოის-
როლა ეს სიკვდილივით ძლიერი სიტყვა. ტალიბას მიაჩერდა. ტალიბა
ჭიქას დასცქეროდა. ერთი ნაკვთიც არ შეტოკებია სახეზე. ეს იყო მხო-

ბიბის სახ. ხან ხან
თავადათ
ყოფილი

ლოდ — კანმა ერთბაშად იცვალა ფერი. ეს კი არ გამოპარვია ისას და
ქინებულ მზერას.

— მეც არ გამიკვირდა, სასამართლოზე რატომ არ მოვიდა ^{მეჩვენეს} ^{საკუ-}
თითქოს ვილაც გარეშე ადამიანზე ლაპარაკობდა ტალიბა. თითქოს
თარ ხმას შორიდან ისმენდა. თითქოს ეს ყველაფერი მას კი არა, სხვას
ეხებოდა.

— ვისაც არ უნდა, ჰკითხო, ყველა გეტყვის, რა დღეშიც ჩააგდეს
ძმებმა.

ტალიბამ ისევ გადაჰკრა.

— აბა, — განაგრძო ღვინომორეულმა ისამ. — ძმებმა შინ ჩაქე-
ტეს გოგო. დღედაღამ ყარაულობდნენ. თავის მოკვლაც დააპირა თურმე.

— და გათხოვდა. — თავი არ აუწვევია, ისე წარმოსთქვა ტალიბამ.
იგი ჭიქაში ჩარჩენილ ღვინოს უყურებდა: მას არც უკითხავს ვის მისო-
ხოვდა მათა. საოცარია, რომ არ უკითხავს! რატომ არ იკითხა? მაშასადა-
მე, თავის მოკვლას აპირებდა. მაშასადამე, ეს ამბავი მთელმა ქალაქმა
იცის. რა უცნაურია, ფიქრობდა ტალიბა. ქალი ერთგულებას ეფიცებო-
და და ორი წელიც ვერ მოითმინა. ტფუ!

— შენ ყველას მკვდარი გვეგონე! — თქვა ისამ. ეს რომ თქვა, მერე
გაახსენდა, რატომ ჰქონდა ენის წინ კბილები. გაახსენდა, მაგრამ გვიანი იყო.

ტალიბა გაცეცხული მისჩერებოდა.

— მკვდარიო?

— ეგრე იყო, — თქვა ისამ.

— ვის დასჭირდა ჩემი სიკვდილი? — იკითხა ტალიბამ.

ისამ ცარიელ ბოთლს ხელი წაატანა, სარდაფისაკენ წალასლასდა.
სინამდვილეში კი პასუხის გაცემას აპირდა თავი. ისა მათაზე ფიქრობდა.
ტალიბას დაჭერის შემდეგ მათა საოცრად ჩამოხმა. ზაფრანასავით გაყვი-
თლდა და უშნოდ აიკანჭა. ერთადერთი ადამიანი, ვისთანაც უხაროდა
მისვლა — ტალიბას დედა იყო. უკვე საკმაოდ ხანშიშესული, წლებისაგან
მოტეხილი მოხუცი დედა ამბობდა: „ღმერთო, აბა, რად უნდოდა ჩემს
ბიჭს იმ საწყალი მენავეების მოკვლა?“ ათას ადგილას იჩივლა, ათასი ად-
გილას ითხოვა შველა. ამაოდ. იმ არეულ დროს ძნელი იყო რაიმეს გაგ-
ნება, ან დადგენა. ჰოდა, დაწესებულებიდან დაწესებულებამდე ალოლია-
ლებულმა ქალმა დარდს ვერ გაუძლო და შვილის დაჭერიდან ხუთი
თვის თავზე მათას კალთაში დალია სული. ტალიბასაგან კი არაფერი ის-
ქმოდა. ერთ ბნელ ღამეს გემით რომ წაიყვანეს სადღაც, მას მერე მისი
მნახველი, ან ამბავის მომტანი, არავინ გამოჩნდა.

მერე კი ქალაქში ხმა დაირბა, ტალიბა სეიდიშვილს ციხიდან გაქცევა
დაუპირებია, საკნის ცხაურების გადახერხვისას მოუკლავთ ზედამხედვე-
ლებსო. ამ ამბავს ათასნაირად ყვებოდნენ. ვინმე რუს ტიხოვსაც იმოწ-
მებდნენ. თითქოს ტალიბა მის თვალწინ დაეცა გულგანგმირულიო.

მაიამ, ცხადია, ეს ამბავი არ დაიჯერა და იმ რუსის ძებნა დაიწყო. მან ტალიბას დედის ადგილი დაიჭირა, ზემდგომ ინსტანციებს მიმართა ვლა თხოვნით, წერდა ყველგან, სადაც კი მიუწვდებოდა. ძმები ტალიბას წვეულებაზე მართავდნენ. ამ წვეულების თავი და თავი, ყოველთვის, მევახშე ჭიჭინაძის ერთადერთი ვაჟი ლადუშა გახლდათ. ლადუშა ჩინებულად უკრავდა გიტარაზე, ჰქონდა რბილი, ხავერდოვანი ტენორი და ახალგაზრდის დარდიმანდი გული. არც ძმებს და არც ლადუშას არ მოსწონდათ. მაიას ასეთი „გადაყოლა“. „კაცისმკვლელს ეშველება რამე?“ — ამბობდნენ ისინი. მაიას არ შეუძინებია, რომ ტალიბას დაჭერას შემდეგ ლადუშა მათ სახლში განსაკუთრებული უფლებებით სარგებლობდა.

„მოკვდა შენი ტალიბა, მოკვდა“. — ეუბნებოდნენ ძმები.

„ტყუილია“, — თავს აქნევდა მაია და ახალ განცხადებას სწერდა. ერთ ღამეს კი მას მოუყვანეს ერთიანად ჩამოძონძილი, მთვრალი რუსი. პირდაპირ საწოლ ოთახში შეუგდეს. „მოჰყევი, როგორც იყო. — უთხრეს ძმებმა უცნობს. — ამ სულელს არ სჯერა“. მაიამ სახეზე აიფარა ხელები. უცებვე ჩამოიღო და იკივლა:

— გარეთ გაეთრიეთ!

მთელ ღამეს ქვითინებდა.

ამის შემდეგ შინიდან აღარსად გაუდგამს ფეხი.

გაზაფხულზე მაიამ პირველად ჩაიხედა „ზალის“ ვეება სარკეში. ჩაიხედა და შეცბა. გასაოცარი რამე, მომხდარიყო. — აღარც სიყვითლე ემჩნეოდა, აღარც ჩალურჯებული უბეები. მკერდი ჩვეულებრივზე უფრო გავსებოდა და წამობურცოდა. იმ დღეს თმა საგულდაგულოდ გადაივარცხნა. წელში გამოყვანილი კაბა ჩაიცვა. ეამა. ჯერ კიდევ გაუგებარმა, აქამდე უცნობმა ინსტინქტმა აიძულა ლარნაკი ყვავილებით ავესო და ფართოდ გაეღო ოთახის ფანჯრები. ძმებმა გაკვირვებით გადახედეს ერთმანეთს. მათ, რა თქმა უნდა, არ გამოპარვიათ მაიას ასეთი გარდასახვა. „გოგო უნდა გავათხოვოთ, — დაადგინეს ერთხმად, — როდემდე უნდა ელოდოს იმ კაცისმკვლელს?!“ მაიამ ბოლმა გულში ჩაიხვია. „მაინც ვისთვის მიმეტებთ?“ — იკითხა ფერდაკარგულმა. „ჭიჭინაძეებს უნდობარძლად. — ვერ მიხვდნენ ძმები მაიას გამოწვევას. — თუმცა, ეს ჩვენზე უკეთესად არ იცი?“ „დახე!“ ღვარძლი გაისმა; მაიას ხმაში. „ბედი კარს მოგადგა, ქვეყანას საღი თვალით შეხედე, გოგო!“ — გაბრაზდნენ ძმები. ძმებს არ უყვარდათ ტალიბა. მათ მევახშე ჭიჭინაძის ოქროები ესიზმრებოდათ. ლადუშას კი, ჰე, ლადუშას რომ მზე ამოსდიოდა მაიაზე, ეს მთელმა ქალაქმა იცოდა.

ისა აბაშიძე ღვინის მოტანას აგვიანებდა.

— სად დაიკარგე, ისა? — ჩახლეჩილი ხმით გასძახა ტალიბამ.

უღალწვერა მედუქნე ბანცალით გამოვიდა სარდაფიდან. წამომდგარი ტალიბა რომ დაინახა, ერთბაშად მოფხიზლდა.

— მიდიხარ, შე კაი კაცო? მე ალიგოტე ჩამოვასხი. მაქვს გადანახული. ყველას კი არ ვასმევ.

— ცუდად ვარ, ჰაერი არ მყოფნის!

— დარჩენილიყავი, — დაიწყო ისამ, — სად მიდიხარ, ღამეა.

— წავალ, — გადაწყვეტით თქვა ტალიბამ.

გარეთ რომ გამოვიდა, ქვის ღობე დაინახა. ქუჩის ფარანი მკრთალად ანათებდა ამ ღობეს.

გაახსენდა: ციხეში ყოფნის დროს, ღამით, პატიმრები სწორედ ასე მკრთალად განათებულ ეზოში გამოჩნდნენ. წვიმდა. ტიკივით გაბერილმა ზედამხედველმა მუხლებზე დაიჩქება უბრძანა ყველას. ტალიბას გარშემო დაიჩქეს. დაიჩქა ტალიბამაც. წვიმა სახეში სცემდა. ტიკივით გაბერილი ზედამხედველი გასაღებების ჩხარუნით დააბოტებდა შუა ეზოში. იგი რაღაცას გაშმაგებით ყვიროდა. ტალიბამ თავი ასწია. მხარმარცხნივ, ოცი-ოდე ნაბიჯის დაშორებით პატიმრების ერთი ჯგუფი არ დამორჩილებოდა ზედამხედველის ბრძანებას. ისინი ისევ უბრად იდგნენ ქვის ღობესთან. ტალიბას გაუკვირდა. იგი პირველად ხედავდა ურჩ პატიმრებს. „ვინ არიან?“ — წასჩურჩულა მეზობელს. „ბოლშევიკები, — მიიღო პასუხი. — ისინი გუშინ ღამით მოიყვანეს ზუგდიდიდან“. „რატომ არ ემორჩილებიან ბრძანებას?“ — „არ მოსწონთ ასეთი ბრძანება“.

ტალიბამ ისევ გაუხედა კედელთან მდგომ ადამიანებს. ათი თუ თორმეტი კაცი დათვალა. ზოგი ახალგაზრდა იყო, ზოგიც — ხნიერი. უცებ იგრძნო, მუხლისთავეები აეწვა. საშინლად აეწვა. და ეს რომ იგრძნო, საოცარი სურვილი დაეუფლა, — მიეფურთხა ყველაფრისათვის და წამომდგარიყო. იმ წუთს მას გაგიყებით უნდოდა წამოდგომა. ეს სურვილი ძალიან გავდა იმ ღამის სურვილს, როცა მკლავებში პირველად იგრძნო მაიას ტანი. მერე ეს სურვილი დიდხანს არ ასვენებდა — ყველგან დაჰყვებოდა, ღამით, თევზაობის დროს, შინ, განთიადისას, მოულოდნელად რომ გაედვიძებოდა ხოლმე, მაშინაც. სულ უკვირდა, როგორ შეეძელი ამ სურვილის მოთოკვაო. ახლაც, საპატიმროს ვეება ეზოში მას ისევ დაეუფლა უცნაური, დამათრობელი ჟინი — როგორმე წამომდგარიყო. მაგრამ, როგორც იმ ღამით, იგი უხმოდ, ერთიანად გახელებული, აგუგუნებული მკერდით ცდილობდა თავის შეკავებას. კიდევ ერთხელ გაუხედა ქვის ღობესთან ამაყად მდგარ ადამიანებს და გადაწყვიტა: რაღაც არ უნდა დაუჭედეს, გაეცნოს იმ ადამიანებს, გამოელაპარაკოს, გაიგოს, რატომ დგებიან სხვები მუხლებზე, ისინი კი — არა.

აი, ეს გაახსენდა ახლა ტალიბას. ქვის ღობემ გაახსენა.

ხის პატარა სახლი.

მისი სახლი.

სიბნელე.

დააბრახუნა მაგრად. უფრო მაგრად.

სიჩუმე.

მეზობელ სახლიდან გამოიხედეს.

— ვის ეძებთ?

„დედაჩემო“, — უნდა ეთქვა. მაგრამ მას ჯერ კიდევ ორი წლის წინათ შეატყობინეს დედის სიკვდილი.

— მაროს. — წარმოსთქვა ჩუმად.

— დეიდა მაროს? დეიდა მარო დიდიხანია მოკვდა. მისი შვილიც, ტალიბაც მოკვდა. ამბობენ ციხეში მოკვდაო.

ტალიბა ათრთოლებული გამოვიდა ჩრდილიდან.

პარმალზე მდგარმა ხანშიშესულმა ქალმა მზერა დაძაბა.

— რომელი ხარ შენ?!

— ტალიბა ვარ, — თქვა ჩახლეჩილი ხმით, — მაროს შვილი.

ქარი ქროდა, ცივი, ხორკლიანი ქარი.

* * *

შუა დეკემბერი იდგა, როცა მაიამ ყოველგვარი იმედი დაკარგა და ძმების ნებასურვილს დაჰყვა. შესაძლოა, ქორწილი სწორედ იმ დამეს დაემთხვა. როცა მუხლზე დაჩოქილ ტალიბას საიმედოდ იზოლირებული ციხის ვეება ეზოში წვიმისთვის მიეშვირა სახე.

მევახშე ჭიჭინაძის ერთადერთმა მემკვიდრემ მეცხრე ცას შეავლო ხელი — როგორც იქნა, აღისრულა საწადელი. მეფის საკადრისი ქორწილი გადაიხადა. როცა ეკლესიიდან დაბრუნდა, უცებ რაღაცნაირი სევდა შეეპარა, მოიღვენთა და მოდუნდა. ღვინოს მიეძალა. ნეფე იყო. სმა არ შეეფერებოდა. მაგრამ ყანწის გამოცლას თამადას ასწრებდა. მერე მართო დასტოვა დედოფალი, მეორე ოთახში შეკრებილნი მოინახულა. მათთან იმხიარულა და უკვე საკმაოდ შეზარხოშებულსა და დამბალს გაახსენდა თავისი მოვალეობა. სახლი ისევ გუგუზუნებდა მრავალყამიერით, ისევ ბოლომდე ისმებოდა სასმისები, როცა ლაღუშამ თავისი საოცნებო დედოფალი საწოლ ოთახში გაიყვანა, ხელში აიტაცა და მაღალ, რბილ საწოლზე დაუშვა. ჩაქრა სინათლე. მაიაც გადამთვრალი მამაკაცის სუნით ეცა. მაგრამ სიტყვა არ უთქვამს და არც განძრეულა, როცა ეს სუნი კიდევ უფრო ახლოს იგრძნო... განთიადი ძლივს ახელდა თვალებს, როცა ამდენი ლოდინისა და ახდენილი ოცნებისაგან მოქანცულ ლაღუშას ძილი მოერია. ზურგზე გაწვა და ფეხები გაჩაჩხა. მაია კბილს კბილზე აჭერდა. ძლივს იმაგრებდა ბოლმას. იგი საოცარი მოთმინებით იტანდა ლაღუშას აღერსს, არც განძრეულა, არც ამოუოხრებია. მაგრამ ეტყობა, დაგუბებუ-

ლმა ბოლმამ მაინც იპოვა ბზარი და გარეთ გამოუყონა. ძილბურანში ვახ-
ვეულ ლადუშას ქალის ქვითინი შემოესმა. ლადუშამ თვალი გააღო.
ქალი ერთიანად თრთოდა. ლადუშა მოფხიზლდა. ამ ქვითინის შემოქმედმა-
სთვის გასაგები იყო და უცებ მამაკაცის მომეტებული სიხარულის კომ-
კი ერთბაშად დაიფუშა.

— გაჩუმდი! რა გატირებს! — შეაქანჯალა ქალი.
ლადუშას ბრაზი ახრჩობდა.

— გაჩუმდი-მეთქი! — იყვირა მან, — ჩაძალდა შენი რაინდი. ხომ
გაიგე, ჩაძალდა-მეთქი!

— მაგრამ მე ხომ ცოცხალი ვარ, — გულამოსკვნით წარმოსთქვა
ქალმა.

— ტფუ! — შეიკურთხა ლადუშამ. — აღარაა საშველი! — და გვე-
რდი იბრუნა.

* * *

„ყველაფერი გათავდა. — ფიქრობდა ტალიბა. — რიღასთვის უნდა
ვიცხოვრო?“ ადგილს ვერ პოულობდა. მაიას დავიწყებას ცდილობდა. ამ-
ოდ. ზოგჯერ ბოლმით ვადამთვრალსა და გაცოფებულს ლადუშას გვერ-
დით დაწოლილი მაია ესიზმრებოდა. წამოვარდებოდა. ოთახიდან ოთახ-
ში იწყებდა ბორიას. სასოწარკვეთა იპყრობდა. ტანზე იცვამდა. გარეთ,
შორს ამ სასლისაგან! თითქოს ვინმე მისდევდა.

მაგრამ ის, რასაც იგი გაუბოდა, თვით მასში იყო მოკალათებული.
ამას რომ მიხვდა, მერე სულ დაკარგა მოსვენება.

მარტის ბოლოს ლადუშა ჭიკინაძეს საწყობები ჩამოერთვა. „რევო-
ლუციური მთავრობის სახელით!“ — უთხრეს ტყავის ქულაჯიანმა შამა-
კაცებმა მევახშის მემკვიდრეს. ლადუშა გაყვიტლდა, ენა წაერთვა. „მე
ვიჩივლებ...“ — ამოღეჭა ბოლოს. „იჩივლეთ“, — მოუჭრა ცივად შალა-
მა, ერთიანად გაჭადრაგებულმა მამაკაცმა.

ლადუშამ მზერა დაძაბა. იცნო და თან ვერ იცნო ეს ჯმუხი მამაკაცი.
დააკვირდა: ზანტი მიმოხვრა, ვეება მუშტები, ტყავის ქულაჯის ქვე-
მოთ — მაუზერი.

იგი უხმოდ გავიდა საწყობიდან.

„იჩივლეთ“, — უწიოდა ყურში ცივად ნასროლი სიტყვა.

ლადუშას გონება უცებ განათდა, მერე მოინისლა და გვიბნარეც,
არამყარ ხილვაში ჩამოიქნა ტალიბას სახე.

უცებ ცივმა ოფლმა დაასხა.

— ღმერთო! — იყვირა მთელი სხეულით, — ღმერთო, ნუთუ ისაა?
ახრჩობდა რაღაცნაირი შურდალი, დაგუდული ბოლმა.

ამ ბოლმის დახრჩობა ღვინოში თუ შეიძლებოდა მხოლოდ. მაგრამ
ორპირის შიში და დაბალღამებული გული არ იკარებდა ღვინოს. იჯდა

მაიას ძმებთან ერთად, ერთიანად დაძაბული, თვალმდებლურად უყურებდა წვერ-გაუპარსავი.

— რა უნდა ვქნათ, ჰა? — წარამარა ეკითხებოდა ცოლისძმებთან ერთად.
— აბა, რა ვიცით, — იმმუნებოდნენ ნირწამხდარი ცოლისძმები.

მათაც ეშინოდათ. „წარმოგიდგენია, — ფიქრობდნენ ცალ-ცალკე. — ეს უნიფხვო ტალიბა ახალი მთავრობის კაცად მოგვევლინა. მთელი ნავსადგურის ბატონ-პატრონია. ჩვენ კი მკვდარი ვვგეგონა“.

— აკი მოკვდაო? — ვეღარ მოითმინა ბოლოს ერთმა. ლადუშას მიაჩერდა. ლადუშამ თავი აარიდა. მკვდარი ტალიბას მნახველი რუსი სწორედ მისი მოყვანილი იყო.

— ერთი მაგისიცი... — შეიღრინა მეორემ. მაგრამ ეს გინება ძლიერი მუშტის წინაშე მოდრეკილი კაცის ამოხვრას უფრო გავდა.

— სადაა შენი ინგლისი? — იკითხა ერთმა ძმამ.

— სადაა შენი აღორძინებული საქართველო? — იკითხა მეორე ძმამ.

— უჰ, მაგათი! — ღმერთმა უწყის, ვისი მისამართით შეიკურთხა ლადუშამ. ერთი ცხადი გახდა — ქონებასთან ერთად პატივისცემაც დაჰკარგა. ცოლისძმები ამრეზილად უყურებდნენ.

— რა უნდა ვქნა ახლა მე? — იკითხა ბოლოს ლადუშამ.

— აბა, რა ვიცით, — შეიმუშუნენ უხალისოდ ცოლისძმები. — რა-ღაცას ვიზამთ. ხომ არ გაგწირავთ?!

მერე იგი მარტოდმარტო მიიბიჯებდა სანაპიროზე. ძმებმა უხასიათობა მოიმიზიჯეს—მათ თავისი სადარღებელი ჰქონდათ. არც დაუძალებია. ბუნებით მხდალი როდი იყო. ნავსადგურის ბოლოს ერთბაშად რკინიგზა იწყებოდა. ლადუშა შედგა. საოცრად მოტეხილად, გამოფიტულად წარმოიდგინა თავი. ახლა მას აღარაფერი და აღარავინ გააჩნდა ქვეყანაზე. ცოლი?.. ჰო, ცოლი... სასაცილო იყო, მაგრამ როცა ცოლზე ჩამოუგდებდნენ სიტყვას, რაღაცნაირი უსიამო გრძნობა იპყრობდა. ანდა ჰყავდა კი ცოლი?! ქალთან წოლა ჯერ კიდევ არ ნიშნავს, რომ იგი საბოლოოდ შენ გეკუთვნის. ეს იცის ლადუშამ. განსაკუთრებით მაიამ აგრძნობინა ეს. ჰო...

მთვარე არ ჩანდა. ანდა რა ემთვარებოდა? ზანტად მიალაჯებდა. საკუთარი გულისძგერა ესმოდა. დაგ-ღუგ, დაგ-ღუგ, დაგ-ღუგ... სიბნელეში რკინიგზის რელსები მისაშველებლად გაწვილ ხელებს გავდნენ. დაგ-ღუგ, დაგ-ღუგ... გული მატარებელივით გარბოდა რელსებზე. განძელებს შორის მაზუთი ესხა. წებოვანი სითხით გაპოხილი ხვინჭა ლანჩებს ეკვროდა. წამით შედგა. „იჩივლეთ!“ გაახსენდა გამყინავი ხმით ნასროლი, სიტყვა. ეს იყო გამარჯვებული, მაგრამ დაღლილი კაცის სიტყვა. ვისთან უნდა იჩივლოს? ყველაფერი დამთავრდა. ყველაფერი დასრულდა. პალმების აფრიალებული კენწეროები მომთენთავად ზღუოდნენ. ლადუშას პალმების ბედი შეეხარბა, მაგნოლიების ბედი შეეხარბა. ადამიანი, გულ-

ხარბია, გულრძო, მიუწვდომელის დასაკუთრებას ლამობს მუდამ. 
ერიდება სიფლიდეს. ხომ არ ერიდება, ლაღუშა? ხომ არ ერიდება? ქარი
შდუოდა. ეს იყო ცივი, საჩეჩელა ქარი, ფოთის მხრიდან რომ ქარისმშლნი
დამ და სულს ჰყინავს.

ისე მიაბიჯებდა, თითქოს წინ სიცარიელე იყო და უკანაც ვეება სიცა-
რიელეს სტოვებდა. ეს სიცარიელე უსაშველოდ იზრდებოდა და ჩანთქმას
უპირებდა. ეგონა — სადაცაა წავიქცევო.

მაგრამ ლაღუშა ჯერ კიდევ ფეხზე იდგა, ჯერ კიდევ სუნთქავდა.
ასეთი დამცირება არასოდეს უგრძენია. მაია კიდევ ჰო, მაგრამ ცო-
ლისძმები... ასეთი ორგულობა... როგორ უმტყუნეს... პა, პა, პა! რატომღაც
აეკვიტა: „ვინ გაჰყიდა ქრისტე?.. ვინ?“ თვითონაც ვერ მიმხვდარიყო,
რად იმეორებდა ამას უთავბოლოდ. თანაც ქვეშეცნეულად გრძნობდა ---
შურისგება ჯერ კიდევ წინ იყო, ამ მღუმარე რკინიგზის გადაღმა, ამ მო-
ფართხუნე ხეთა გასაჰკრეტში... იქით, მრუმე სახლებს შორის უხილავად
ჩასაფრებული.

„პაი, როგორ გაფრინდა ჩემი ახალგაზრდობა...“ მღეროდნენ სადღაც.
რა საცოდავად კენესის არღანი. იჰაჰება მომღერალი. მერე? გაფრინდეს
მერე. მაინც არ დარღობს ლაღუშა. მაინც არ ტირის. მოსახდენი მოხდა.
ხომ მოხდა, ლაღუშა? თვითონაც გაუკვირდა — ნუთუ ამას მე ვფიქრო-
ბო. უცებ აიქნია ხელი. ხორკლიანი ქარი გაეხახუნა ხელზე. — რა სისუ-
ლელეა, — თქვა უცებ, — რაღაც უნდა ვიღონო...

ისევე ბლანტედ მიაბიჯებდა. მის ზურგს უკან პორტი ხრჩოლავდა ---
საოცრად ახლობელი და ამავე დროს საოცრად უცხო. ირგვლივ სულ
მტრები იყვნენ დადარაჯებულნი. მტრები... მტრები... მტრები... რეიდზე
საახალწლო ნაძვისხესავით გადაბჟღიალებული გემები იდგნენ. ხვალ სა-
მხედრო პარადი იქნება.

გავიქცე? საით? — ჯანდაბასა და კურმუხეთში... არა, უფრო შორს...
უზარმაზარი, ბოროტი ტალღა ნელნელა, ფაფარზე მოქცეული ათასი
უხსენებლით დაიძრა მისკენ და წელამდე შეუდგა. მერე წვეთ-წვეთად,
წკაპუნით გაუვსო გული.

მამ გაღაწყდა. წავალ. ოღონდ მანამდე მაიას მოველაპარაკები. რაც
არ უნდა იყოს, ცოლია.

შინ გვიან მივიდა. კარს ფეხი გაჰკრა.

წინა ოთახში მოსამსახურე ქალი იჯდა. როგორც კი გამოიხედა, იგრ-
ძნო, რომ მაიაზე მიჩენილ მოსამსახურეს რაღაც სათქმელი ჰქონდა.

— ჰო, რა მოხდა კიდევ? — ჰკითხა ჩუმად.

— სა-ში-ნე-ლე-ბა! — დამარცვლით, ჩუმად უთხრა მოსამსახურემ.

უაზრო, არაფრისმთქმელი თვალებით მიაჩერდა.

— ჰო, გისმენ! — ნერწყვი გადაყლაპა ლაღუშამ.



— ქალბატონი მთელი დღე ტიროდა...
 — ერთი შენაც! — ჩაიქნია ხელი ლადუშამ.

ტყუესო...

— ერთი მაგისი დედაც.... — შეუკუროთხა ლადუშამ.
 — ამ დილით, ბატონო, ვილაც ტალიბას ჩამოსვლა გაუგია.
 — მერე მე რაში მენადვლება იმ ვილაც ტალიბას ჩამოსვლა?
 — მისი საქმრო ყოფილა! თურმე!

ლადუშამ ისეთი გამომეტყველება მიიღო, თითქოს პირველად ესმოდა.

— ვისი, ქალო? — ჰკითხა უცებ შეცვლილი ხმით, — ჩემი მაიასი? მოსამსახურემ თავი დაუქნია.

ადრე ჩაგუბებული ბოროტება ნელ-ნელა შეირხა, აშმაშურდა და გულის ნაპირებს მიაწვა.

— სად არის ახლა?
 — თავის ოთახშია.

ლადუშა ბანცალით გაჰყვა დერეფანს. ფარდას წამოედო, ხელზე დაიხვია, ჩამოგლიჯა. მოსამსახურე ქალმა ამოიკვნესა: „აჰ!“ „ტფუ!“ მოუხედა ლადუშამ და ფარდა დაუტოვა...

ვიდრე მაიას ოთახში შევიდოდა, სარკმელთან შეჩერდა. ქუჩაში გადაიხედა. ქალაქს ეძინა. ეძინა თავის საწუხარით, იმედით, სიხარულით... ლადუშას მთელი ცხოვრება ამ ქალაქთან იყო დაკავშირებული, მის ვიწრო ქუჩებთან, მის საყავეებთან, მხიარულ და მარად საქმიან მეთევზეებთან... ეს იყო მისი მშობლიური ქალაქი. იყო და აღარ არის. მას სძულდა ეს ქალაქი, რადგან უსაზღვრო სიხარულთან ერთად მოულოდნელი სიმწარე აგვმა. ღია სარკმელთან იდგა ლადუშა. საწყობებისა და უფლებების დაკარგვით გაბერილი გული ამოვარდნაზე ჰქონდა. ტირილი მოუნდა. „უუჰ“. მოკუმშა მუშტი და მის წინ მდგომ უხილავ მტერს დღუზა თითქოს. თითებმა გაიტკაცუნეს.

„ვაი, ცხოვრებავ! — მოწოლილი ცრემლი გაგუდვას უპირებდა! ლადუშას, — ფეხბურდლა ტალიბა ქვეყნის ბატონ-პატრონი გახდა“...

მოსამსახურე ქალის დაგესლილი მხერა გაახსენდა.

მაშ, საქმრო ჩამოუვიდა, ა?!
 დახე, თურმე რაში ყოფილა საქმე?!

დახე!

მე კი არ ვიცოდი!

კარი შეაღო.

მაია საწოლზე იჯდა. ლამაზი, ლადუშას საყვარელი, წვიმის სურნელით გაქდნთილი თმა მუხლებზე დაეფინა. კისერი მოედრიცა. რომელი-

დაც წერტილს მისჩერებოდა უაზროდ. გრძნობდა, ახლა მისთვისაც და მათ თავრებულყო ყველაფერი. კედლისა და ფანჯრის წყრთილს შორის მკრთავსებული არე თხელი ნისლით შეზავებულ დაფად ეჩვენებოდა. ფაზე განუწყვეტლივ მოძრაობდნენ ნიღბები, უსახურნი, უხამსნი. მაგრამ რაღაც ფარული, ქვეშეცნეული ხმა კარნახობდა — ამ ნიღბების უკან ლადუშა იდგა.

მას არ გაუგონია კარის კრიალი. მაგრამ ლაპარაკი კი ჩაესმა — დაქუჩილი, შიშითა და ღვარძლით შეზავებული. ცხელი სუნთქვა იგრძნო. უცებ ასწია თავი. ასეთი სუნთქვა იგრძნო მან ქორწინების პირველ დამესაც. იმუნიტეტმა თუ თავის დაცვის ინსტინქტმა მოაფხიზლა, ფიქრებიდან გამოარკვია. მის წინ ქმარი იდგა, ქმარი! მაიამ უცებ აიფარა სახეზე ხელები. იგი ლადუშას სახემ, უფრო კი ნიღაბმა შეაშინა. ლადუშა სწორედ იმ სახიჩარ, უხამს ნიღაბს ამოფარებოდა.

— მაშ, ჩამოგივიდა ჰა? — ჰკითხა ნიღაბმა.

— არამზადებო! — ამოიკვნესა ქალმა. ამოიკვნესა კი არა, ნათქვამს ბალღამი ამოატანა.

მან იგრძნო, როგორ წვდნენ თმაში, როგორ წამოსწიეს და როგორ გაიყო ბნელი ოთახი ორად...

ლადუშა ახლა იატაკზე დავარდნილ ქალს მუცელში ურტყამდა ფეხებს. „აი, შენ, აი შენ! მე გაჩვენებ შენს ტალიბას! ესეც შენ!..“ მაგრამ უცებ იგრძნო, რომ ცოლს კი არა, მოწოლილ ბოდმას, დამცირებას, თავის უსუსურობას და სიგლახეს უსწორებდა ანგარიშს. ქალი იწმანებოდა, იგრძნობდა, კვნესოდა... იყვირებდა, ეგონა ლადუშას. მოტყუვდა. ქალს სახეზე ცეცხლი მოედო. ტუჩის ფოსოებში დუჟი მოადგა... „მოკვალი!“ გაუელვა ლადუშას და ერთბაშად გამოფხიზლდა.

— ელპიტე! — დაიძახა მან. საკუთარი ხმა ეუცხოვა.

— რა იყო, ბატონო! — მაშინვე შემოიჭვრიტა მოსამსახურე ქალმა.

— წყალი!

— რა მოხდა? — გაკვირვებით იკითხა ელპიტემ.

— ცუდად არის მგონი, მოდი, მიხედე.

ის ღამე მაიასთვის სიზმარს უფრო გავდა. გავარვარებულ რკინაზე ედო თავი, ფეხებით კი ყინულს ეხებოდა. მაია ხედავდა ბუნდოვან ხაზებს, კედლიდან რომ ეშვებოდნენ. ეს ხაზები იატაკზე როკავდნენ, ერთმანეთში იგლისებოდნენ და ამ ასიორებულ ხილვისაგან გული უწუხდებოდა. „მიშველეთ!“ — კვნესოდა. იგი ვერ ხედავდა საწოლთან ჩამომჯდარ, ადამიანებს. გრძნობდა მხოლოდ — რაღაც მძიმე, უსაშველო, გატყუებით ემუქრებოდა. საფეთქლები! როგორ გუგუნებდნენ საფეთქლები! ამ გუგუნისაგანაც უწუხდა გული. წამი... კიდევ წამი... გათავდა, კიდევ ერთი ასეთი

წამი და ველარ გაძლებს. ამას რომ მიხვდა, უცებ ოთახის მღვრიე უბეებიდან გამოიწვერა და მერე ერთ მთლიან ზოლად სინათლე. ქალმა შვებით ამოისუნთქა.

ექიმმა ახალდაბადებული მკვდარი ბავშვი ზეწარში გაახვია.

ლადუშას შიშმა ასი ყური და ასი თვალი გამოიბა. მან არ იცოდა, გადარჩებოდა თუ არა ქალი. არც ექიმმა იცოდა. ექიმმა თავი გააქან-გამოაქანა, ამოიოხრა და სადღაც, ლადუშას იქით გაიხედა.

„გათავდა, — გაუელვა ლადუშას. ახლა მართლა გათავდა ყველაფერი!.. ეს წყეული ახალი მთავრობა ციხეს მაკმარებს?!“

თავის ოთახში ჩაიკეტა. არავინ იცოდა, რას აკეთებდა იგი იქ. ვერც მოსამსახურე ქალმა დაადგინა. განთიადი ძლივს იდგამდა ფეხს, როცა ცოლს მიაკითხა.

— სანუგემოს ვერაფერს გეტყვით! — წასჩურჩულა ექიმმა.

— რაღაც უნდა ვიღონოთ! — უაზროდ წაიდუღუნა ლადუშამ.

— თავს ზევით ძალა არაა, — თვალი აარიდა ექიმმა.

— გთხოვთ! — საბოლოოდ ჩაეხლიჩა ლადუშას ხმა.

იგი ერთხანს კიდევ უყურებდა სულთმობრძავ ქალს, მერე ქუდი დაიხურა და უხმაურო, შემპარავი ნაბიჯით გაემართა კარისაკენ.

ის დღე სიკვდილ-სიცოცხლის სასწორზე იდო მათ.

მეორე დილით სიცხე ერთბაშად მინავლდა. ზაფრანასავით გაყვითლებულმა ქალმა თავი წამოსწია. ექიმი რომ დაინახა, დიდხანს, დაჟინებით იგონებდა რაღაცას. სიტყვა არ უთქვამს. ასევე უთქმელად მოსვამის შემთხარე თათარიანხი და ძილს მინებდა.

— აწი აღარაფერი უჭირს, — შვებით ამოისუნთქა ექიმმა და მოსამსახურე ქალი ლადუშას მოსაძებნად გაგზავნა.

მაგრამ ლადუშა აღარსად ჩანდა.

ცამ ჩაყლაბა თუ მიწამ, იმ დღის აქეთია მისი კვალიც არავის უნახავს.

* * *

დიდხანს ებრძოდა ტალიბა სეიდიშვილი საკუთარ თავს. უჭირდა. ზოგჯერ ხელიც ჩაუქნევია, რისთვის ვიკლავ თავსო. მაგრამ მაშინვე გაახსენდებოდა ციხის ვეება ეზო, რუხი კედელი და თბროშო წვიმაში ამაყად მდგარი პატიმრები. მათ გარდა თითქმის ყველამ დაიჩოქა. ტალიბაჰაც დაიჩოქა — ზედამხედველის სიტყვა კანონად მიაჩნდა. და უცებ საშინელი, გამანადგურებელი განცდა დაეუფლა — რაღაც არ უნდა დაჯდომოდა, ისიც გამხდარიყო ასეთი, შეურყვეველი, უშიშარი, ამაყი. მუხლისთავები აეწვა. რა საზიზღრობა იყო ასე დაჩოქილი დგომა! თითქოს ადამიანი არც იყავი, თითქოს საკუთარი პატივმოყვარეობა არ გაგაჩნდა — იყო მხოლოდ საპატიმროს სქელუა ზედამხედველი და მისი ბრძანება. ბრძანების შეუს-

რულებლობისათვის გსჯიდნენ. მაგრამ რა უნდა ყოფილიყო მუხლებზე დგომაზე მეტი სასჯელი?! რა?! უცებ წამოდგა და უცებვე იღრღინებდა და მხედველმაც. ერთი! ორი! სამი!.. ითვლიდა თავისთვის ტალიბამ და იმდენად მოკვდეს, მაინც არ ჩაიჩოქებს. ერთი! ორი... ათი!.. პატიმრები ზრი- ალებდნენ, გუგუნებდნენ, ყვიროდნენ. ჩხარაჩხური გაჰქონდა ბორკი- ლებს. წუთი მარადისობად იქცა და ამ მარადისობის შემდეგ ტალიბამ დაინახა — მის გარშემო არცერთი პატიმარი აღარ იდგა მუხლებზე...

ღამით იგი „განსაკუთრებულ“ დამნაშავეთა განყოფილებაში გადა- იყვანეს.

ამის გახსენება ყოველთვის მხნეობას ჰმატებდა. პარტიულ ამხანაგებს აოცებდათ მისი გულმოდგინება, აოცებდათ ენერგია, რომელსაც ღმერთ- მა უწყის საიდან იღებდა საპატიმროს კედლებში ჯანგატეხილი და დაჯე- ჯგვილი კაცი. „დაისვენე, — ეუბნებოდნენ, — გამოიძინე“. იგი ხელს ჩაიქნევდა. „ჩემს საქმეს ვინდა გააკეთებს?!“ საქმე კი მართლა ბევრი იყო. ტალიბას გამოცდილება აკლდა. ამიტომ დღე და ღამეც ასწორებდა შრომაში. მაიას ლალატი მიყენებული ტკივილი იშვიათად თუ გაახსენე- ბდა თავს. ისიც მაიას ძმებს თუ გადაეყრებოდა სადმე, ან ლალუშას უგ- ზო-უყვლოდ გაქრობაზე ჩამოუგდებდა ვინმე სიტყვას. ტალიბა ყოველ- ვის უხერხულად შეიშმუშნებოდა, ანდა ისეთ გამომეტყველებას მიიღებ- და, თითქოს ეს ყველაფერი ვიღაც გარეშეს, სრულიად უცხო ადამიანს ეხებოდა.

მაგრამ იმ დღეს...

ტალიბა თავის სამუშაო ოთახში იჯდა. ის იყო თათბირი დაამთავრა. მუშათა საბინაო საკითხს იხილავდნენ. უჭირდა ხალხს. წელებზე ფეხს იდგამდნენ. პური აკლდათ, ნახშირი, ტანსაცმელი... ითმენდნენ. მაგრამ პარტიის კალთას შეფარებულ ნაძირალებს სწორედ მათი მოთმენა აოცე- ბდათ და განგაშს სტეხდნენ, პარტიასა და მუშებს შორის განხეთქილების ჩამოგდება უნდოდათ.

არ ჩაუვიდათ ფეხი.

აი, ამაზე ფიქრობდა ტალიბა. იჯდა თამბაქოს სუნით გაყვანილ კა- ბინეტში და მაგიდაზე დაყრილ ქალღლებს აწესრიგებდა. კარი გაიღო; ოთახში თანამემწემ შემოიხედა.

— თქვენთან ვიღაც მოქალაქეა...

— ვინ არის? — თანამემწესაკენ არც გაუხედაია ტალიბას.

ოთახში ვიღაც შემოვიდა. ტალიბამ საქალაღდე უჯრაში შეინახა და თავი ასწია.

თვალებს არ დაუჯერა — ტყავის მძიმე სავარძელთან მაია იდგა.

იდგა მოშვებული, უპეებჩალურჯებული, შეცვლილი. იერიღა თუ

შერჩენოდა აღრინდელი მაიასი. ოდესღაც ნაზი სახე გაუხეშებოდა, თითქოს ყვითელი საღებავი გადაესვათ. მშრალი, დამსკდარი ტუჩები მინაგან დაძაბულობაზე მეტყველებდნენ. მხოლოდ გრძელი, ფახულა წაქსქები და ლურჯი, დიდრონი თვალები არ შეცვლოდა.

ტალიბამ ძლივს დაითქვა სული — ეგონა, აი, ახლა, აი, ახლა გასკდება გულიო. მაგრამ მოწოლილი გრძნობის მოთოკვა შესძლო. მაიას მუქ თვალებში უცნაურმა ნაპერწკალმა გაიციმციმა. რას ნიშნავდა ეს? მაიას თვალებში აბრწყინებული შუქი გამოწვევად მიიღო ტალიბამ. ამან გააღიზიანა. მართლაც: მაია იდგა მის წინ მაღალი, მოქნილი. ტალიბამ მაშინვე შენიშნა — თეძოები დამრგვალებოდა, ვიწრო წელს მუქში დაიტევდი. მაგრამ ეს აღარ იყო ის ამაყი და ნაზი მაია, რომელიც ტალიბას უყვარდა.

ტალიბა დუმდა.

დუმდა მაიაც.

რამდენ ხანს გაგრძელდა ეს დუმილი?

ერთ წამს? ნახევარ წუთს? წუთს?

იღგნენ ასე ერთმანეთის პირისპირ და ბოლოს ტალიბამ იკითხა:

— რატომ მოხვედი? — მან შენიშნა — ნერვიულობისაგან სახე დაუნაოქდა მაიას. ანდა იქნებ ეს უკვე უჩუმრად წამოპარებული სიბერეც იყო? და მას უცებ შეეშინდა — ჩქარა სულ ჩაქრება, დაღრება მაიას სილამაზე.

— ისე მოვედი, უბრალოდ, ვიფიქრე, გავუვლი, ვნახავ, თვალს შევავლებ... — უცნაურად გაიცინა და ნაოჭებიც ერთბაშად გაუქრა.

— კარგი, — ხმა ჩაეხრინწა ტალიბას. — ხომ მნახე, წადი. არ მინდა აქ გნახონ. — და ჩურჩულით დაუმატა: — წადი!

მაიას ტუჩები აუთრთოლდა. თვალებში ცრემლი მოაწვა.

— მაპატიე! მოვედი, ვიფიქრე, პატიებას ვთხოვ-მეთქი! მაპატიე. დიდი დღე მაინც არ დამრჩენია. არ მინდა ჯავრად ჩამყვეს.

ტალიბას სიცილი წასკდა.

— რა ადვილი სათქმელია „მაპატიე“. მაგრამ რით გადამიხდი ციხეში, ქვის იატაკზე გატარებულ წლებს?! მე მხოლოდ შენზე ვფიქრობდი, შენ მედექი თვალწინ და ამან გადამარჩინა. მე ახლაც...

მას უნდოდა ეთქვა, მე ახლაც შენზე ვფიქრობო, მაგრამ დროულად გადაყლაპა სიტყვა. სიმწრისაგან ნაკბენი ტუჩი გაულურჯდა.

მაია უძრავად იდგა.

— არასოდეს არ გაპატიებ! გესმის? არასოდეს!

მას ერთი სული ჰქონდა, ვიდრე ეტყოდა: „ასეა, მე ციხეში მალპობდნენ, შენი დარდი მაგიყებდა, შენ კი... ტფუ!“ ამას, რა თქმა უნდა, იგი არ ეტყვის მაიას, არ ეტყვის. რომ უთხრას, გულს მოიფხანს, ხორ-

კლიანი სიტყვით იარას მოიქეჯავს და შვებას იგრძნობს. მაგრამ უნდა თუ
შვება ტალიბას? უნდა?

მან ზიზღით გახედა მაიას. მაიას რაღაცის თქმა უნდოდა და მისი ხმა
ბა. უკეთ, ტალიბამ არ აცალა.

— სინდისმა როგორ არ შეგაწუხა, ა?!

მაიას თვალეში ისევ გაიციმციმეს უცნაურმა ნაპერწკლებმა.

ახლა მისთვის ცხადი გახდა — ის, რასაც იგი ამ შეხვედრიდან ელო-
და, მხოლოდ ერთი სიტყვით გადაიღობა: „წადი!“ მაგრამ ტალიბამ განა
იცოდა, რა დულდა ქალის გულში?

— კარგი, წავალ, — თვალეში ნაღვლიანად დახუჭა მაიამ, თითქოს
საკუთარ სულში ჩაიხედა. ათრთოლებულმა მიამუხრა კარს. რაც შეიძლე-
ბა სწრაფად, რაც შეიძლება მალე გაშორდეს აქაურობას, რათა ტალიბამ
არ დაინახოს მის სახეზე ჩამოგორებული ცრემლი. მას არც დერეფანში
მდგომი მდივნისათვის შეუხედავს. არც ქვედა სართულზე გაჯგბული კა-
რისკაცისათვის, ამოსვლისას ასე დაეინებოთ რომ თხოვდა საბუთებს.

როცა დერეფანში ნაბიჯების ხმა მიწყდა, ტალიბა გამოერკვა.

„რა სულელი ვარ! — წამოვარდა ზეზე, — რა სულელი ვარ!“

დერეფანში გავარდა.

მაია აღარსად ჩანდა.

„იქნებ ასე უკეთესიცაა?!“ — გაუელვა.

მაგრამ ღამით, როცა მარტო დარჩა საკუთარ თავთან, ისევ შეიპყრო
ადრინდელმა, ვიყურმა სურვილმა (კარგა ხანია აღარ მოსვლია ეს) — მა-
იას თმებში ჩაემალა თავი, მაიას მკერდის სიმხურვალე ეგრძნო, მაიას უბ-
ეებთან გაჩენილი ნაოჭებისათვის გადაესვა ხელი, გაესწორებინა...

წამოდგა. წლების მანძილზე ნათმენი და დაგუბებული სურვილი
მთელ სხეულში ჩაწოლილ ტკივილზე უფრო ძლიერი აღმოჩნდა.

იქნებ უჭირს, ა? იქნებ სხვა გზა არ ჰქონდა, რახან ჩემთან მოვიდა?!

— თვითონაც უკვირდა, რატომ ფიქრობდა ასე. — იქნებ უჭირს და მე
ხელი ვკარი?

ცხადია, იცოდა...

ოღონდ შინ დახვედროდა, ოღონდ...

პილოგის ნაცვლად

ერთი წლის შემდეგ ტალიბა სეიდიშვილი მეთევზეთა ახალჩამოყალი-
ბებული ამხანაგობის თავმჯდომარედ გადაიყვანეს. პირველად ეგონა --
მეთევზეებთან ადვილად გამოვნახავ საერთო ენასო. მოტყუვდა. ახლა იგი
იშვიათად ბრუნდებოდა თავის პატარა, ღარიბულ ოთახში. ნავებსა და
კარკაპებზე ნათრევს მხოლოდ ერთი გარემოება გვრიდა შვებას — შინ

მაია ელოდა, ელოდა მყუდროება, მაგიდაზე გაწყობილი ვახშამი და თბილი, სუფთა ლოგინი.

შინ იშვიათად დაილაპარაკებდა. ანდა რაზე უნდა ესაუბრათ თავისი საფიქრალი ჰქონდა, ტალიბას — თავისი. როგორც ვთქვი, ბუნლად ცხოვრობდნენ: ხის დაბალი ტახტი, ხის გრძელი მაგიდა, რამდენიმე დაწნული სკამი (კონტრაბანდისტების ჩამონართმევი) და ორკარიანი კარადა შეადგენდა მთელს მათ ავლადიდებას. ჰო, დამავეწყდა, კედელზე ლენინის პორტრეტი ეკიდა. მაიამ არ იცოდა ვინ იყო ეს კაცი. მაგრამ რადგან ტალიბამ ასე სათუთად მოათავსა იგი ძვირფას ჩარჩოში, მამასადამე საპატივცემულოც ყოფილა.

ტალიბას ეგონა — მაიას სიახლოვე ტკივილს გამიქრობსო, უარესი მოხდა. ეს ტკივილი კიდევ უფრო გაღრმავდა და გაიტოტა. ამიტომ ღამით მაიას ისე მძლავრად მოიმწყვდევდა მკლავებში, ძვლები ტკაცუნებდნენ. ისე მაგრად დაეწაფებოდა ბაგეებზე, სუნთქვა შეეკვრებოდა. ამ გაუთავებელი, უკიდევანო ალერსით უნდოდა თავისი სატკივრისათვის ეპოვა მალამო. ამ მალამოს ძებნაში უმოწყალოდ, უფერულად გარბოდნენ დღეები.

ერთ დღით, ტალიბა აღარ წასულა სამუშაოზე. გვიან გაიღვიძა. საწოლთან მაია ეჯდა. ტალიბამ გვერდულად ახედა ქალს. ნაძალადევად გაიღვიძა და წამოიწია. გუმანით იგრძნო, ქალს რაღაც სათქმელი ჰქონდა.

— ჰო, გისმენ...

— რა უნდა ვქნა მე? — ჰკითხა ქალმა.

— როგორ თუ რა უნდა ქნა? — გაოცდა მამაკაცი.

— როცა შენ არა ხარ, მე ვზივარ და გელოდები. მთელი უბახი ვაკრეფილია. ყველა მუშაობს. მე რატომ უნდა ვიჯდო შინ? ვზივარ და გელოდები. ხოლო როცა სახლში ხარ, გამოლაპარაკებასაც მამადლი. ასე მგონია, ჩქარა ლაპარაკიც დამავეწყდება.

ტალიბამ უღიმღამოდ გაიღვიძა. სარკმლიდან დაინახა — უზარმაზარი, თეთრი ღრუბელი მიცურავდა ცაზე. „ქარი იქნება“, — დაასკვნა.

— მამ შინ ჯდომა მოგებზრდა? — გაღიზიანება დაეტყო ხმაში.

— რა ვქნა, — ამოიოხრა ქალმა, — იქნებ ჩემთვისაც გამოგეძებნა რამე. შენ იცი, მე მუშაობა მიყვარს.

— მაინც?

— უშენოდ ვერ მოვიფიქრებ. როგორც შენ იტყვი, ისე მოვიქცევი.

— კარგი, მოვიფიქრებ. — მოწყალებასავით გაიღო ტალიბამ.

ღუმილი ჩამოწვა. ტალიბა უხალისოდ იცვამდა ტანზე და მაიას უყურებდა. ჩაფიქრებული იჯდა ქალი. წაბლისფერი თმა მომნუსხველად ზიზიმებდა დილის სინათლეზე. ტუჩები უთრთოდა. თითებით კაბის ღილს აწვალებდა.

— მიტხარი, — მობრუნდა უცებ, — ხომ გეზიზღები? ხომ?

ტალიბამ თავი აარიდა.

— მოიგონებ შენაც!

— რატომ მომაკითხე, მაშინ? — არ მოეშვა ქალი. ახლა უფრო უცაცხაბდა. — გეზიზღებოდი და რატომ მომაკითხე?

ტალიბა ფეხსაცმლის ზონრებს ისკვნიდა.

ქალი მის ფართო მხარს დასცქეროდა — თავდახრილს ხალათი დაკვივოდა და კიდევ უფრო მძაფრად უმხელდა დაბურცულ კუნთებს.

— შენ არასოდეს მეუბნები, რა გაქვს გულში... რა გიტრიალებს... მაცოდინა მაინც...

ტალიბა სწრაფად წამოდგა. ცდილობდა, არ შეეხედა ქალისათვის.

— იცი შენ! — მიუგო ცივად.

ქალმა მწარედ გაიცინა.

— მაშ, არ მაპატიე... ისევ ძველს ეპოტინები...

ტალიბა დუმდა. მკერდის სიღრმეში რაღაც ჩაწყდა და გადატრიალდა.

— მე სულელს კი რა მეგონა... რატომ არ ჩავძაღლდი მაშინ, რატომ... ათასჯერ ბედნიერი ვქნებოდი. მაგრამ სულ ვფიქრობდი, — აი, ახლა, აი, ახლა მომაკითხავს-მეთქი.

— ხომ მოგაკითხე!

— ნეტა არ მოგეკითხა. ვიქნებოდი ჩემთვის. მარტოდ. სიკვდილს დავლოდებოდი.

— უკეთესი იყო, მე რომ დამლოდებოდი...

— მე გელოდი... — ენაზე იკბინა მაიამ. უკეთესი კი იყო, არ ეთქვა. ტალიბა გაფითრდა.

— კარგად კი მელოდი! — და უცებ იფეთქა. — რატომ ვერ მოითმინე, რატომ! აი, ასე დამემართა მეც. მეგონა, არაფერი მიშველიდა. მეგონა ციხიდან ველარ გამოვალწვედი. მაგრამ მაინც გადავრჩი. ხომ ხედავ? მეყო ძალა. შენ კი... ნახე თბილი ლოგინი და ჩაწყეკი... ეეჰ! რატომ იღუპებდიან ადამიანები, რატომ იძირებდიან? იმიტომ რომ ნებისყოფა არ ყოფნით, შინაგანი ძალა...

— რომელ შინაგან ძალაზე მელაპარაკები! — ხმას აუწია მაიამ. — მომკლეს, მომთენთეს, სული ამომხადეს... თან მთელი ქალაქი მიმტკიცებდა, რომ შენ... რა უნდა მექნა...

— არაფერი. ლადუშასთან დაწოლილიყავი! — თვითონაც გაუკვირდა, რა ღვარძლიანად ამოსკდა გულიდან ეს სიტყვები.

მაიამ ნაღვლიანად მოხედა ტალიბას. თვალები გაუმკრთალდა, ჩაუქრა.

— ეეჰ! რა იცი, შენ, რა! ან რა გესმის! — წარმოსთქვა წყნარად. — ცოდვას იღებ თავზე. იცი, რა ცხოვრება მქონდა? გეკითხა ერთი მისთ-

ვის! გეკითხა სხვებისთვის... მაგრამ შენ არ გცალია! საკუთარ ფიქრობ მხოლოდ... მხოლოდ საკუთარი ტკივილით საზღვრავ ფერს...



— ჰო, — თქვა ბოლოს ტალიბამ. — ჰო! — დაუმატა მერე

— იქნებ დავცილდეთ?

ტალიბა შეცბა.

— რა სისულელეა, — თქვა ისე, თითქოს საუბარი უბრალო რამეს ეხებოდა. — მე ვერ შევძლებ... ვერ ავიტან.

— მაშ, რატომ მაწვალებ? რატომ მტანჯავ? — ცრემლი მოერია მაის და თვალბშიც დაუბრუნდა ადრინდელი შუქი.

— მე ალბათ გიყი ვარ, — თქვა ტალიბამ. — გასაკვირია, განა? განა არ ვიცი, რომ წარსულს ვერაფერს უშველი? ვიცი, რომ შენ არაფერში არ ხარ დამნაშავე. მართლაც, რა უნდა გექნა? მკვდარს ხომ არ დამიწყებდი ლოდინს? ახალგაზრდა იყავი, ცხოვრება გინდოდა...

ტალიბა გაფითრებული იდგა, ხმა ისე დაწვრილებოდა, მაიას ძლივს ესმოდა მისი ნათქვამი.

— ნუ ამბობ ასე, — მუდარითა და თანაგრძნობით აღმოხდა ქალს, — უმჯობესია მლანძღე, მაგინე. მაგრე კი ნუ ამბობ.

ძან არ იცოდა, როგორ შეშველებოდა ტალიბას, როგორ შეემსუბუქებია ადრე მიყენებული ტკივილი. უცებ თავისი უმწეობა იგრძნო და დაღუძდა. ტალიბამ მხრები მოწურა. უღონოდ დაეშვა საწოლზე. ქალი დიდი, წყლიანი თვალებით დასჩერებოდა. იგი სიცოცხლეს არ დაიშურებდა ერთი უბრალო სიტყვისათვის, რომელიც ტალიბას დაამშვიდებდა. მაგრამ ასეთი სიტყვის პოვნა ახლა ძნელი იყო.

ლაპით ისინი დიდხანს და მოთმინებით ერიდებოდნენ ერთმანეთს.

ქალი კედელს ეკვროდა, მამაკაცი — საწოლის კიდეს. სირცხვილი თუ მამაკაცისათვის შეუფერებელი საქციელი აწუხებდა. აღარ ახსოვს, როდის ჩასთვლიმა, მაგრამ როცა გაეღვიძა, ქალის დამატორობელი, მაცდუნებელი მხურვალეობა იგრძნო.

— შენს გარდა არავინ მყავს ქვეყანაზე, — წასჩურჩულა ქალმა საოცრად დამდუღრული ხმით. — შენ იცი ეს, იცი...

ტალიბამ საოცარი სინაზითა და ალერსით აიკრა იგი მკერდზე.

— მეც... — თქვა მან ყრუდ, — მხოლოდ შენ მყავხარ... სხვა არც არავინ მეყოლება. ეს შენც იცი...

— მაშ, რაღად მაწვალებ? — თავი ტალიბას მკერდს მიაყრდნო ქალმა.

ტალიბა ღუმდა. იგი ფრთხილად ეფერებოდა თმაზე, ლოყაზე, ტუჩებზე, ზურგზე...

მათი ალერსი განთიადმა შეაჩერა.

ტალიბას მეთევზეები ელოდნენ. იმ დღეს ისინი პირველად გადო-
დნენ ზღვაში.

სამი დღის შემდეგ ტალიბა ერთიანად ნაგვემი, ძალაგამოცდილი მკერ-
გრამ კმაყოფილი დაბრუნდა თევზაობიდან. როგორც იყო, საქმე დასრულდა.
მაია უჩვეულოდ გამოცოცხლებული დახვდა. აღრინდელი ჩამკვდარი
ოთახი ახლა ერთიანად ქათქათებდა, მაგიდაზე — ყვავილები, ჭერზე იაფ-
ფასიანი ქორკანდელი, საწოლთან — პაწია ნოხი. ხოლო მაიას თვალები!..

— რაშია საქმე? მოხდა რამე?

— არაფერი, უბრალოდ, შენ გხვდები...

როცა სინათლე ჩააქრეს, ქალმა დიდხანს ვერ მოისვენა, წრიალებდა...

— არ იტყვი, რა დაგემართა?

ქალი დუმდა. ეტყობა, თავისთავს ებრძოდა.

— მე ვიცი, — თქვა მან ბოლოს, — შენ გძულვარ. მაგრამ იქნებ
არც ბავშვი გინდა ჩემგან?

ტალიბამ ჩაიცინა. მაიამ მისი ქირქილი გაიგონა. — თითქოს ნიავემა
ჩაუქროლა ყურის ბიბილოსთან.

— რად გაჩუმდი? — არ მოეშვა ქალი.

— ეგ ბედნიერება, ეტყობა, შორსაა ჩვენგან. — ამოიოხრა ტალიბამ.

— რატომ?! — უცებ ზანზალაკებმა გაიწკრიალეს მაიას ხმაში. — ვი-
თომ, რატომო, ჰა?

— ახლა სულ ველარაფერს ვხვდები! — სიხარულით აცეტებული
ქალი მაგრად მიიკრა, მერე უცებ წამოვარდა, ლამპა აანთო და ქალს გა-
ბრწყინებული თვალებით დააცქერდა.

ქალი კი სულ უფრო და უფრო ხმამაღლა იცინოდა. სარკმლიდან
ერთიანად გადაკაშკაშებული ცა ჩანდა. სადღაც, მოშორებით ზღვა იყო
და ზღვის მსუთილი გარკვევით აღწევდა მათ ოთახამდე.

ს ა თ ქ მ ე ლ ი

სადაც,
სიღრმეში გაჩნდა სათქმელი —
არც ცეცხლი აკლდა,
არც ფერი აკლდა.
თითქოს
გაგლიჯა გულის სარკველი,
თითქოს
სამყარო აფორიაქდა...

ლექსის ჟინია გადაუჭრელი
ან აგონია.
ნუ გეშინია — გადაუვრჩები?
არა მგონია!

მიხეილ გოჩგილაძე

მ მ მ მ მ ი ღ რ მ

ომი დამთავრდა. დაბრუნდნენ ჯარისკაცები. ბევრი ყვარჯნით დაბრუნდა, უხელოდაც... მაგრამ სიცოცხლე მაინც ჩამოიტანეს. ჩვენი ეზოს ბიჭებიდან ამირანი არ დაბრუნებულა. მას არც მეგობრის მიერ გათხრილი სამარე ღირსებია, დასავლეთიდან მოვარდნილ ხანძარში ჩაიფერფლა.

ერთადერთი შვილის დაკარგვას დედამ ველარ გაუძლო და თან გადაჰყვა. ლევანის დიდ სახლში საშინელმა მღუმარებამ დაისადგურა. ღია დანჯარებიდან ვხედავდით, ვეება კაცი როგორ დააბოტებდა ოთახიდან ოთახში, თითქოს რაღაცას დაეძებდა, მაგრამ რაკი ვერ პოულობდა, ისევ თავიდან იწყებდა ძებნას.

შემდეგ ლევანი შორეული ცურვის ტანკერზე მოეწყო ბოცმანად. მისი გემი ბათუმის ნავსადგურს ხუთ თვეში ერთხელ თუ მოადგებოდა. დაუსრულებელი მოგზაურობით იქარებდა შემოწოლილ ვარამს.

იმხანად თბილისში გადავედი საცხოვრებლად. ჯერ იყო და უნივერსიტეტი დავამთავრე. შემდეგ ასპირანტურა. ცხოვრებამ ხან საით გადამისროლა, ხან საით. ბათუმში ათი წლის შემდეგ ჩამოვედი. ლევანის სახლის კარი უცნობმა ქალმა ვამიღო. სახლის პატრონი მოვიკითხე. — მოხუცმა ცურვას თავი დაანება, ჩაქვში ზღვის სანაპიროზე დასახლდაო, მიიხრა.

სიტყვა „მოხუცმა“ უცნაურად იმოქმედა. ლევანი მეხსიერებაში ჩამრჩა ბრგე, გოლიათური აღნაგობის მამაკაცად, დიდრონი შავი თვალებით, საფეთქლებთან ოდნავ შეჭლარავებული შავი თმით, ბუბუნა ბარიტონით. ჩანს ოკეანეებთან ჭიდილში დაიღალა და, როგორც ჩანდაზმულობით ჩამოწერილმა ხომალდმა, თავისთვის მოსძებნა მყუდრო ნავთსაყუდელი.

მისამართი ჩავიწერე, ტაქსი დავიჭირავე და ჩაქვისაკენ გავემართე.

ვენახის ტალავერთ დაბურულ ეზოს მივადექი. ტალავებს იქით მოჩანდა თეთრად მოქათათე პატარა, მაგრამ კოხტა კოტეჯი. კოტეჯის აივანი ზღვას გასცქეროდა. ზღვა იქვე, ხელის გაწვდენაზე, მშვენიერად კავდა ფერადი ქვიშით აელვარებულ ნაპირს.

აივნის კიბეს აყუყუი. მოხუცი დასაკეც სავარძელში მიწოლილიყო და თვლემდა. ტანზე მეზღვაურის ზოლებიანი მაისურა ეცვა, ხელი კალთაში ედო, ხელში ჩანავლებული ჩიბუხი ეჭირა. იგი ერთიანად გადათეთრებულიყო, ჯიუტი, მალლა ავარცხნილი თმა გასთხლებოდა, მსუქანი, მზემოკიდებული სახე ნაოჭებით დაღაროდა.

მივუახლოვდი. იატაკის ჭრიალზე თვალები გაახილა. — ამას ვის ვხედავ, — ტკბილად დაიბუბუნა, გოლიათური ტანით წამოიმართა, კუნთ-მაგარი მკლავები გაშალა და მის ვაჟკაცურ მკერდში ჩაიკარგე.

დავსხედით, ერთმანეთი მოვიკითხეთ.

— დავძაბუნდი. ძველებურად აღარც მკლავი შემორჩილება, აღარც თვალი მიჭრის. ჰოდა, ლევან ყარამანოვიჩი, დროა დაისვენო, მითხრეს. მეც ავდექი და ნაპირს მოვამურე.

— ბათუმი რატომ მიატოვეთ?

— ქალაქის ხმაურს ვეღარ ვიტან. გონებასაც დასვენება უნდა ისევე, როგორც ჩემს ბებერ ძელებს. ესეც არ იყოს, ზღვას ისე შევეჩვიე, თუ არ ვხედავ, მის სიახლოეს თუ არ ვგრძნობ, ასე მგონია, სული შემეხუთება. მთელი სიცოცხლე ზღვას შევალე, გული მაინც ვერ შევაჯერე. ჩემთვის აქ ჯობს, ხან ბოსტანში ვიქცევ თავს, ხან ნავით ზღვაზე გავდივარ და იმდენ თევზს ვიჭერ, მეზობლებსაც ყოფნით.

დასავლეთის მხრიდან გრილი ნიავი უბერავდა, ნიავს ზღვის საამო სურხელება მოჰქონდა.

ლევანი ტკბილი ღიღინით წამოდგა, მოდი, ერთად წავიქეიფოთო, მითხრა, ოთახში შემიპატიჟა, მაცივრიდან ხილი და სასმელები გამოიტანა.

იგი ერთობ შეცვლილი მეჩვენა. სიტყვაც არ დაუძრავს განვლილ მწუხარებაზე, ცდილობდა მხიარული განწყობილება შეექმნა.

სანამ მოხუცი მაგიდასთან ფუსფუსებდა, ოთახი შევათვალიერე. კედლიდან ამირანის სურათმა შემომღიმა. საითაც წავედი, სურათმა თვალი გამომაყოლა, თითქოს მანიშნებდა, რაღაც სათქმელი მაქვსო. მთელს ტანში უცნაურად განძრა. ისევ სურათს დავუბრუნდი.

— ეჰ, ჩემი ბიჭი — მოხუცი მომიახლოვდა, მხარზე ხელი მომხვია, თან ისე ღრმად ამოიხვნეშა, გულიც თან ამოაყოლა.

სევდა რომ არ გამეახლებინა, ადგილი მოვინაცვლე. სხვა სურათს დავაკვირდი. გემბანზე ცამეტოოდე წლის ხუჭუჭთმიანი ბიჭუნა იდგა, შევნოდა ტანზე მომდგარი მეზღვაურის ფორმა.

— შენ მას არ იცნობ? — მკითხა მოხუცმა.

— არა. ვინ არის?

— ჩემი შვილია.

— როგორ თუ შვილი? — გამიკვირდა.

— ჩამოვვლეთ, ყველაფერს მოგიყვები.

საზამთრო დაჭრა, თითო კონიაკი გადავკარიტ.

— ერთხელ ინდოეთიდან სუეცის არხით ვბრუნდებოდით, — დაიწყო მოხუცმა, — ჩვენმა ხომალდმა პორტსაიდში ჩაუშვა ღუსა. რამდენიმე მეზღვაური ქალაქის ქუჩებს დავეყვით. გზაჯვარედინთან პატარა ფარდული ხილით იყო სავსე. მამის ეკვიპტეში ფრანგული ფრანკითაც შეიძლებოდა ვაჭრობა და ინგლისური სტერლინგებითაც. უცხოეთის ვალუტა ბლომად გვქონდა. ხილს თეთრ ჩალმაში გახვეული, ორმოცდათხუთმეტ წელს გადაცილებული სათვალისანი ნოქარი ჰყიდდა. სანამ ხილს ვარჩევდი, ვგრძნობდი, ნოქარი მაკვირდებოდა, მაგრამ მისთვის ყურადღება არ მიმიქცევია. ასე იციან არაბებმა, საბჭოთა მეზღვაურებს გულთბილად ეკიდებიან. როცა ფულს ვიხდიდი, ნოქარმა ჩვენებურად მკითხა, ქართველი ხომ არა ხარო. ჩემს გაოცებას საზღვარი არ ჰქონდა; არაბი წმინდა ქართულით ალაპარაკდა. რის არაბი, რომელი არაბი, ბათუმელი ლომთაძე ვარაობლად აღვიზარდე, თექვსმეტი წლის ვიყავი ცეცხლფარეშად გემზე რომ მოვეწყვე. 1921 წელს ჩვენმა გემმა გზაბნეული მენშევიკები ჩაიყვანა საფრანგეთში. გემი უკან აღარ გამოუშვეს. უცხოობაში მეხუთებოდა სული, მაგრამ ვინ იყო გამკითხავი. ორი წლის შემდეგ გემი გაჰყიდეს და მე ქუჩაში აღმოვჩნდი ულუკმაპუროდ. თურქეთამდე ძლივს მივალწიე, გადაწყვეტილი მქონდა, რაღაც უნდა დამეჭოდოდა, საზღვარზე გადავსულიყავი. დამიჭირეს და სამი წელი ციხეში ჩამკეტეს. თურქეთში ხელმოცარული ირანისაკენ გავემართე, არც იქ გამიმართლა. ბოლოს არაბეთში მოვხვდი, ფრანგ ვაჭარს დავუდექი ხელზე მოსამსახურედ. ჩემი ბედი აგორებულ ქვას დაემსგავსა. თითქმის ოც წელზე მეტი გავატარე ხეტიალში, იმხანად პორტსაიდში ჩემსავით გზაბნეულ ქართველებს გავეცანი, გვარად იშხნელებს. ერთი ქალი ჰყავდათ. იგი თვალში მომივიდა. ჩვენი ბედი ასე დავუჟავშირეთ ერთმანეთს. სიმამრმა თავშესაფარიც მომცა და ეს დუქანიც დამითმო. ლუკმა პური არ მიჭირს, მაგრამ ეჭ... ერთი ჩვენს ქვეყანაზე მომავლებინა თვალი და მერე თუგინდ მომკლაო, ინატრა ცრემლმორეულმა. — შე კაცო თვალის მოვლება რას შველის, სამუდამოდ წამოდი-მეთქი ვუარჩიე. — ნეტავი შეიძლებოდეს, მთელი ოჯახით დღესვე ავიბარებო, მითხრა. აღვუთქვი, რომ სავარეო საქმეთა სამინისტროს მეშვეობით ვეცდებოდი სამშობლოში დაბრუნების ნებართვა აეღო. გახარებულმა სახლში მიგვიპატრუა. დიასახლისმა ქართული სტუმართმოყვარეობით გავვიშალა სუფრა.

ოთახში ფეხშიშველი, ხუჭუჭთმიანი, მზემოკიდებული ბიჭი შემოილალა და გაუბედავად ზღურბლთან გაჩერდა. ბიჭმა ერთხელ კი შეგვა-

თვალთვალ არწივისებური თვალებით და უმაღლვე თავი დახარა.

— ჩემი შვილია, მოდი აქ ერეკლე! — მამა ქართულად გამოვილაპარაკა.



ბიჭი ორიოდ ნაბიჯზე მოგვიახლოვდა. ხელი გავუწოდე. მკერდზე მივიხუტე.

— მამ, ქართული იცი, ჩემო ერეკლე?

— დიახ, ბატონო, წერაც ვიცი და კითხვაც.

— ყოჩაღ. — მოუწონე. გამოირკვა, რომ ბიჭი შეგირდად მუშაობდა ეგვიპტელ ვაჭართან, ანგარიში კარგად იცოდა, არაბულ სკოლაში ესწავლა.

შუალამით ჩვენი გემი გადიოდა. მასპინძლებს გამოვეითხოვე. აღვუთქვი, რომ ყველაფერს ვიღონებდი სამშობლოში მათ დასაბრუნებლად. მამა-შვილმა ნავსადგურამდე გამაცილეს.

ერთი წლის შემდეგ ნასერმა სუეცის არხის ნაციონალიზაცია გამოაცხადა. საპასუხოდ ინგლის-საფრანგეთის არმადებმა პორტსაიდსა და ეგვიპტის სხვა ზღვისპირა ქალაქებს ყუმბარების სეტყვა დააყარეს.

დაზარალებულთა დასახმარებლად ხომალდებით სარწავი, სურსათი, საშენი მასალა და მედიკამენტები ჩავიტანეთ. ლომთაძის ოჯახში უბედურება დამხვდა. ყუმბარებს სახლი ნაცარტუტად ექცია, ცოლ-ქმარი ნანგრევებში დაღუპულიყვნენ. მიუსაფარი ბიჭი რომელიღაც თავმესაფარში ითევდა ღამეს.

შუალდემდე ერეკლე აღმოაჩინეს. ბიჭი გამხდარი მეჩვენა, თვალეში შიში ჩასდგომოდა. იგი უმაღლვე ჩემად ჩავთვალე, მკერდში ჩავიკარი, აშლილ თმებზე მივეუღერსე. ზოელი სხეული უცნაური სითბოთი ამევსო, ასე მეგონა, ღმერთმა ამირანი დამიბრუნა.

— ჩემო ერეკლე, — ბიჭს განზრახული გავუმხილე. — შენ თბოლი ხარ, პატრონი გჭირდება, მე შვილი არ მყავს, თუ კი მოისურვებ, შენ იქნები ჩემი შვილი. საქართველოში წაგიყვან, გასწავლი, შენს ნამდვილ სამშობლოს დაუბრუნებდი.

ბიჭს პასუხი არ დაუყოვნებია, ეტყობოდა აღრევე გადაწყვიტა, „თქვენთან წამოვალ“ მითხრა.

ოჰ, საოცარი განცდა დამეუფლა, ჩვილმეტი წლის ვარამისაგან დაწურულმა გულმა ერთბაშად იგრძნო შვება. მეჩვენებოდა, რომ ჩემთვის ახალი ცხოვრება იწყებოდა, ვხედავდი რომ წუთისოფლიდან უკვალოდ აღარ გავქრებოდი. აბა, რა იყო ჩემი მანამდეელი ყოფნა; არ იქნა, მარტობას თავი ვერ დავაღწიე, საშინელ ფიქრებს ვერსად გავექეცი, სევდამ ნაადრევად დამაძაბუნა. მართალი გითხრა, დიდხანს ვფიქრობდი ვინმე შვილად ამეყვანა, მაგრამ არც იმის თავი მქონდა, ჩვილი აღმეზარდა, არც მშობლებიანი მინდოდა, ნაშვილებს თვალი სულ ღვიძლი მშობლებისაკენ ექნებოდა.

პირველ ხანებში ერეკლეს აჩრდილივით თან დაედევდი, ისე დაეცნო
კალბდო, როგორც დედა დაჰკანკალებს ველზე გასულ შვილს. ^{ე. ი. მჭედო}
ნებაზე მიუღწვი. იმავე წელიწადს ინტერნატში მიებაარე, შესასწავლად
ქი აღმოაჩნდა, ჩქარა აითვისა ყველაფერი, პედაგოგებიც შევლოდნენ.
წელს საზღვაო სასწავლებელში მიიღეს, ზღვა იტაცებს. — მოხუცმა სუ-
რათს აპხედა, — ისეთი ბიჭი დადგა. ისეთი... — თვალეზი შუქით გაუ-
ნათლა.

სასმისები შევავსეთ. ერეკლე ვადღეგრძელოთ.

— ცხოვრება წინათ რა ნდორედ მიედინებოდა, ხშირად დროის გაგე-
ბის თავიც არ მქონდა. ჩემთვის მნიშვნელობა არ ჰქონდა რა დღე იყო, ან
რა რიცხვი, არსად მიმეჩქარებოდა, აღარაფერი მახარებდა. ვიცი, ასე არ
უნდა დამეყარა ფარხმალი, მაგრამ რა ვქნა, ნამდვილად ასე იყო. არ იქნა,
ძალა ვერ მოვიკრიბე, რომ უკუღმართ ბედს შევებძოლებოდი. ახლა კი...
ახლა მთელი საუკუნე მინდა ვიცოცხლო, ვუყურო ჩემი შვილის ბედნიე-
რებას, სხვების ბედნიერებას.

სალამომდე დავრჩი მოხუცთან.

* * *

ხუთი წლის შემდეგ ისევ ჩავედი ბათუმში. ცოლ-შვილი ზღვისპირა
სასტუმროში დავაბინავე. მე ავტომანქანა დავიჭირავე და ლევანის სანახა-
ვად გავეშურე.

ბალიდან ტკბილი ღიღინი მომესმა. ლობის იქით გადავიხედე, ლევანი
ყვავილებს რწყავდა. ზოგჯერ ღიღინს შეწყვეტდა და იქვე ჩაცუცქულ შავ
ნაგაზს გამოელაპარაკებოდა.

— მასპინძელო! — ჰიშკრიდან გადავძახე.

ვეღრო დადგა, ტანსაცმელი შეისწორა და შესახვედრად გამოემარ-
თა. უმაღლე მიცნო, გადამეხვია. როგორც კი მის მკლავებში მოვხვდი, ნა-
გაზმა ღრენით თავი შეგვასენა.

— არაბა, იქეთ! — გაუწყრა ნაგაზს.

მოხუცს არ დასტყობოდა განვლილი წლები, იგი უფრო მხნედ გამოი-
ყურებოდა.

სახლში შევედი. არაბაც სრულფულეზიანი ოჯახის წევრით ფეხ-
დაფეხ მოგვეკვა. სავარძელთან ჩემს ვევრდით ჩაცუცქდა, თვალეზი ახლო-
დან ჩამხედა, პირი დაალო და სახეში თბილი ოხშივარი შემატრქვია. და-
ხლოების ნიშნად იძულებული გავხდი თავზე ხელი გადამესვა. ალერსს სა-
პასუხო ალერსი მოჰყვა, ნაგაზი მთელი ტანით წამოიმართა და ფეხები კა-
ლთაში ჩამიწყო.



— უყურე შენ, მოფერება დედაკაცივით უყვარს, მოშორდი, მოშორდი.

— შეუწყრა მოხუცი.

არაბა ზანტად დაემორჩილა პატრონს, მაგრამ შორს არ წასვალა. ვე ჩაცუცქლა.

— ერეკლემ მოიყვანა, არაბა დაარქვა, ჯერ ორი წლისაც არ არის.

აშკარა იყო, ერეკლეს წყალობით არაბა ოჯახში შეუზღუდველი უფლებით სარგებლობდა.

— ისეთი ბიჭი დადგა, ვარსკვლავს ეთამაშება. ასე მგონია, ერეკლეს აღზრდით ქვეყანას უფრო დიდი საქმე გავუკეთე, ვიდრე ორმოცი წლის სამსახური.

— ახლა სად არის?

— ჩემს ტანკერზე მოეწყო, შვილივით მიიღეს. გაზაფხულზე ოდესამდე მეც გამასეირნეს. გემზე თვალბუქუქუნა რადისტი გოგონა გამაცნო. გულში ჩამვივარდა, წინააღმდეგი თუ არ იქნები დავქორწინდებითო, მითხრა. აბა, რა მექნა. უფრო გამახარებდა. ჩვენებურზე დაქორწინებულიყო, მაგრამ რაც არის არის, თვითონ იყოს ბედნიერი და მე მათი კარგად ყოფნაც მეყოფა.

— ხშირად ჩამოდის?

— იშვიათად. წუხელ ოდესიდან დეპეშა მივიღე, სამ დღეში მანდ ვიქნებიო. მთელი ეკიპაჟი დაუბატიეებია ქორწილში. კარგ დროს ჩამოხვედი. ბათუმის რომელიმე რესტორანში ისეთ ქორწილს გვაჩაღებ, მთელმა ქალაქმა გაიგოს.

ოთახში ჩამოცხა.

— ივლისი თავისას შვება. ზღვაზე გავიდეთ, თევზაობა არ გენატრება?

— ცოლ-შვილი მელოდება. საღამოს გეწვევით.

— აუცილებლად მოიყვანე, ახალი თევზით გაგიმასპინძლებით.

მოხუცმა გამგზავრების თადარიგი დაიჭირა. ნაპირზე ჩავყევი. ფარდულიდან ნავი გამოათრია, პლაჟიდან ბიჭები მოაწყდნენ და წამოგვეშველნენ. არაბამ კიჩოზე მოიკალათა. მოხუცმა ჩანთა მოტივტივე ნავში ჩააგდო, შემდეგ თვითონ გადააბოტა, ჯერ ნიჩბებით შეცურა, შემდეგ მოტორი ჩართო, ნავი სიღრმეში გაიჭრა.

ქალაქში დავბრუნდი, შუადღისას პაპანაქება სიცხე დაიჭირა. ცოლ-შვილი პლაჟიდან წამოვიყვანე და სასტუმროს შევაფარეთ თავი.

საშინელმა ქექაქუხილმა გამომადვიდა. მოვარდნილი ქარიშხალი. შენობას აზანზარებდა. ცის გრგვინვას უერთდებოდა გაცოფებული ზღვის მძლავრი გუგუნი. ყალყზე შემდგარი ზვირთები საშინელი ძალით აწყლებოდა ნაპირს.

მოხუცი ლევანი! უმაღლე გამცრა ტანში, მოასწრებდა დაბრუნებას,

დროულად შენიშნავდა ამინდის შეცვლას? საათს დავხედე. ჯერ ხუთი
არ იყო. მაშინვე ჩავიცვი.

ავტომანქანა დავიჭირავე და ჩაქვისაკენ გავეშურე. შორიდან ჩემს მანქანას
შენე, რომ მოხუცი ლევანის ეზო და სანაპირო ხალხით იყო სავსე. არც
წვიმას ერიდებოდნენ, არც ქარიშხალს, შეშფოთებულნი გაჰყურებდნენ
აზავებულ სტიქიას.

ჯებირზე მდგარ ხალხს შევეუერთდი.

— იქით გახედეთ, ზღვის სიღრმეში, დაახლოებით ნახევარ კილო-
მეტრზე — ხელით მანიშნა უცნობმა ახალგაზრდამ.

დავაკვირდი, მაგრამ ვერაფერი შევნიშნე. აბობოქრებული სტიქია
მთელი ძალით ნაპირისაკენ მოისწრაფოდა, ტალღა ტალღას მოსდევდა, ჯე-
ბირს აწყდებოდა და ჰაერში იჭრებოდა. სანაპირო რძისფერ ქაფში
ცურავდა.

ვიღაცამ დურბინი მათხოვა. უფრო ბეჯითად დავაკვირდი. აგორე-
ბულ ტალღაზე წამით შევავლე თვალი ადამიანსა და ძალს. ზვირთი ჩვენ-
სკენ რომ წამოვიდა, მის უკან ზღვამ უბე გაიხსნა და განწირულნი სა-
დღაც ჩაიკარგნენ. მეორე წუთში იგივე სურათი განმეორდა. მოხუცი მა-
შველ რგოლს ჩასკიდებოდა. იგი ოდნავადაც არ ცდილობდა ნაპირს მოახ-
ლოებოდა, ეტყობოდა, არაქათისაგან დაცლილი იყო.

— ქარიშხალი მოულოდნელად ამოიჭრა — ხმაურში ჩამძახა ვიღაც
შუახნის მამაკაცმა, — ალბათ ეძინა, თორემ ამინდის შეცვლას ადრევე შე-
ნიშნავდა. ასე იცის, ნავს ნებაზე მიუშვებს. თავს რეზინის რგოლს მიადებს
და ჩაიძინებს. დედის კალთასავით ენდობა ზღვას.

ნუთუ ადამიანი ასე, ჩვენს თვალწინ უნდა დაიღუბოს?

— ერეკლემ ორჯერ სინჯა ზღვაში გაელწია, მაგრამ კინაღამ დაიღუბა.

— როგორ, ერეკლე აქ არის?

— სამი საათის წინ საცოლესთან ერთად ჩამოფრინდა. ეკიპაჟს წინა-
სწარ გამოეშვა, საქორწინო სუფრა გაშლილი დაგვახვედრეთო. აქ ჩამო-
სულთ ასეთი სურათი დახვდათ. აი, ისიც.

იქით გავიხედე.

სპორტულ ტრუსისამარა ჯებირზე იდგა ახოვანი, მზემოკიდებული
ჭაბუკი, შავი, ხუჭუჭი თმა მალალ შუბლზე ჩამოსწეწოდა, დიდრონი მკაც-
რი თვალებით გასცქეროდა გაცოფებულ სტიქიას. ბიჭებს მისთვის წელზე
თოკი შემოებათ. მკვლავებზე, ფეხებზე, მთელს ტანზე სისხლი სდიოდა.

ზღვაზე დაწოლილი ლეგა ღრუბლები ქარმა ახვეტა, ზევით აიტაცა
და ნაპირისაკენ გამოაქანა. სანაპიროს გუგუნით მოაწყდა წვიმის ნიაღვა-
რი. დელგმა ორიოდ წუთს გაგრძელდა. გაავებულმა ბუნებამ თითქოს
გული იჯერაო, ქარიშხალი მინელდა, ღრუბლებიც გაიცრია. აფორია-
ქებული ზღვა მაინც არ დაცხრა, ტორტმანებდა და გუგუნებდა.

— ერთხელ კიდევ ვცადოთ, იქნებ ცოცხლებს მივუსწროთ. —

ზღვის ხმაურში ერეკლემ გასძახა ბიჭებს. წელზე თოკი მოისინჯა, ჯებირს კიბეს ჩაჰყვა.

— ოი, ერეკლე პოგობნეტი! — ჩემს გვერდით ვილაცამ ამოიყვირა. იქით მივიხედე. ზღურბლზე იდგა ოციოდე წლის ქერათმიანი ქალიშვილი, ზღვისფერ, გაფართოებულ თვალებში უსაზღვრო შიში ჩასდგომოდა, ნერვიული დაძაბულობა მთელს სხეულზე მოსდებოდა.

მოაწყდა ტალღა და სანაპიროზე გაიშალა. ერეკლე ნაბიჯნაბიჯ გვერდულად მიჰყვა უკუქცეულ დინებას. დინება ზოგჯერ პლაჟს მთლიანად აშიშვლებდა, მაშინ ერეკლე მთელი ძალით გარბოდა სიღრმისაკენ, მაგრამ ეს იყო წამიერი შეღავათი, ათიოდე ნაბიჯის გადადგმას ძლივს ასწრებდა, მოვარდნილი ტალღა გზას უჭრიდა და უკან მოაქანებდა. არ იქნა, პლაჟს ვერ გააღწია. მარცხით გაბოროტებულ ჰაბუკს, ეტყობა ნებისყოფამ უმტყუნა. მან უკანასკნელი ძალა მოიკრიბა. სხარტი ნახტომით უკუქცეულ ტალღაში ჩაყვინთა და... ჩაიკარგა. ამღვრეულ, აქაფებულ წყალში ვერსად დავლანდეთ. შემდეგ ტალღების შეჯახების ადგილას რაღაც ძალამ ზევით ამოისროლა და ვონდაკარგული ისევ სიღრმეში ჩაითრია.

— ოი მამა! — ამოიგმინა ჯებირზე მდგარმა ქალიშვილმა. ხელი ძლივს შეეაშველე, გულწასული მუხლებში ჩაიკეცა.

სანამ ქალიშვილს ექიმი შველოდა ბიჭებმა ღონემიხდილი ერეკლე თოკით ტალღებს გამოსტაცეს და ჯებირთან მოიყვანეს. მისუსტებული ქალიშვილი ერეკლესაკენ გადაიწია და შუბლზე სისხლი მოსწმინდა.

— ვერტმფრენი! — დაიძახა ვილაცამ. იქით გავიხედეთ. ბათუმის მხრიდან სანაპიროს მოჰყვებოდა ვერტმფრენი. მოახლოვებულმა მფრინავმა ხალხის თავზე წრე შემოხაზა.

ერეკლეს იმედი მიეცა, ფეხზე წამოიჭრა, თვალები ცეცხლით აევსო. დაბის მილიციელმა შუშხუნის გასროლით მფრინავს მიმართულება და განწირულთა ადგილსამყოფელი აჩვენა.

ვერტმფრენი სიღრმეში შეიჭრა, განწირულნი აღმოაჩინა, კიბე დაუშვა, თვითონაც იმდენად დაიწია, იფიქრებდით, საცაა ტალღებში ჩიანთქმებაო.

ერთ ადგილას გამოკიდებული ვერტმფრენი დიდხანს ზუზუნებდა, მოხუცი კიბეს არ აჰყოლია, ეტყობოდა იმის არაქათი არ ჰქონდა, თოკს ჩასკიდებოდა. იმ წუთში შეიძლება მოხუცი სულს ეყრებოდა.

აფორიაქებული ერეკლე ადგილს ვერ პოულობდა, ყოველი წამი ადამიანის სიცოცხლეს წყვეტდა. მან ხალხს თხოვა, ოციოდე მეტრით მოშორებოდნენ, ჯებირზე მარტოდ დაეტოვებინათ. ამავე დროს ორთავე ხელში თეთრი პერანგები დაიჭირა და პერანგების ფრიალით მფრინავს ნიშანი მისცა მასთან მისულიყო. არც ამან უშველა. მაშინ მილიციელი განმარტოებით მდგარ ერეკლესთან მიიჭრა და მამუქების სროლა ასტეხა.

როგორც იქნა, მფრინავი, მათ მიუხვდა; კურსი ნაპირისაკენ
ერეკლე ვერტმფრენის კიბეს ჩაეჭიდა და გამოკიდებული ზღვის სიღრმეში
ში შეჰყვა.



ზღვა ისევ გუგუნებდა და ბობოქრობდა. ხან სახიფათოდ ვახსნიდა
უბეს, ხან ტალღაზე ამოიქნევდა მოხუცსა და ძალს.

ერეკლე წყალში მოტივტივეებს წაადგა თავს. მფრინავმა უკეთ მოუ-
მარჯვა კიბე. ბინოკლით გარკვევით დავინახე ერეკლე ცალი ხელით რო-
გორ წვდა გრძნობადაკარგულ მოხუცს. ხმამალადაც ჩაჰყვიროდა, მაგრამ
მოხუცს სიცოცხლის ნიშანწყალი არ ეტყობოდა; ძამველ რგოლს ჩაბლაუ-
ჭებოდა და თავი ტალღებში ჩაეჭინდრა. ერეკლემ მარჯვენა ხელი წელზე
მოხვია, მაგრამ ვერ მოერია, მამინ უკეთ ჩაიხლართა კიბის საფეხურებში,
მეორე ხელიც გაინთავისუფლა, მოხუცს ორივე ხელით შემოეჭლო, წამო-
სწია და მფრინავს ანიშნა დაძრულიყო.

ვერტმფრენი მძიმედ აიწია, ტალღებს ასცილდა. ჰაერში გამოკიდებუ-
ლი ერეკლე რაღაცას მთელ ხმით გაჰყვიროდა, ალბათ ითხოვდა, ვერტ-
მფრენი სწრაფად წაეყვანა, მაგრამ მისი ხმა ძრავის გუგუნში ინთქმებოდა.
შემდეგ ყვირილი შეწყვიტა, ეტყობოდა, ძალა ელეოდა, იმის საშუალებაც
არ ჰქონდა, თუნდ ერთი წამით შეესვენა. და აი არაქათგამოცლილი,
გრძნობადაკარგული მოხუცთან ერთად სანაპიროსთან კიბეს მოწყდა.
მოხუცს ხელი შეაშველეს, ერეკლე სილაზე დაენარცხა.

დაბინდული გონებრიდან ბურუსი რომ გაეფანტა, ძლივს გასაგონად
ამოილაპარაკა „არაბა გადამირჩინეთ“. იმ მომენტში არაბა უკვე ზღვიდან
გამოჰყავდათ.

მოხუცი ლევანი ორი საათის შემდეგ მოვიდა გონს, ერეკლე და რძა-
ლი როგორც კი შენიშნა, სახეზე აბილი, ალერსიანი ღიმილი გადაეფინა.
წამოწევა სცადა, მაგრამ ვერ შესძლო, მამინ რაღაც გაუგებარი სიტყვები
ამოილულლულა.

ერეკლემ ტახტთან ჩაიმუხლა.

— მამა, გინდა რაიმე თქვა? ჯერ თავს ძალას ნუ დაატან. ჩვენ შუა
ღღისას ჩამოვფრინდით, წინასწარ გამოგვიშვებს, სუფრა მზად დაგვახვედ-
რეო, გვითხრეს. შენ კარგად ხარ, არ შეშინდე.

მოხუცს ღიმილით ისევ გაებადრა სახე, რძალს ახედა, რაღაც გაუგე-
ბარი სიტყვები ამოილულლულა.

ექიმი გვერდზე გავიყვანე და მდგომარეობა ვკითხე. ჩვენ ერეკლემ
შემოგვიერთდა.

— მარცხენა კიდურების დამბლა განუვითარდა, ენაც წაერთვა, პულ-
საცია დარღვეული აქვს, გული ძლივსა მუშაობს, ვფიქრობ, ადრე მიკ-
როინფარქტი გადაუტანია. მდგომარეობა მეტისმეტად რთულია, გულის
ოდნავ შეტევასაც ვერ გაუძლებს.

ერეკლე მაშინვე ქალაქში გაემგზავრა და ცნობილი ექიმები ამოიყვანა. კონსილიუმმა დაადასტურა ადგილობრივი ექიმის დასკვნა.

იმ დამით მოხუცს არ მოეშორებია. განთიადამდე უძრავად ექძინა, ზოგჯერ შეგუბებული სუნთქვა ყელში მოაწეებოდა და ხანადაც ლეზდა. ექიმი ყოველ ნახევარ საათში უსინჯავდა პულსს, ორგანიზმს ნემსებით ამაგრებდა. განთიადზე გამოიღვიძა, უფრო მხნედ გამოიყურებოდა, მეტყველების უნარიც დაუბრუნდა.

— ქვასავით მაგარი ვარ, ასე ადვილად არ გავქრები. — მშვილად, დარწმუნებით ამოილაპარაკა. — ეგ ოხერი, ცალ ხელსა და ფეხს ვერ ვიმორჩილებ.

ექიმმა გააფრთხილა, თავს ძალას ნუ დაატანდა, მისთვის მოძრაობა დამოუბველი იყო.

შემდეგ ისევ საუბრის ხასიათზე დადგა. მოხოვა ერეკლე დამერწმუნებია, რომ ქორწილი არ გადაედო. დავხნარებოდი, რესტორანი შემერჩია და სუფრაც გამეშალა.

ოთახში ერეკლე ფეხაკრფით შემოვიდა, მოხუცი გაღვიძებული რომ ნახა, საწოლთან ჩამოჯდა, დაღარულ შუბლზე ალერსით გადაუსვა ხელი, რაკი ზღვას გადაურჩი, აწი აღარაფერს გავიჭორვებო, უთხრა.

— მოდი, შეილო, ჩანეხვიე, შენი შეხება ძალას მმატებს.

ერეკლე ფრთხილად დაემხო მოხუცის მკერდზე, სახე, თვალები დაუკოცნა.

შემდეგ ისევ ქორწილზე ჩამოვარდა საუბარი.

ერეკლე ადვილად დავითანხმე მოხუცის სურვილი შეგვესრულებინა.

— ქორწილის შემდეგ სვეტლანა აქ დატოვე, შეილო, ზღვა ქალის საქმე არ არის.

— კარგი, მამა, მაგ სურვილს შეგისრულებ. ვიცი, გემინია. საქართველო არ მივატოვო, გეფიცები სხვაგან ბინას არ დავიდებ, მხოლოდ ერთსა გთხოვ: გემს სვეტლანას დედა ჩამოჰყვება, სხვა არავინ გააჩნია. წინააღმდეგი თუ არ იქნები, აქ დარჩება, შენც მიგხედავს. საქართველოში ნამყოფია, სიამოვნებით გადმოვსახლდებიო, მითხრა.

— ოჰ, შეილო, მაგას რა ჯობს, თუ კი სხვა ბუდეს არ გაიჩნეთ და ყველანი ჩემთან იქნებით.

მოხუცი კმაყოფილი დარჩა ერეკლესთან საუბრით. მთელი დღე რძალსა და შვილობილს თვალთვან არ იცილებდა.

სალამოს მე და ერეკლე ბათუმში ჩავედით. გადაწყდა, სუფრა „მერცხალში“ გავვეშალა.

ხომალდი მესამე დღეს ჩამოვიდა. მოხუცმა ქორწილში მახლობლებიც დაპატიჟა. ყველაფერი მზად იყო. დიდებული სუფრა გაიშალა.

თამადა როგორც კი შეუდგა თავის საქმეს, მე ავტომანქანაში ჩავჯექი და ჩაქვისაკენ გავემართე.

მოხუცს გაუკვირდა ჩემი დანახვა.

დავამშვიდე, ყველაფერი რიგზეა, მე ღვინოს გავუბრუნე და იმიტომ წამოვედი-მეტეი, ვუთხარი.

— კარგია, რომ ჩემთან ხარ, რაღაც ამ საღამოთი ცუდად ვგრძნობ თავს, თითქოს ძარღვებში სისხლი მეყინება. უხეირო მოტორის მსგავსად გულიც ძლივს მუშაობს.

მაშინვე კაცი ექიმთან ვაფრინე.

სახეზე დავაკვირდი, გულმა რეჩხი მიყო. თვალის უბეები შესიებოდა, დაჟღაჟა სახეზე ავადმყოფური სილუბრე მოსდებოდა.

— ქორწილში, ალბათ, ჩემს სადღეგრძელოსაც შესვამენ. კარგ ბიჭს ვუტოვებ ქვეყანას. აწი თუ კი რაიმე მომივა... ეჰ, რაც იქნება, იქნება. დიდხანს ვებრძოლე ბედს, შვიდი ათეული წელი მაწევს მხრებზე.

სუნთქვა დაუმძიმდა, ლაპარაკი გაუძნელდა, სიტყვებს დამარცვლით ამბობდა.

--- საქმე თუ წახდეს, ცოლთან დამსაფლავეთ. საფლავიც წინდაწინ გავიკეთე. უკრაინის შავი მარმარილოთი. ჩემს ბიჭს ნუ დაივიწყებ, ზოგჯერ...


— აბა, რას ამბობთ, ბიძია ლევან. ორიოდ კვირაში ადგებით.

ექიმი შემოვიდა. პულსი გაუსინჯა, თავი საექვოდ გადააქნია. უმაღლეს ამპულებს მივარდა.

ჰაერი არ მყოფნისო, ძლივს ამოილაპარაკა. გვთხოვა, სასთუმალი აგვემალღებინა. სურვილი შევესრულეთ. ხანდაზმით სუნთქავდა. მიბნედილი თვალებით გადმოგვხედა, თითქოს ბურანიდან გვიყურებდა.

— მივ-დი-ვარ. — გადაფითრებულ ტუჩებში გამოსცრა. შემდეგ ტუჩებზე შვილის სახელი შეეყინა.

წავიდა. წავიდა იმედით. წავიდა ისე, რომ ოჯახის ფუძე არ მოუშლია.



ნ ა ტ ვ რ ა

მზე გიდელივით ეკიდა ცაზე,
მიწას ლოკავდა ცეცხლის ენებით,
ატმებს და ვაშლებს
მტვერი ნისლივით —
ეფინებოდა უჩინარ ფრთებით.
ბროწეულივით სკდებოდა მიწა
და ოხშივარი ძღვა ყანაში,
ნეტავ აქ იყოს ბათუმის წვიმა,
ჭადრის ფოთლებზე თამაშ-თამაშით.

შოთა ქაჩიძე

ახლის დამამკვიდრებელი იუმორი

ამ თხუთმეტიოდე წლის წინათ, აღმანახ „ტალღაში“, რომელიც ბათუმში გამოდიოდა, დაიბეჭდა პატარა იუმორისტული მოთხრობა „ბარნაბას მამალი“. ეს იყო უწყინარი შინაარსის ნაწარმოები, მაგრამ მაინც გამოიწვია ახრთა სხვადასხვაობა. ზოგმა იგი უმნიშვნელო მოთხრობად მიიჩნია, სხვებმა კი დევე კარგი მომავალი უწინასწარმეტყველეს მის ავტორს, ჰკითხველთა ფართო აუდიტორიისათვის ჯერ კიდევ უცნობ ახალგაზრდა მწერალს ალექსანდრე სამსონიას.

მას შემდეგ ბევრმა წყალმა ჩაიარა. დღეს ალექსანდრე სამსონია ერთ-ერთი პოპულარული იუმორისტი მწერალია საქართველოში. მისი მოთხრობები დიდი ტირაჟით გამოდის. მათ ხალისით და ინტერესით კითხულობენ. ეს არ აიხსნება მარტო იმით, რომ

იუმორი ყველას იზიდავს — დიდსაც და პატარასაც. მთავარია მწერლის იდეურ - კლასობრივი პოზიცია, მისი იდეალი და, რა თქმა უნდა, მხატვრული ნიჭი.

ცდება, ვინც ფიქრობს, თითქოს იუმორისტ მწერალს არავითარი იდეალი არა აქვს და არც შეიძლება ჰქონდეს, რამდენადაც მისი საქმეა გამოამხეუროს უარყოფითი და დასცინოს, დაგმოს იგი. ამ შეხედულების მიმდევრებს, როგორც ჩანს, ავიწყდებათ, რომ ყოველგვარი უარყოფა ამავე დროს საპირისპიროს მტკიცებაც არის. თუ თქვენ, მაგალითად, უარყოფთ ორპირობას, ლალატს, უპატიოსნობას, განა ცხადი არ არის, რომ ამით იცავთ, ამკვიდრებთ პირდაპირობას, ერთგულებას, პატიოსნებას?

მამასადამე, იუმორისტ მწერალსაც აქვს იდეალი, ვისი სახელი-

თაც იგი ამხილებს და კიცხავს, ოღონდ სხვებისაგან განსხვავებით მას თავისებურად ხატავს. თუ ჩვეულებრივ იდეალს გადმოგვცემენ პირდაპირ, დადებითი სახით, პოზიტიურად, იუმორისტი ამჯობინებს იგი დახატოს „შებრუნებულად“, არაპირდაპირ, ნეგატიურად.

იდეალის ასე გადმოცემა, ცხადია, ერთგვარად აძნელებს მის აღქმას, რამდენადაც მკითხველი უშუალოდ ვერ ხედავს იდეალს და თვითონ უნდა წარმოიდგინოს იგი ასახულის „შებრუნებით“, მისი უარყოფის გზით. ალ. სამსონია ყოველთვის ითვალისწინებს ამ სიძნელეს და ცდილობს რაც შეიძლება მკაფიოდ გამოხატოს თავისი დამოკიდებულება ასახული მოვლენებისა და ადამიანებისადმი — ვის თანაუგრძნობს და ვის კიცხავს, ვინ მოსწონს და ვინ არ მოსწონს. პოზიციის ასეთი სიცხადე და გარკვეულობა ეხმარება მკითხველს ღრმად ჩასწვდეს მწერლის ჩანაფიქრს, შეუცდომლად წარმოიდგინოს მისი იდეალი, რომელიც აქვე უნდა ითქვას, მთლიანად შეესაბამება ხალხის იდეალს.

ამ ნიადაგზე იქმნება მწერლისა და მკითხველის მჭიდრო სულიერი კონტაქტი. მათ არა მარტო მშვენივრად ესმით ერთმანეთისა, არამედ საერთო იდეალი, საერთო იდეური პოზიციაც აქვთ. არის კიდევ ერთი გარემოება, რომელიც ნიშანდობლივად უნდა მივი-

ჩნიოთ და ბევრად განაპირობებს მწერლის პოპულარობას.

ცნობილია, რომ იუმორისტი მხილება და გაკიცხვავს. ადამიანი ძნელად იტანს დაცივნას, გამასხარავებას და, რასაკვირველია, გაუტრბის მას, არ სურს სასაცილო იყოს სხვების თვალში. ამის გამო იუმორი და სატირა ხშირად უფრო ძლიერად მოქმედებს მის საქციელზე, ვიდრე შეგონება ან დადებითი მაგალითი, აიძულებს გახედეს უკეთესი, განთავისუფლდეს ძველი, დრომოჭმული წარმოდგენებისაგან, დაძლიოს ცუდი, უარყოფითი ჩვევები.

მაგრამ მხილებაც არის და მხილებაც. ზოგი გესლიანი, გულღვარძლიანია, ზოგი კი არა. ალ. სამსონიას იუმორი რბილი, გულითადი და როგორღაც მეგობრულია, იშვიათად თუ გადადის სატირაში, თუმცა არ აკლია საზოგადოებრივი სიმწვავე. ეს, ცხადია, შემთხვევითი არ არის, თავისი სოციალური საფუძველი აქვს, თავისი მასაზრდოებელი წყარო გააჩნია.

საქმე ის არის, რომ უარყოფითი, რომელიც მწერალს გამოაქვს საშვეოზე, არ არის ჩვენი სინამდვილის პროდუქტი, მისი პირმშო. პირიქით, იგი ეწინააღმდეგება, უპირისპირდება საზოგადოების ზნეობრივ ნორმებს და თავისი არსით წარმოადგენს ძველის გადმონაშთს ახალ, სოციალისტურ გარემოში. მეორე მხრივ, თვით ის ადამიანები, რომლებსაც მწერალი ამხილებს და დასცინის

ამა თუ იმ უარყოფითი თვისებებისათვის, ხშირად სრულიადაც არ არიან უარყოფითნი, მათ სულითა და გულით სურთ ემსახურონ კეთილს, კეთილი საქმე თესონ, მაგრამ სხვადასხვა მიზეზის გამო სავსებით საწინააღმდეგო შედეგს იღებენ. სევასტი კიკაბიძეს სურდა სასახელო შვილი აღეზარდა („ჩემი შვილი სიმონი“), არანაკლებ სწადა სიმონს მოწინავე ყოფილიყო („ზღვა, მზე და სიყვარული“), ხოლო თორნიკეს („სტუმარ-მასპინძლობა“) — ღირსეული პატივი ეცა სტუმრისათვის; კეთილი განზრახვა ამოძრავებდათ ლიტერატურის მასწავლებლსა და პიონერხელმძღვანელს, როცა პატარა რეზიკოს სიტყვა დაუწერეს („ჩვენ ნიჭიერები ვართ“), მაგრამ საწადელს ვერც ერთმა ვერ მიადღია.

აი ამისათვის — მიზნისა და ქცევის, მოქმედების შედეგის შეუსაბამობისათვის დასჯინის მწერალი თავის გმირებს, მაგრამ უგესლოდ, მეგობრულად, გულითკივილითაც კი, რამდენადაც ისინი არსებითად კეთილი ადამიანები არიან, სიკეთეს ესწრაფვიან და, თუ იმას ვერ აკეთებენ, რაც სურთ, მხოლოდ იმიტომ, რომ სჩადიან შეცდომას, აკლიათ ცოდნა, გამოცდილება, არ ყოფნათ ნებისყოფა. საკმარისია მათ შეიგნონ, როგორ უნდა იქცეოდნენ, რომ სწორ გზას გაჰყვნენ, ერთმანეთს შეუხამონ განზრახვა და მოქმედება, არ დააშორიშორონ

ისინი. ეს ალ. სამსონიას მტკიცე პოზიციაა, ურყევი რწმენაა, რომელიც ემყარება კეთილშეშობას, ადამიანის ნდობას, სიმტკიცეს და განსაზღვრავს მისი იუმორის ხასიათსაც.

მკითხველს მოსწონს ასეთი გულღია, უგესლო იუმორი, იგი გრძნობს, რომ მწერალს უყვარს ადამიანები, აწუხებს მათი ბედი და, თუ ზოგიერთს დასჯინის, მხოლოდ იმიტომ, რომ სურს უკლებლივ ყველანი იყონ ჩვენი საზოგადოების ღირსეული წევრები, პატიოსნად ასრულებდნენ თავიანთ მოქალაქეობრივ მოვალეობას ქვეყნისა და ოჯახის წინაშე. ამის გამო მკითხველი მასში სამართლიანად ხედავს კეთილისმკოფეულს, გულითად მრჩეველსა და მეგობარს. თავისთავად ცხადია, ეს ზრდის ინტერესს მწერლის მოთხრობებისადმი, აფართოებს მისი მკითხველების აუდიტორიას და იგი სულ უფროდაუფრო მრავალრიცხოვანი ხდება.

ალ. სამსონიას იუმორის მთავარი ღირსება მაინც მწვავე საზოგადოებრივი ყდერადობაა. იგი ცხოვრების სიბრძნეს ეწყვილება, ხალხის გულისტყმას ემსახურება და მიზნად აქვს არა უბრალო თავშექცევა-გართობა, არამედ სინამდვილის უარყოფითი მოვლენების მხილება და აღმოფხვრა, ადამიანთა მორალური სახის სრულყოფა, მათი გამსჭვალვა ამაღლებული კომუნისტური იდეალებით.

ამავე დროს ალ. სამსონიას იუმორისტულ მოთხრობებს თვალსაჩინო მხატვრული ღირსება აქვთ, მწერალი კარგად ფლობს ქართულ სიტყვას და უნარი შესწევს გამოკვეთოს მკაფიო, შთაბეჭდავი ხასიათები, მოგვცეს მოვლენის საკმაოდ სრული სურათი. მისი დიალოგი სხარტი, ლაკონური და მეტყველია, გარკვეულ წარმოდგენას გვიქმნის მთქმელზე და ახასიათებს მას როგორც ადამიანს. დიალოგშივე ვლინდება მწერლის მდიდარი იუმორისტული ნიჭი, თუმცა მოსწრებული სიტყვა-პასუხი სრულიადაც არ არის მისი იუმორის მთავარი ელემენტი. სიცილს უპირატესად და უპირველეს ყოვლისა იწვევს შესაბამობა პერსონაჟთა საქციელსა და განზრახვას შორის, ე. ი. სიტუაცია, რომელშიც მოქმედი პირები უნებლიეთ, საკუთარი სურვილის წინააღმდეგ აღმოჩნდებიან. ასეა ალ. სამსონიას ბევრ მოთხრობაში, ასეა „სტუმარ-მასპინძლობაშიც“, მწერლის ერთ-ერთ საუკეთესო ნოველაში.

„სტუმარ-მასპინძლობის“ თემა. ერთი შეხედვით, შეიძლება უმნიშვნელოდ და დრომოკმულადაც კი მოგეჩვენოთ. მართლაც, საქართველო ხომ ძველითგანვე განთქმულია სტუმართმოყვარეობით და ვის ვის, მაგრამ ქართველ კაცს თითქოს ზედმეტია ვუჩიოთ როგორ უმასპინძლოს სტუმარს. ესეც რომ არ იყოს, ყველა ოჯახი ისე იღებს სტუმარს,

როგორც სურს და შეუძლია. ეს მისი კერძო საქმეა და რა ხელს აქვთ მასთან სხვებს, თუნდაც სოციალიზმის? აქ საკამათოა სოციალიზმის ზოგადობრივად ღირებული თითქოს არაფერია, ნამდვილად კი ასე როდია. საზოგადოება არასოდეს არ ყოფილა გულგრილი სტუმარ-მასპინძლობის წესისადმი, მით უმეტეს არ შეიძლება გულგრილი იყოს ახლა, როცა ჩვენი ხალხის ყოფაში დამკვიდრდა ხუთდღიანი სამუშაო კვირა, როცა ადამიანებს გაცილებით მეტი თავისუფალი დრო რჩებათ, ვიდრე წინათ, და ერთმანეთთან მისვლამოსვლა, სტუმარიანობაც გახშირდა. ასეთ ვითარებაში სრულიადაც არ არის სულერთი, როგორ მივიღებთ სტუმარს, ნათესავ-მეგობრებს ოჯახში. ამაზე ბევრი რამ არის დამოკიდებული და, მასასადამე, მწერალი უმნიშვნელო კი არა, უაღრესად აქტუალურ და საჭირობოტოტო, სადღეისო პრობლემას აღძრავს.

საქმე ის არის, რომ ამ ბოლო დროს მომრავლდნენ ადამიანები, რომლებიც ოდესღაც ფეოდალურ-პარაზიტულ წრეში გავრცელებულ სტუმარ-მასპინძლობის წესს უძველეს ქართულ ტრადიციად ასაღებენ და ჩვენს დროში აღადგენენ მას. მათი გავლენით სულ უფროდაუფრო იკიდებს ფეხს მისწრაფება — სტუმარს, ვინც არ უნდა იყოს იგი, ახლობელი თუ შორეული, აუცილებლად გაუშალონ მდიდრულზე მდიდრულ-

ლი სუფრა, თვალი მოსჭრან ქონებით და, როგორც წესი, უგრძნობოდ დაათრონ იგი. ასე ცვლის მეგობრულ შეხვედრა-გართობას ღვინის დაძალება და ლოთობა, გულდია მასპინძლობას და სტუმრის ნამდვილ პატივისცემას — თავმომწონეობა და გულწვიაღობა სიმდიდრით.

თორნიკე, ნოველის „სტუმარ-მასპინძლობის“ გმირი, ერთი იმათგანია, ვისაც ოჯახის ღირსებად მიაჩნია თუ სტუმარს ღვინო დააძალა და უგონოდ დაათრო. ამავე დროს თორნიკე არსებითად კეთილი კაცია, სულითა და გულით სურს ასიამოვნოს, პატივი სცეს სტუმარს. „რომ მოხვედი და მასიამოვნე, ცას რომ გამოვეკარი სიხარულით, ახლა უპატივცემულოდ რომ გაგიშვა, სადაური წესია?“, — სავსებით გულწრფელად ეუბნება იგი აბესალომს. მაგრამ უბედურება ის არის, რომ თორნიკემ არ იცის, როგორ სცეს პატივი სტუმარს და შეცდომით ჰგონია, თითქოს მასპინძლის მოვალეობას ღირსეულად მოიხდის, თუ დაათრო იგი, „კისერი მოტეხა“.

თორნიკეს არაფერი საერთო არა აქვს უქნარა, პარაზიტ ადამიანებთან, დროსტარება და ქეიფი სიცოცხლის უმადლეს მიზნად რომ მიაჩნიათ, მაგრამ მისი შეგნება ბევრად ჩამორჩება მისსავე ეკონომიურ მდგომარეობას, მატერიალურ შესაძლებლობას. მას შეუძლია შეიძინოს ძვირფასი წიგნები და ყიდულობს კიდევაც,

მაგრამ არა იმიტომ, რომ წიგნთხოს და ცოდნა გაიმდიდროს, არამედ თაროს დასამუფუნებლად და თავმოსაწონებლად. თორნიკეს გულწრფელად სიამოვნებს სტუმრის გაოცება — „სად იშოვე ეს დიკენსი?“ თუმცა არც კი გადაუშლია წიგნი და, თუ მაინც შეიძინა, მხოლოდ და მხოლოდ იმიტომ, რომ ძნელი საშოვნელი იყო და „ფერიც ლამაზი აქვს; წითლის გვერდით უხდება დადება“.

რა დასანანია ადამიანის ასეთი სულიერი სიღატაკე, გონებრივი შეზღუდულობა, მით უმეტეს, რომ მატერიალური მდგომარეობა, დრო საშუალებას აძლევს გაიმდიდროს ცოდნა, სულიერი ინტერესები, იყოს საზოგადოების ყოველმხრივ სასარგებლო და მოწინავე წევრი. კიდევ უფრო უარესია, რომ თორნიკე არავითარ უხერხულობას არ გრძნობს, როცა სტუმარი იმ წიგნზე ჩამოუგდებს სიტყვას, რომელიც შექენით შეუძენია, მაგრამ თურმე არათუ არ წაუკითხავს, არც კი გადაუფურცლავს. კიდევ მეტი, იგი აგდებულად ეკიდება წიგნს, ცოდნას და თავი მოაქვს არა სულიერი, არამედ მატერიალური სიმდიდრით. „კაცო, — ეუბნება იგი სტუმარს, — ბიბლიოთეკაში მოხვედი შენ თუ ჩემს ოჯახში?.. მაგი წიგნი დადევი სადაც იყო და შენ სუფრასთან დამიჯექი“. უნებლიეთ გაგონდებათ ნეტარხსენებული ლუარსაბ თათქარიძე, რომელიც თავმომწონედ ამბობდა:

„მე თუ წიგნი არ ვიცი, კაცი აღარ ვარ, ქუდი არა მხურავს, განა! ხორცი მე არ მაკლია და ფერი წიგნი რა ვაქეცის ხელობა!“

ასე იბადება წინააღმდეგობა განზრახვასა და მოქმედების შედეგს შორის და ადამიანი, რომელიც მხოლოდ პატივისცემას იმსახურებს თავისი სუბიექტური მისწრაფებით, ხდება სასაცილო, დაცივნის ობიექტი. როგორც ვთქვით, ეს არის ალ. სამსონიას იუმორის განმსაზღვრელი თავისებურება, რომელიც განაპირობებს მწერლის დამოკიდებულებას თავისი გმირებისადმი. თუ, ერთი მხრივ, იგი თანაუგრძნობს მათ კეთილი სურვილებისა და მისწრაფებებისათვის, მეორე მხრივ, აიხილებს და დასცინის იმის გამო, რომ თავიანთი ქცევით, მოქმედებით, პრაქტიკული საქმიანობათ სრულიად საწინააღმდეგო შედეგს იღებენ, მაგრამ დასცინის მეგობრულად, გულისტკივილით.

ეს იმითაც აიხსნება, რომ ალ. სამსონიას მოთხრობათა პერსონაჟები ჩვენი თანამედროვენი არიან. უმთავრესად ახალგაზრდები, რომელთა მსოფლმხედველობა და ხასიათი ჯერ კიდევ საბოლოოდ არ ჩამოყალიბებულა. ისინი, თუ შეიძლება ასე ითქვას, „მაჭრობის“, დადუღების, ძიების პერიოდში არიან. ასეთ დროს ყოველთვის მოსალოდნელია შეცდომა, გზის არევა და მწერალს თავის მოქალაქეობრივ მოვალეობად მიაჩნია მიუთითოს ახალგაზრდობას ზოგიერთ არსებით შეცდომა-

ზე, დაეხმაროს ცხოვრების სწორი გზის, იდეალის არჩევაში. განსაკუთრებით აღელვებს სამსონიას ახალგაზრდობის წინააღმდეგობა — თავი აარიდოს საზოგადოებრივ-სასარგებლო შრომას, იცხოვროს უზრუნველად, მხოლოდ პირადული სიამოვნებისათვის. ასეთი ახალგაზრდები ხშირად ეფარებიან „ორიგინალობის“, „თანამედროვეობის“ ნიღაბს და სცნობენ მხოლოდ საკუთარ სურვილებს, ამასთან უგულებელყოფენ ყოველგვარ პასუხისმგებლობას როგორც ოჯახის, ისე მთელი საზოგადოების წინაშე; სხვანაირად რომ ვთქვათ, ისინი მაქსიმალურად სარგებლობენ შვილისა და მოქალაქის უფლებებით, მაგრამ არ სურთ თავი შეიზღუდონ რაიმე მოვალეობით („ზღვა, მზე და სიყვარული“, „ჩემი შვილი სიმონი“).

და აი აქ თითქოს თავისთავად იბადება კითხვა: რა მიზეზია, რომ ქვეყანაში, სადაც ადამიანთა ურთიერთობას განსაზღვრავს კოლექტივიზმის პრინციპი, თავი წაპოყვეს, გაჩნდნენ ასეთი ეგოისტები, ინდივიდუალისტები? მწერალს მიაჩნია, რომ ბრალის ძირითადი სიმძიმე უნდა იკისროდ მშობლებმა, რომლებიც სწორად ვერ წარმართავენ ბავშვის აღზრდას ოჯახში და სავსებით უნებლიეთ უნერგავენ მას საბჭოთა ადამიანისათვის სრულიად უცხო, შეუფერებელ ჩვევებს.

ახლა თითქმის ყველა ოჯახს



აქვს საშუალება არაფერი მოაკ-
ლოს ბავშვს, ბევრს კი შეუძლია
ფუფუნებით აცხოვროს იგი. და
გაჩნდნენ საოცრად „გულჩვილი“
მშობლები, რომლებიც ცივ ნიაფ-
საც კი არ აკარებენ შვილებს,
ყველა სურვილსა თუ ჭირვეუ-
ლობას უყოყმანოდ და დაუყოვნე-
ბლივ უსრულებენ მათ. ბავშვი
სულ უფრო რწმუნდება, რომ
მისი სურვილი, მისი სიტყვა, კა-
ნონია ოჯახში, მას ვერავინ გადა-
უვა, ვერავინ გადაუდგება წინ და
თანდათან, თითქოს შეუმჩნეველად
ხდება არა მარტო ჭირვეული და
თავნება, არამედ დესპოტიც. ამას
ისიც ემატება, რომ „გულჩვილი“
მშობლები არც გოგონას, არც
ბიჭს შინ, ოჯახში არაფერს არ აკ-
ეთებინებენ, თვით უმნიშვნელო
საქმესაც კი, არ უნერგავენ შრო-
მის სიყვარულს. პირიქით, უქმნი-
ან შთაბეჭდილებას, რომ შეუძლი-
ათ თავი აარიდონ მას (ლონდა,
სიმონი და სხვ.). ასე ხდება ბავ-
შვი ზარმაცი, უქნარა, თანდათან
ეჩვევა იმ აზრს, რომ მის მაგივ-
რად სხვები უნდა შრომობდნენ.

ამგვარი „აღზრდის“ ნაყოფს,
როგორც წესი, მშობლები მოგვი-
ანებით იშკიან, როცა ბავშვები
სრულ ასაკში შედიან (პროფესო-
რი ხიდაშელი, სევასტი კიკაბიძე).
ისინი უკვე ცხადად ხედავენ თა-
ვიანთ შეცდომას, მაგრამ აღარ
შეუძლიათ მისი გამოსწორება,
აღარ შეუძლიათ ზეგავლენა მოა-
ხდინონ შვილებზე, დაიბრუხონ
დაკარგული ძალა და ავტორიტე-

ტი. „პაი, გიდი, დამიბრუნა ერთი
ჩემი ახალგაზრდობა! ჯერ ვინაა
დი? — არა, ვარსკვლავებს არ
ჩამოვიტანდი ციდან. მე მხოლოდ
მეორე ბიჭს გავაჩენდი, — ერთ-
მა არ ივარგა, იმას მაინც კაცად
გამოვიყვანდი“, ამბობს სევასტი
კიკაბიძე, მოთხრობის „ჩემი შვი-
ლი სიმონი“ მთავარი მოქმედი
პირი. ეს დაგვიანებული სიხანუ-
ლი, რა თქმა უნდა, საქმეს ვე-
ღარ შევლის, არაფერს არ ცვლის,
მაგრამ მნიშვნელოვანია თვით შე-
ცდომის აღიარების ფაქტი. იგი
ცხადყოფს შეუსაბამობას სევას-
ტი კიკაბიძის სუბიექტურ მისწ-
რაფებასა და ობიექტურ შედეგს
შორის. მას მთელი არსებით სუ-
რდა ისეთი შვილი აღეზარდა,
ოჯახსა და სოფელს რომ გამოს-
დგომოდა, მაგრამ მისი სიმონი
არც სოფლისა აღმოჩნდა და არც
ოჯახისა.

ძირითადად ახალგაზრდების
ცხოვრებას ასახავს ალ. სამსონი-
ას ბევრი სხვა მოთხრობაც, მაგ-
რამ ვერ ვიტყვით, რომ ყველა
მათგანი ერთნაირი ღირსებისა
იყოს. ზოგჯერ მწერალი ღალა-
ტობს საკუთარ იდეურ-ესთეტი-
კურ პოზიციას, ზედმეტად იტა-
ციებს თვით იუმორი, მისწრაფება
გააცინოს მკითხველი. ყველაზე
რელიეფურად ეს ტენდენცია ჩანს
ვრცელ მოთხრობაში „ბურთი,
მოედანი და მაყურებელი“. მარ-
თალია, მასში არაერთი შესანიშნა-
ვი ეპიზოდი და მეტად საინტერე-
სო ხასიათია, მაგრამ აკლია კომ-
პოზიციური მთლიანობა და სა-

ზოგადოებრივი ღირებულება. არსებითად იგი წარმოადგენს ცალკეული ნოველების კრებულს, რომლებსაც აერთიანებს თემა — ფეხბურთი და არა მოქმედება. ამავე დროს ზოგიერთ ნოველას საფუძვლად უდევს ანეკდოტური ამბავი და შეთხზულია ერთი მიზნით — გააცინოს, გაართოს მკითხველი, ეს კი, როგორც ვთქვით, ეწინააღმდეგება თვით მწერლის იდეურ-ესთეტიკურ პოზიციას.

ბოლო წლებში ალ. სამსონიამ რამდენიმე დრამატურგიული ნაწარმოებიც შექმნა. დიდწარმატება ხვდა მის პირველსავე პიესას „ჩემი შვილი სიმონი“, რომელიც წარმოადგენს ამავე სახელწოდების მოთხრობის ინსცენირებას. იგი ბათუმის თეატრის სცენაზე დადგა ახალგაზრდა რეჟისორმა გ. ჟორდანიამ. სპექტაკლი დიდად მოეწონა მაყურებელს. იგი თითქმის სამასჯერ წარმოადგინეს და დარბაზი მუდამ სავსე იყო ხალხით. განსაკუთრებით დიდი შთაბეჭდილება დატოვა სპექტაკლმა ახალგაზრდობაზე, რომელმაც მასში სამართლიანად დაინახა ამაღლეველი და მიმზიდველი იდეა, თავისი ავ-კარგი.

ახალგაზრდობის ცხოვრებას მიუძღვნა ალ. სამსონიამ თავისი მეორე პიესაც „ზღვა და სიყვარული“. მართალია, მასში დრამატურგიულად ყველაფერი რიგზე არ არის (უპირატესად დრამის მეორე ნაწილში), მაგრამ თეატრს მაინც მისცა საშუალება შეექმნა დიდი აღმზრდელობითი. მნიშვნე-

ლობის სპექტაკლი (რეჟისორი აბაშიძე). იგი უჩვენებს რიგში თეატრალურ ფესტივალზე, მისთვის ვის კრემლის თეატრში გასტროლების დროს და ყველგან საკმაოდ მაღალი შეფასება დაიმსახურა.

რით მიიზიდა სპექტაკლმა „ზღვა და სიყვარული“ ჩვენი ახალგაზრდობა?

უპირველეს ყოვლისა იმით, რომ დრამატურგმა გაბედულად აღძრა ჩვენი დროის საჭირობო-ტო საკითხები, დამაჯერებლად, მდიდარი ცხოვრებისეული მასალის მომარჯვებით გვიჩვენა ორი განსხვავებული ხასიათი, ორი დამეტრალურად საწინააღმდეგო შეხედულება, ორი თვალსაზრისი ცხოვრების შინაარსსა და გზაზე. ერთ თვალსაზრისს გამოხატავს და იცავს გურამი, ხოლო მეორეს — მისივე თანაკლასელი ელგუჯა.

გურამი დინჯი, დაკვირვებული ახალგაზრდაა. იგი სერიოზულად უყურებს ცხოვრებას და საშუალო სკოლის დამთავრებისთანავე ირჩევს თავის გზას, რომელსაც მტკიცედ მიჰყვება. თვით სიყვარულიც კი ვერ აიძულებს მას უღალატოს მიზანს, ერთხელ და სამუდამოდ რომ მიიჩნია სიცოცხლის, არსებობის აზრად. პირად ბედნიერებას იგი ეძებს და პოულობს ხალხის საკეთილდღეო პატიოსან შრომაში. მისი, სკოლის მეგობარი ელგუჯაც მტკიცე ნებისყოფის ახალგაზრდაა, ისიც შეუპოვრად იცავს თავის იდეას, მა-

გრამ გურამისაგან განსხვავებით იოლ ცხოვრებას ეტრფის, არ უყვარს შრომა და ფუჭი ილუზიებით შეპყრობილი ოცნებობს ბუნოს-აირესსა და მონტევიდეოზე, თეთრ ხელთათმანებსა და კაბარეებზე. იგი შეცდომით ფიქრობს, თითქოს აღმართ-დაღმართები მხოლოდ ჩვენშია, უცხოეთში ცხოვრება კი ნების პროსპექტად წარმოუდგენია.

საიდან, როგორ გაჩნდა ამ ორი თანამედროვე ახალგაზრდის შეგნებაში ასეთი სრულიად განსხვავებული იდეალები?

დრამატურგი უპასუხოდ არ ტოვებს ამ კითხვას. მისი აზრით, გადაწყვეტ როლს აქ ასრულებს ოჯახი, ოჯახური გარემო. ელგუჯა მატერიალურად სავსებით უზრუნველყოფილია, ზედმეტადაც კი. უპატიოსნო გზით გამდიდრებული „მამიკო“ მას უზომოდ ანებივრებს და ელგუჯაც მიეჩვია უზრუნველ ცხოვრებას, უქმ დროსტარებას და თანდათან დაკარგა საბჭოთა ახალგაზრდის სახე, გაიჟღინთა მეშჩანურ-ფუქსავატური ფსიქოლოგიით. სულ სხვა ვითარებაში იზრდებოდა გურამი. იგი თვითონ იწალდავს გზას ცხოვრებაში, არაფერს იღებს მზამზარეულად. ეს გარემოება განსაზღვრავს მათს შეგნებასაც და ადგილსაც საზოგადოებაში, მათს მორალურ-ფსიქოლოგიურ სამყაროს. ამდენად, სკოლის ამხანაგების — გურამისა და ელგუჯას პირადი შეტაკება მათი გზების გაყრის შემდეგ ორი განსხვავებული იდეალ-

ის, ორი რადიკალურად დაპირებული მორალური სამყაროს ჭიდილად გვესახება და განსხვავებულ გარკვეულ სოციალურ შინაარსს იღებს.

რაკი ასეა, გასაგებია, რომ გურამისა და ელგუჯას ორთაბრძოლის შედეგი არ არის დამოკიდებული მარტო მათს პირადულ ღირსებაზე. ელგუჯა, როგორც ვთქვით, მამაცობითა და გაბედულებით, ერთხელ არჩეული იდეალისადმი ერთგულებით სრულიადაც არ ჩამოუვარდება გურამს, მაგრამ თუ მაინც მარცხდება, ეს იმიტომ, რომ თვით ჩვენი საზოგადოებრივი გარემო, ცხოვრების განვითარების ტენდენცია მის მეტოქეს უჭერდა მხარს. აქ საგულისხმოა ორი მომენტი: რამდენადაც ელგუჯას არ ჰქონდა მაღალი იდეალები, მისი გაბედულება და მამაცობა მოჩვენებითია, არ ეყრდნობა შინაგან სულიერ სიმტკიცეს და არსებითად განწირული, სასოწარკვეთილი ადამიანის გაბედულება და მამაცობაა. მაგრამ თავისი ცხოვრების გადამწყვეტ მომენტში, როცა ხელს იღებს საზღვარგარეთ გაქცევაზე, იგი ნამდვილ გამირობას იჩენს. ამით მან გურამთან პირად შეტაკებაში განცდილი მარცხი საკუთარ თავზე დიდ გამარჯვებად გადააქცია და სპექტაკლის ფინალში ელგუჯა დაძარცვებული, გათელილი და გახადგურებული კო არა, გამარჯვებულად და მოზვიემ ადამიანად

არანაკლებ საინტერესოა ნუგზარის მხატვრული სახე, რომელშიც

თითქოს კონდენსირებულია ზოგიერთი ახალგაზრდა ადამიანის განწყობილება, მისი დამოკიდებულება ცხოვრებისადმი. ნუგზარს მხოლოდ ერთი ინტერესი, ერთი მისწრაფება ამოძრავებს — სრული მატერიალური უზრუნველყოფა. მაგრამ როგორ შეასხას ხორცი თავის ოცნებას? ერთი გზაა პატიოსანი შრომა, მეორე — თაღლითობა. ნუგზარი ამ უკანასკნელს ირჩევს, „ბიზნესმენი“ ანუ სპეკულანტი ხდება, მაგრამ არა იმიტომ, თითქოს არ იცოდეს, რომ უცხოური ძონძებითა და სიგარეტებით ვაჭრობა კუჭყიანი საქმეა. არა, იცის და მშვენივრადაც იცის, მაგრამ უბრალოდ ნებისყოფა არ ყოფნის ქარხანაში ან სხვაგან იმუშაოს, ერთ ადგილზე გაძლოს რვა საათს. და მაინც, ნუგზარი არ არის ელგუჯას „ღუმელიორი“, მათ შორის თვალსაჩინო განსხვავებაა. მთავარი მათგან ის არის, რომ ნუგზარს სრულებით არ იტაცებს უცხოეთი და გულწრფელად უყვარს თავისი სამშობლო, თუმცა ვერ ხვდება, რომ თავისი „ბიზნესით“ შეურაცხყოფს მის ღირსებას.

ნუგზარის დახასიათება სრული არ იქნება, თუ იმასაც არ ვიტყვით, რომ იგი მხდალი და მშიშარაა, როგორც ყველა უნებისყოფო კაცი. და მით უფრო დასაფასებელია მისი გაბედული გადაწყვეტილება — არათუ გაჰყოლოდა უცხოეთში ელგუჯას, არამედ ე-

ბილებინა იგი კიდევაც შეგობრების წინაშე. ამით მან იხსნა თავისი სკოლის მეგობარი.


როგორც ვხედავთ, ადამიანთა შორის ნამ თავის პიესაში აღძრა ჩვენი ახალგაზრდობის ზოგიერთი არსებითი ხასიათის პრობლემა და ხაზი გაუსვა საბჭოთა საზოგადოების დიდ აღმზრდელობითს როლს. ოჯახური აღზრდის ნაკლოვანებათა მიუხედავად, ცხოვრების გადამწყვეტ მომენტში გზას აცდენილი ახალგაზრდები პოულობენ შინაგან ძალას დაძლიონ ცდუნება, გაიმარჯვონ საკუთარ თავზე. და ეს არის ჩვენი სოციალისტური გარემოს გავლენის პირდაპირი შედეგი.

„ზღვა და სიყვარული“ იმ მხრივაც არის საინტერესო, რომ მასში ალ. სამსონიამ პირველად გამოიყენა ე. წ. კონტრასტების მეთოდი და სცადა თავისი იდეალი წარმოედგინა პირდაპირ, პოზიტიურად, დადებითის სახით, ე. ი. აირჩია თავისივე მოთხრობებისა და პირველი პიესისაგან („ჩემი შვილი სიმონი“) განსხვავებული პრინციპი. მანერის ასეთ მკვეთრად შეცვლას ზოგიერთი არასასურველი შედეგი მოჰყვა. ჩვენი აზრით, სწორედ ამით აიხსნება, რომ „ზღვა და სიყვარული“ თავისი მხატვრული დონით უთუოდ ჩამორჩება მწერლის როგორც პირველ კომედიას („ჩემი შვილი სიმონი“), ისე მოთხრობებსაც. იგი იდეის ილუსტრაცია უფრო არის, ვიდრე ცხოვრების

უშუალო სურათები, რომლებიც გარკვეულ წარმოდგენას გვიქმნიან მოვლენებსა და ადამიანებზე, აღძრავენ ამა თუ იმ იდეას. ამითვე აიხსნება, რომ დრამატურგი ვერ ასცდა საკმაოდ გავრცელებულ სენს და დადებითი გმირები (გურამი, ხათუნა და სხვ.) სწორხაზობრივად, რამდენადმე სქემატურად დახატა, მოაკლო ძათ ფსიქოლოგიური სიღრმე და სულიერი სიმდიდრე. ისინი ერთფე-

როვანი და სხვებთან შედარებით (ელგუჯა, ნანა და სხვ.) უსიცოცხლონი ჩანან.

ალექსანდრე სამსონია ჯერ კიდევ ახალგაზრდა შემოქმედია და მისგან მომავალში გაცილებით მეტს მოველით. იმედია, იგი ჰოლოდინს გაგვიმართლებს, თუ კი მტკიცედ გაპყვება უკვე არჩეულ გზას და საზოგადოებრივ სიმძაფრეს შემატებს თავის იუმორს.





პასუხი ოპონენტებს

მიმდინარე წელს ჟურნალ „ქოროხში“ (№ 2) გამოქვეყნდა პ. ცქვიტარიას, ა. სურგულაძისა და შ. ჯაფარიძის წერილი ჩემს წიგნზე „ნაპკვევები ბათუმის კომუნისტური ორგანიზაციის ისტორიიდან (1890-1921 წ. წ.)“, რომელიც გამოიცა ბათუმში 1971 წლის დამდეგს.

წერილის ავტორები ამტკიცებენ, რომ ჩემს წიგნს გააჩნია „სერიოზული ნაკლოვანებანი“, მასში დაშვებულია „არსებითი ხასიათის შეცდომები“, გვხვდება „გაუგებრობანი“.

ამ ბრალდებათა არაობიექტურობა თვალში გეცემათ წერილში მოცემულ დებულებათა უბრალო შეპირისპირებითაც კი. დასაწყისში ოპონენტები საკმაოდ მაღალ შეფასებას აძლევენ ჩემ მიერ არჩევებსა და ბიბლიოთეკებში გაწეულ მუშაობას, ხაზგასმით აღნიშნავენ, რომ გამოვავლინე საყურადღებო დოკუმენტები, რომელთა ნაწილს, მათივე აღიარებით, პირველად გაეცნენ მეცნიერული წრეები. შემდგომ წერილის

ავტორები ჩამოთვლიან ბათუმის კომუნისტური ორგანიზაციის ისტორიის „კარგად შესწავლილ“ და „დეტალურად გადმოცემულ“ რიგ საკითხებს. და ის, რასაც ავტორები მიიჩნევენ ჩემი წიგნის დადებით მხარედ, შეადგენს მთელი ნაშრომის მნიშვნელოვან ნაწილს.

მაგრამ წერილის დასასრულს იხინი უარყოფით დასკვნებს აკეთებენ მთელი წიგნის შესახებ, პირწმინდად ხაზი გადაუსვეს ყველაფერ დადებითს და სახელი გამიტეხეს, როგორც ავტორს.

წერილის ავტორები ჩემს შრომას უწოდებენ „ზერელესა და ნაჩქარევს“ მაშინ, როცა 14 წელიწადი მოვანდომე ბათუმის კომუნისტური ორგანიზაციის ისტორიის კვლევას, ვსწავლობდი მასალებს 14 არქივსა და ბიბლიოთეკაში, გადავათვალიერე 4.000-ზე მეტი საცავი ერთეული არქივებში და ასობით წიგნი, ბროშურა, სტატია და დისერტაცია, რასაც მოწმობს წიგნში მოტანილი მრავალრიცხოვანი მითითება.

მაინც რაზე აგებენ წერილის ავტორები თავიანთ ნეგატიურ დასკვნებს ჩემი წიგნის შესახებ?

1. ოპონენტები ბრალს მდებენ იმაში, რომ „მიჯჩქმალე ქართული ისტორიოგრაფიის მიღწევები“. განსაკუთრებით აღშფოთებული არიან ავტორები, მათ შორის ჩემი მთავარი ოპონენტი პ. ცქვიტარია, იმის გამო, რომ ჩემს წიგნში მივუთითებ არა მის „ორტომიან შრომას“, არამედ სადოქტორო დისერტაციის ავტორეფერატს. ჩანს, საკმარისად ვერ შევუწყვე ხელი პ. ცქვიტარიას შრომების პოპულარიზაციას! ამიტომ ჩემი წიგნი აღმოჩნდა „ზერელე“. უფრო მეტი დამაჯერებლობისათვის, ძალიან რომ არ გვეცეს თვალში პ. ცქვიტარიას შრომების წამოწევა, ავტორები წერენ, რომ მე არ მივუთითებ ჩემს წიგნში სხვა ავტორების ნაშრომებს. მაგრამ ყველაფერი ეს თეთრი ძაფით არის ნაკერი, მტყნარი სიცრუეა. ჩემი წიგნის მე-6 გვერდზე ნათქვამია:

„საბჭოთა აქარის არსებობის 50 წლის მანძილზე, განსაკუთრებით კი უკანასკნელ 15 წელიწადში, მეცნიერებმა არსებითი წვლილი შეიტანეს მისი კომუნისტური ორგანიზაციის საკითხების შესწავლაში. ბათუმის კომუნისტური ორგანიზაციის რევოლუციამდელი ისტორიიდან ცნობებსა და ცალკეული პრობლემების გამოკვლევას ჩვენ ვპოულობთ პარტიულ მოღვაწეთა... და ისტორიკოსთა... შრომებში“ და ჩამოთვლი-

ლია 52 მკვლევარი... შემდეგ ხები იმ ავტორებს, რომლებიც სპეციალურად წერდნენ ისტორიაზე და თავიანთ შრომებში განიხილავდნენ ამ კუთხის ისტორიის ხანგრძლივ პერიოდს. შემდეგ გადავიდვარ სწორედ ბათუმის კომუნისტური ორგანიზაციის ისტორიის შესწავლის დარგში არსებული ვითარების დახასიათებაზე. სად არის აქ ქართული ისტორიოგრაფიის დაკნინება ან მიჩქმალვა? მონოგრაფიაში, მისი მოცულობის შეზღუდულობის გამო შეუძლებელი იყო დაწვრილებით გაგვეჩიხა ყველა ავტორის ნაშრომი. ეს რამდენადმე შეიძლება გაკეთდეს დისერტაციაში. რომელიმე ავტორით დაინტერესებულ მკითხველს ადვილად შეუძლია იპოვოს შესაბამისი ნაშრომი და შეისწავლოს იგი. რაც შეეხება ჩემს ძიერ პ. ცქვიტარიას ავტორეფერატისა და არა მისი წიგნების მითითებას, ეს გამოწვეულია იმით, რომ მხოლოდ მისი ავტორეფერატია გამოცემული რუსულ ენაზე. რაკი ჩემი წიგნი გამოვიდა რუსულად, მას წაიკითხავენ არა მარტო საქართველოში, ამიტომ მკითხველებს შესაძლებლობა უნდა ჰქონდეთ, თუ ამის სურვილი ექნებათ, ჩემი მითითებების კვალობაზე გაეცნონ პირველწყაროებს, რასაც ისინი ვერ შესძლებდნენ, რომ მიმეთითებინა პ. ცქვიტარიას მხოლოდ ქართულად გამოცემული შრომა.

ამგვარად, აქ არავითარი „ქარ-

თული ისტორიოგრაფიის დაკნინება“ არ არის, არამედ არის ჩემით უკმაყოფილო პ. ცქვიტარია, რომელსაც მიაჩნია, რომ მისი დამახურობა ჩემს წიგნში საკმარისად არ არის წარმოდგენილი.

2. წერილის ავტორები ამტკიცებენ, რომ ბათუმის კომუნისტური ორგანიზაციის ისტორიაზე „დაცულია დისერტაციები და გამოქვეყნებულია შრომები“. მათ არ მოსწონთ მტკიცება, რომ ჩემი წიგნი „წარმოადგენს ბათუმის კომუნისტური ორგანიზაციის 1890-1921 წ. წ. ისტორიის სისტემატური კვლევისა და გადმოცემის პირველ ცდას“. ამის მიუხედავად, არავითარი სხვა გამოქვეყნებული შრომები ამ, წმინდა ისტორიულ-პარტიულ თემაზე, არ არსებულა და წერილის ავტორებსაც მათი დასახელება არ შეუძლიათ. „შრომებსა და დისერტაციებში“ ისინი კვლავაც პ. ცქვიტარიას ნაშრომს გულისხმობენ. ჩემი წიგნის მე-6 გვერდზე სპეციალურად დავახასიათებ პ. ცქვიტარიას ნაშრომი. მისი შრომების საკმაოდ მაღალ შეფასებასთან ერთად აღვნიშნე, რომ მათში „არ ჩანს ბათუმის კომუნისტური ორგანიზაციის ისტორიის არც სისტემატური კვლევა და გადმოცემა... არც რიგი შინაპარტიული პრობლემების ანალიზი“. აკი მისი შრომა ასახავს აჭარაში რევოლუციური მოძრაობის ისტორიას და არა ბათუმის კომუნისტური ორგანიზაციის ისტორიას. აი ამ სამართლიანმა მტკიც-

ებამ განსაკუთრებით განსაკუთრება პ. ცქვიტარია, რომელსაც მიაჩნია, რომ მის წიგნებში „დაცულია“ ით და თანამიმდევრულად გაშუქებულია რევოლუციური მოძრაობა აჭარასა და ბათუმში და ისტორია კომუნისტური ორგანიზაციისა, რომელიც უშუალო ხელმძღვანელი იყო ამ მოძრაობისა“.

აი საიდან მომდინარეობს ბრალდებანი „დამახინჯებათა“ და „არსებით შეცდომათა“ შესაჯებ.

როგორღა შევათავსოთ ეს მტკიცება წერილის ავტორთა სიტყვებთან, რომ ი. ჩულოკმა გამოავლინა „არაერთი საყურადღებო მასალა, რომელთა ნაწილი დღემდე უცნობი იყო სამეცნიერო ლიტერატურაში. ამის საფუძველზე მან სწორად გააშუქა ბათუმის კომუნისტური ორგანიზაციისა და 1890-1921 წლების რევოლუციური მოძრაობის ისტორიის რიგი საკითხები. კარგადაა შესწავლილი ბათუმში მუშათა მოძრაობის წარმოშობა და მარქსიზმის გავრცელება, რსდმპ ბათუმის კომიტეტის რევოლუციური მუშაობა ქალაქის სამხედრო გარნიზონის ნაწილებში, გურიის სოციალ-დემოკრატიული ორგანიზაციის საქმიანობა გლეხობაში. დეტალურადაა განხილული ბოლშევიკების საგამომცემლო მოღვაწეობა, რსდმპ ბათუმის კომიტეტის სოხუმისა და სოჭის ჯგუფების მუშაობა, სამხედრო ორგანიზაციის საბრძოლო საქმიანობა რუსეთის პირველი რევოლუციისა და 1919-1920 წლების პერიოდში,

შინაპარტიული ბრძოლა ბოლშე-
ვიკებსა და მენშევიკებს შორის,
ქართველი სოციალ-დემოკრატე-
ბის მოღვაწეობა რუსეთის სხვადა-
სხვა ქალაქების რევოლუციურ
ორგანიზაციებში და სხვ“.

ჩანს, ყველაფერი არ ყოფილა
„დაწვრილებით და თანმიმდევრუ-
ლად“ გამოკვლეული პ. ცქვიტა-
რიას შრომებში. მას არა აქვს
გამოკვლეული ორგანიზაციის ში-
ნაპარტიული მოღვაწეობა, არა
აქვს რიგი შინაპარტიული პრობ-
ლემების ანალიზი, არ გამოუყე-
ნებია უმნიშვნელოვანესი პარტი-
ული დოკუმენტები, მათ შორის
რსდმპ ბათუმის კომიტეტის დო-
კუმენტებიც კი. პ. ცქვიტარია
ვერ ხედავს მთელ რიგ სიძნელე-
ებსა და შეცდომებს ორგანიზა-
ციის საქმიანობაში. მის შრომებ-
ში არ არის ნაჩვენები თვით ორ-
განიზაციის მუშაობა.

თუ კი პ. ცქვიტარია ბათუმის
კომუნისტური ორგანიზაციის ის-
ტორიის „დაწვრილებითი და თან-
მიმდევრული“ კვლევისა და გად-
მოცემის პრეტენზია აქვს, მაშინ
რატომ არ არის მის შრომებში
ეს საკითხები გაშუქებული?

ამგვარად, პ. ცქვიტარია ერთ-
მანეთში ურევს ისტორიული მე-
ცნიერების ორი დარგის საკვლევ
საგნებს (რევოლუციური მოძ-
რაობის ისტორიასა და სკკპ ის-
ტორიას), ან უგულვებელყოფს ის-
ტორიულ-პარტიულ მეცნიერებას,
როგორც საგანს. მის შრომებში
პარტიული ორგანიზაციის მუშა-
ობა დაყვანილია გაფიცვების, დე-

მონსტრაციების, სხვა რევოლუცი-
ური და მუშათა მოძრაობის რე-
ლმდღვანელობამდე. ისტორიული
პარტიული კვლევისათვის უმნიშვნე-
ლოა არ კმარა: უნდა გადმოსცე პარ-
ტიული ორგანიზაციის ისტორია,
ეს ისტორია წარმოადგინო არა
როგორც გაფიცვების, დემონს-
ტრაციების ან აჯანყებათა ფონი,
არა როგორც საღდაც მიღმა
მოქმედი, არამედ, პირიქით, უნდა
უჩვენო, თუ როგორ იღვწოდა
თვითონ ორგანიზაცია, როგორ
აღმოცენდა იგი, რას აკეთებდა,
როგორ ახორციელებდა ბათუმში
ვ. ი. ლენინის იდეებს, როგორ მუ-
შაობდა, და არა უბრალოდ დეკ-
ლარაციულად განაცხადო: ბათუ-
მის კომიტეტი ხელმძღვანელობ-
და... ბათუმის კომიტეტმა მიუთი-
თა... და ა. შ. რას, როგორ და რა-
ტომ აკეთებდა პარტიული ორგა-
ნიზაცია — აი საგანი ისტორიულ-
პარტიული მეცნიერებისა, რომე-
ლსაც, ცხადია, პ. ცქვიტარია ვი-
გნები არ მიეკუთვნება. სწორედ
ამიტომ დავწერე ჩემი წიგნის წი-
ნასიტყვაობაში, რომ „პ. ცქვიტა-
რია ასეთ მიზანს არ ისახავდა“.

3. წერილის ავტორები მადანა-
შაულებენ „ბათუმის რევოლუცი-
ური მოძრაობის ისტორიის დაკ-
ნინების“ ცდაში და აცხადებენ,
რომ ეს „განსაკუთრებით რელიე-
ფურად ჩანს რსდმპ ბათუმის კო-
მიტეტის შექმნის საკითხებში“.
ამ ბრალდება-იარლიყის მიღმა
იმალება არა სხვა რამე, თუ არა
პ. ცქვიტარია და ა. სურგულაძის
მისწრაფება, დაიცვან მცდარი

შეხედულებანი რსდმპ ბათუმის კომიტეტის შექმნის საკითხში. ჩემს ოპონენტებს დაჩემებული აქვთ, რომ სწორედ 1901 წლის 31 დეკემბერს შეიქმნა ბათუმის კომიტეტი ან, როგორც ახლა უმატებენ, სხვა ხელმძღვანელი ცენტრი (ადრე თავიანთ შრომებში პ. ცქვიტარია და ა. სურგულაძე პირდაპირ წერდნენ, რომ რსდმპ ბათუმის კომიტეტი შეიქმნა 1901 წლის 31, დეკემბერს, აქ კი ცდილობენ გადადგან „ნაბიჯი წინ“. რაკი არა აქვთ შესაძლებლობა დაიცვან თავიანთი მცდარი შეხედულება პირდაპირ, ისინი მიმართავენ შემოვლითს მანევრს და „ბათუმის კომიტეტს“ ცვლიან რომელიღაც „სხვა ხელმძღვანელი ცენტრით“).

ღიახ, მე ნამდვილად გადავწყვიტე გადამესინჯა ისტორიულ-პარტიულ ლიტერატურაში არსებული, ჩემი აზრით, არამეცნიერული წარმოდგენა რსდმპ ბათუმის კომიტეტის შექმნის შესახებ და, რა თქმა უნდა, სრულებით არ დამიკნინებია ბათუმის რევოლუციური მოძრაობის ისტორია, პირიქით, ვუჩვენე, თუ როგორ იქმნებოდა სინამდვილეში რსდმპ ბათუმის კომიტეტი.

უფრო დაწვრილებით გავერკვეთ ამ საკითხში. უპირველეს ყოვლისა, სრულიად არ უარვყოფ, 1901 წლის 31 დეკემბრის კრების თვალსაჩინო მნიშვნელობას. მაგრამ შეიძლება კი ვამტკიცოთ, რომ იმ საღამოს გაფორმდა რსდმპ ბათუმის კომიტეტი, თუ სხვა რო-

მელიმე ხელმძღვანელი ცენტრი? შეიძლება თუ არა ვამტკიცოთ, რომ ასეთი მნიშვნელოვანი მოვლენა ვი მოხდა უცბად, ერთსა და ერთ კრებაზე, ბათუმში 1901 წლის 31 დეკემბერს? არსებობს თუ არა რაიმე პარტიული ან თუნდაც სხვა იმდროინდელი წყარო, რომელიც ისტორიკოსს უფლებას აძლევს 1901 წლის 31 დეკემბერი მიიჩნიოს რსდმპ ბათუმის კომიტეტის, ან რომელიმე სხვა ხელმძღვანელი ცენტრის შექმნის თარიღად? ასეთი საბუთები არ არსებობს, რასაც აღიარებენ თვით ჩემი ოპონენტებიც. ისინი ამტკიცებენ, რომ ასეთ შემთხვევაში „მკლევარებმა უნდა გამოიყენონ უფრო გვიანდელი დროის მასალები“. და ასეთ მასალებად თვლიან ს. თოდრიას (1923) და 30-იანი წლების სხვათა მოგონებებს. ახლავე უნდა ითქვას, რომ დამოწმება ს. თოდრიას მოგონებებისა „რიყრაყიდან გათენებამდე“, რომელიც გამოქვეყნდა ყურნალ „რევოლუციის მატინეში“ № 3, 1923 წ., საესებით მოკლებულია საფუძვლიანობას. ს. თოდრიას მოგონებები კი არ ეთანხმება, პირიქით ეწინააღმდეგება ჩემს ოპონენტებს; როცა იგი ლაპარაკობს 1901 წლის 31 დეკემბრის კრების თაობაზე და მაღალ შეფასებას აძლევს ამ კრებას, რომელსაც მისი სიტყვით ესწრებოდნენ ქალაქის საწარმოთა წარმომადგენლები და სადაც ი. სტალინმა წარმოთქვა საპროგრამო სიტყვა, არაფერს წერს ამ კრებაზე რსდმპ ბათუმის

კომიტეტის ან სხვა რომელიღაც ხელმძღვანელი ცენტრის გაფორმების შესახებ.

30-იანი წლების მოგონებებს კი ტყვეობაში ჰყავდა ბევრი ისტორიკოსი, მით უმეტეს, რომ ყოველთვის თავისუფლად როდი მიუწვდებოდათ ხელი ბევრ საარქივო დოკუმენტთან. მე თვითონ ვიყავი იმ არამეცნიერული კონცეფციის ტყვეობაში და გავიმეორე ის ჩემს წიგნში 1960 წელს.

მაგრამ ბოლოს და ბოლოს, ხომ უნდა თქვა უარი არამეცნიერულ კონცეფციაზე, თუ ეს კონცეფცია იშვა არა თვით მეცნიერებისაგან, არამედ შემოტანილია გარედან! შეიძლება თუ არა რსდმპ ბათუმის კომიტეტის გაფორმების საკითხის გადაწყვეტისას დავეყრდნოთ მხოლოდ 30-იანი წლების მოგონებებს, რომელთა შესახებ ჩემი ოპონენტები ლაპარაკობენ, როგორც „უფრო გვიანდელი დროის მასალებზე“? არა, არავითარ შემთხვევაში არ შეიძლება! რატომ? იმიტომ, რომ მოგონებანი ყოველთვის შეიცავენ მნიშვნელოვანწილად სუბიექტურ მომენტს, მით უმეტეს მაშინ, თუ დაწერილია მომხდარი ამბებიდან 35 წლის შემდეგ და ისიც აღმინისტრაციული დაწოლით. საქმე ის კი არაა, ვერწმუნოთ თუ არ ვერწმუნოთ ამ მოგონებებს, ეს თითოეული მკითხველის პირადი საქმეა. მაგრამ მეცნიერული საკითხის გადაწყვეტისას, ისტორიული ფაქტის განსაზღვრისას არავითარ შემთხვევაში არ შეიძლება

დავეყრდნო მხოლოდ მოგონებებს. მოგონებები შეიძლება გამოიყენონ, თუ ისინი არ ეწინააღმდეგებიან სხვა წყაროებს, ან მათი მონაცემები დასტურდება სხვა საბუთებით. ამ შემთხვევაში 30-იანი წლების მეორე ნახევრის მონაცემები აშკარად ეწინააღმდეგება მთელ რიგ საარქივო მასალებს, მათ შორის უმნიშვნელოვანეს პარტიულ დოკუმენტებს, რომლებიც სავსებით იგნორირებული იყო აქამდე. მთავარი ასეთი პარტიული დოკუმენტია რსდმპ ბათუმის კომიტეტის მოხსენება პარტიის II ყრილობისადმი. იგი შედგენილია 1903 წელს. ამ მოხსენებაში ასახულია რსდმპ ბათუმის ორგანიზაციის აღმოცენების პროცესი. მასში ნათქვამია:

„პირველად სოციალ-დემოკრატიული წრე (ბათუმში — ი. ჩ.). დაარსდა 1901 წელს... თავდაპირველად ბათუმში იყო სოციალ-დემოკრატიული ჯგუფი. 1902 წელს (ხაზგასმა ჩემია—ი. ჩ.) მას, სოციალ-დემოკრატიულ ჯგუფს, სახელი შეეცვალა და ეწოდა რსდმპ ორგანიზაციული კომიტეტი. (იხ. რსდმპ II ყრილობის ოქმები, მოსკოვი, 1959 წ. გვ. 681, 682).

თუ მხოლოდ 1902 წელს აღმოცენდა რსდმპ საორგანიზაციო კომიტეტი, რომელსაც როგორც მისი სახელწოდება გვიჩვენებს, უნდა შეექმნა ბათუმის სოციალ-დემოკრატიული ორგანიზაცია, მაშინ საკითხავია, როგორ შეიძლება 1901 წლის 31 დეკემბერს გა-

ფორმებულიყო ბათუმის კომიტეტი ან რომელიმე ხელმძღვანელი ცენტრი?!

პარტიის II ყრილობისადმი რსდმპ ბათუმის კომიტეტის მოხსენებაშიც კი არც ერთი სიტყვა არ არის თქმული 1901 წლის 31 დეკემბრის შესახებ.

ამგვარად, რსდმპ ბათუმის კომიტეტის მოხსენება, ეს უმნიშვნელოვანესი პარტიული დოკუმენტი, გვეხმარება გავერკვეთ იმაში, რომ რსდმპ ბათუმის ორგანიზაციის აღმოცენება და ამ ორგანიზაციის ხელმძღვანელი ორგანოს — რსდმპ ბათუმის კომიტეტის გაფორმება არ ყოფილა ერთდროული აქტი, არამედ იყო პროცესი, ამასთან ხანგრძლივი და რთული პროცესი. სხვა პარტიული დოკუმენტები ვვიჩვენებს, რომ მთელი 1902 წლის მანძილზე ბათუმში არ არსებობდა არავითარი სხვა ხელმძღვანელი ცენტრი, გარდა რსდმპ საორგანიზაციო კომიტეტისა, რომელიც სათავეში ედგა ბათუმის სოციალ-დემოკრატიის ჯგუფს. ეს დასკვნა შეიძლება გავაკეთოთ 1902 წელს ბათუმში გამოცემული პროკლამაციების ანალიზის საფუძველზე. დღემდე აღმოჩენილ 1902 წლის ყველა პროკლამაციას ხელს აწერს ბათუმის სოციალ-დემოკრატიის ჯგუფი (ან გვხვდება ამ სახელწოდების ზოგიერთი ვარიანტი) და არც ერთ მათგანს არა აქვს რსდმპ ბათუმის კომიტეტის ან სხვა რომელიმე ხელმძღვანელი ცენტრის ხელმოწერა. მხოლოდ

1903 წლის მარტის პროკლამაცია არის ხელმოწერილი პირველად რსდმპ ბათუმის კომიტეტის მიერ და ბოლოს, რსდმპ ბათუმის კომიტეტის გაფორმების დროის არაპირდაპირ დამოწმებად შეიძლება გამოდგეს ქანდაკერიის დოკუმენტები, რომლებშიც მითითებულია, რომ „1903 წლის გაზაფხულზე, ბათუმში შეიქმნა „ფარული საზოგადოება“, რომელმაც თავის თავს უწოდა ბათუმის კომიტეტი“ (იხ. ოქტომბრის რევოლუციის ცენტრალური სახ. არქივი, ფ. 124, 1903 წ. ან. 12, საქმე 1400, ფურ. 27-29).

თუ ამ დოკუმენტებს ურთიერთ შევაჯერებთ, მაშინ ბათუმის ლენინურ-ისკრული ორგანიზაციის და მისი ხელმძღვანელი ორგანოს — რსდმპ ბათუმის კომიტეტის აღმოცენება წარმოგვიდგება არა როგორც ერთდროული აქტი, არამედ როგორც პროცესი, ამასთან, ხანგრძლივი პროცესი, რომელმაც მრავალი თვე მოიცვა. ჩემი ოპონენტები სავსებით უგულვებელყოფენ და არც კი იხსენიებენ ჩემს მიერ ჩამოთვლილ დოკუმენტებს. თითქოსდა ისინი სრულიად არ არსებობენ! ოპონენტები განაგრძობენ მტკიცებას 1901 წლის 31 დეკემბრის, როგორც რსდმპ ბათუმის კომიტეტის ან რომელიმე სხვა ხელმძღვანელი ცენტრის შექმნის თარიღის შესახებ. მაგრამ მათ არც კი შეუძლიათ დაასახელონ, რომელი ხელმძღვანელი ცენტრი იყო ეს! რსდმპ საორგანიზაციო კომიტეტს

ისინი არც კი იასენიებენ, თითქოს იგი არც არსებულა ბათუმში! ბრმად მიჰყვებიან რა 30-იან წლების მეორე ნახევრის მოგონებებს, არ აანალიზებენ და არ იძლევიან რა მათ ისტორიულ კრიტიკას, არ ახდენენ რა მათ შეპირისპირებას სხვა უმნიშვნელოვანეს პარტიულ დოკუმენტებთან, ისინი 1901 წლის 31 დეკემბრის კრებას მიაწერენ იმას, რაც იქ არ მომხდარა! რატომ? რატომ აღამაზებენ ისტორიას? ნუთუ ის, რომ ბათუმის მარქსისტულ-ლენინური ორგანიზაციის და მისი ხელმძღვანელი ორგანოს — ბათუმის კომიტეტის ჩამოყალიბება იყო პროცესი და არა ერთდროული აქტი, აკნინებს მის მნიშვნელობას ან ამცირებს მის დამსახურებას?! რა თქმა უნდა, არა! ჩვენ მაინც ვხედავთ ბათუმის ლენინელ-ისკრელთა უდიდეს ნამოღვაწარს, ჯეროვნად ვაფასებთ მას, მივესალმებით ბათუმელ რევოლუციონერებს და მათ თავკაცს ი. ბ. სტალინს, რომელმაც გადამწყვეტი როლი ითამაშა რსდმპ ბათუმის ორგანიზაციის ფორმირებაში. თვითონ ი. სტალინი არ აზვიადებდა 1901 წლის 31 დეკემბრის კრების მნიშვნელობას. პირიქით, ის ჯერ კიდევ 1902 წელს გამოვიდა იმათ წინააღმდეგ, რომელთაც სწორად ვერ გავვით ბათუმის ისკრული ორგანიზაციის ფორმირების პროცესი. აი რას წერს ფილიპე შახრაძე თავის სტატიაში „ამიერკავკასიის პარტიული ორგანიზაციები II ყრილობის წინააღმდეგ და

შემდეგ“ (იხ. ყურნალი „პროლეტარსკაია რევოლუცია“ 1903 წ. № 2) განყოფილებაში „ქრისტეშის ორგანიზაცია“: „...1902 წელს დაიწყო დიდი გაფიცვები ბათუმის ქარხნებში. სოციალ-დემოკრატიული ორგანიზაცია ბათუმში ჯერ კიდევ არ იყო (ხაზგასმა ჩემია — ი. ჩ.). ეს გაფიცვები უმეტეს შემთხვევაში იწყებოდა სტიქიურად... ამხ. სოსო ჩაუდგა ამ საქმეს... 1-მარტიდან როტშილდის მუშებმა გამოაცხადეს გაფიცვა. მუშებს... სურდათ... გაეგზავნათ დელეგაცია ქარხნის მმართველთან. ამახე ამხ. სოსომ მუშებს უპასუხა: „ჩვენ ტყუილად დავლუბავთ იმ ამხანაგებს. უმჯობესია, ეს მოთხოვნები ჩამოვწეროთ ქაღალდზე, ხოლო ქვემოთ გავუკეთოთ ხელმოწერა „ბათუმის სოციალ-დემოკრატი მუშათა ჯგუფი“. ეს იმიტომ, ამხანაგებო, დასძინა მან, რომ ჩვენთან ჯერ კიდევ გაფორმებული არ არის კომიტეტი (ხაზგასმა ფ. მახარაძისა) და კიდევ იმიტომ, რომ ჩვენ ჯერ კიდევ არ შევსულვართ რუსეთის სოციალ-დემოკრატიულ მუშათა პარტიაში, როგორც ცალკე ერთეული...“ მეტად დიდი მნიშვნელობა ჰქონდა მუშებისათვის ამხ. სოსოს განცხადებას, რომ ჩვენ, ე. ი. ბათუმის მუშათა სოციალ-დემოკრატიული ჯგუფი, ჯერ კიდევ არ ვიყავით შესული რსდმპ-ში. ეს ეპიზოდი გვიჩვენებს, რომ ბათუმის მუშებს იმ დროს ჯერ კიდევ მცირე გამოცდილება ჰქონდათ კლ-

სობრივი ბრძოლის საკითხებში. ამხ. სოსომ სწორად და უბრალოდ განუმარტა მუშებს პარტიული საკითხები — მაგალითად, სოციალ-დემოკრატიული სტრუქტურა“.

აქედან ჩანს, რომ სტალინს ღრმად ესმოდა პარტიული ორგანიზაციის სტრუქტურა და განუმარტავდა იმათ, ვისაც არ გაეგებოდა შინაპარტიული ცხოვრების რთული საკითხები. ისინი ვინც დაჟინებით იცავენ 1901 წლის 31 დეკემბრის თარიღს, ფიქრობენ, რომ ამით განადიდებენ სტალინს, ამალღებენ მის ავტორიტეტს. ნამდვილად კი გამოდიან სტალინის შეხედულების წინააღმდეგ და ამახინჯებენ ისტორიულ ჭეშმარიტებას. თვითონ სტალინს არცერთ თავის ნაშრომში, მათ შორის სკკპ (ბ) ისტორიის მოკლე კურსშიც, ყურადღება არ გაუმახვილებია 1901 წლის 31 დეკემბრის თარიღისადმი. ეს იყო მნიშვნელოვანი კრება, მაგრამ მაინც იყო მხოლოდ ეპიზოდი ბათუმელ ისკრელთა დიდ ორგანიზაციულ და იდეოლოგიურ საქმიანობაში. ამგვარ თვალსაზრისს მხარს უჭერენ სხვა მეცნიერებიც, მაგალითად, პროფ. ლ. გორგილაძე თავის ნაშრომში „მარქსიზმის ისტორიისათვის საქართველოში“. 1901 წლის 31 დეკემბერს, როგორც რსდმპ ბათუმის კომიტეტის გაფორმების თარიღს, ამჟამად იცავენ მხოლოდ ისინი, რომლებსაც ამაზე დაწერილი აქვთ თავიანთ შრომებში და ახლა

ვაყვაცობა არ ყოფნით, უარი თქვან მასზე. ამ ამხანაგები რიცხვს ეკუთვნიან ჩემი თარგმანების 3. ცეკიტარია და ა. სულგულაძე. ისინი ექვის ქვეშ აყენებენ პუბლიკაციას „პარტიის სათავეებთან“ (ყურნ. „სკკპ ისტორიის საკითხები“, 1963 წ. №3, გვ. 103). ნ. კრუპსკაია 1903 წლის აპრილში წერდა: „არასდროს არ გაგვიგონია, იქაური კომიტეტის შესახებ“ (იხ. მარქსიზმ-ლენინიზმის ინსტიტუტის ცენტრალური პარტიული არქივი, ფ. 2. ან. 1, საქმე 984, ფურ. 13). საქმე ეხებოდა რსდმპ ბათუმის კომიტეტს.

ცდილობენ რა დაამტკიცონ, რომ მე „ვაკინებ“ ბათუმის რევოლუციური მოძრაობის ისტორიას, წერილის ავტორებს, როგორც მაგალითი, ჩემი წიგნიდან მოტანილი აქვთ ის ადგილები. სადაც მე ბათუმში კ. ფრანჩესკის, გ. სოლორავილისა და ი. ლუზინის მიერ შექმნილ პირველ მარქსისტულ ორგანიზაციას ვუწოდებ „ჯგუფს“ და არა „წრეს“, და თავიანთი აზრის დასამტკიცებლად, რომ ამ ორგანიზაციას აუცილებლად უნდა ეწოდოს „წრე“, ეყრდნობიან ჟანდარმერიის მასალებს. მაგრამ საქმე მარტო ეს როდია. მთავარი ის არის, რომ არსებობს დოკუმენტი, რომელშიც გ. ფრანჩესკისა და ი. ლუზინის ორგანიზაცია თავის თავს უწოდებს „ჯგუფს“ (იხ. ოქტომბრის რევოლუციის ცენტრალური სახ. არქივი, ფ. 102, 1902 წ., ან 3,

საქმე 1205, ფ. 17). აქვე უნდა ითქვას, რომ საგამომძიებლო ხელისუფალნი ამ ორგანიზაციას უწოდებენ „ბათუმის წრეს“, ხოლო ფრჩხილებში წერენ „ჯგუფს“.

ყველაზე უფრო უცნაური ისაა, რომ წერილის ერთ-ერთ ავტორს პ. ცეკვიტარიას დაავიწყდა, რომ თვითონ თავის სადოქტორო დისერტაციის ავტორეფერატში გ. ფრანჩესკის მიერ ბათუმში შექმნილ ორგანიზაციას უწოდებს „ჯგუფს“ (იხ. პ. ცეკვიტარია, სადოქტორო დისერტაციის ავტორეფერატი, თბილისი, 1962 წ. გვ. 17-18).

4. ბათუმში ი. ბ. სტალინის როლის შეფასების შესახებ. წერილის ავტორები ბრალს მდებენ ი. ბ. სტალინის როლის დაკნინებაში. ეს ბრალდება, ისევე როგორც წინა ბრალდებები, სავსებით მცდარი და უმართებულოა. აი რას ვწერ ი. ბ. სტალინის შესახებ ჩემს წიგნში:

„ნოემბრის ბოლოს (1901 წ.) ი. სტალინი ჩამოდის ბათუმში... ენერგიულმა რევოლუციონერმა მარქსისტმა ი. სტალინმა ძლიერი გავლენა მოახდინა ბათუმში საქმეების მსვლელობაზე. მან საკუთებით უგულვებელყო ნ. ჩხეიძისა და ი. რამიშვილის შეხედულება... დაუკავშირდა რა ყველაზე უფრო აქტიურ მუშებს, მათთან ერთად ეწეოდა ორგანიზაციულ და პროპაგანდისტულ მუშაობას რევოლუციური სოციალ-დემოკრატების ბათუმის საერთო საქალაქო ორგანიზაციის გაფორმების მომ-

ზადების მიზნით“. ..ი. ბ. სტალინი სოციალ-დემოკრატიულ მუშაობას ეწეოდა ბათუმში დეკემბრის დღემდე — 1902 წლის მარტამდე. ამ ხნის განმავლობაში იგი რამდენჯერმე ჩავიდა თბილისში ბათუმის ორგანიზაციის საქმეებზე. ახალგაზრდა პროპაგანდისტისა და ორგანიზატორის სოსოს ენერგიული მოღვაწეობა მოეწონათ ბათუმელ მუშებს და მას მალე „მუშების მოძღვარი“ უწოდეს... ი. ბ. ჯულაშვილი იყო ბათუმელი მუშების მიერ გამართულ არეულობათა მთავარი ხელმძღვანელი“... შემდეგ ვწერ, რომ ი. ბ. სტალინი სათავეში ედგა მუშათა ორგანიზაციის ბათუმში, ხაზგასმით აღვნიშნავ მის მოღვაწეობას 31 დეკემბრის კრებაში. შემდეგ მომაქვს მისი აზრი იმის შესახებ, თუ როგორი ხელმოწერა უნდა გაუკეთდეს ბათუმში გამოშვებულ ფურცლებს. ჩემი წიგნის 54-ე გვერდზე ხაზს ვუსვამ ი. სტალინის კავშირს გლეხებთან და იმას, რომ იგი იყო ქობულეთში გლეხთა სოციალ-დემოკრატიული წრის ჩამოსაყალიბებლად. 67-ე გვერდზე ვწერ იმის თაობაზე თუ როგორ ცდილობდა ი. სტალინი ბათუმელი მუშების უზრუნველყოფას არალეგალური ლიტერატურით. 69-ე გვერდზე ვლაპარაკობ ბათუმის არალეგალური სტამბის შექმნაში ი. სტალინის თაოსნობაზე. 83-ე — მივუთითებ 1902 წლის 9 მარტის ამბებში ი. სტალინის ხელმძღვანელ როლზე. მომაქვს ფა-

ქტი, როცა ი. სტალინმა ხალხი-
დან გაიყვანა დაჭრილი მუშა; ამ-
ით ხაზს ვუსვამ მის მჭიდრო კავ-
შირს მუშებთან და გულისხმიე-
რებას დაჭრილი ადამიანისადმი.
შემდგომ ვწერ ციხიდან მის მიმო-
წერაზე მუშებთან და იმაზე ზრუ-
ნვის შესახებ, რომ ბათუმში კვლავ
გაგრძელებულიყო სოციალ-
დემოკრატიული საქმიანობა. 85-ე
გვერდზე მივუთითებ სტალინის
დაპატიმრებაზე 1902 წლის 5 აპ-
რილს. 111-ე გვერდზე ვწერ გა-
დასახლებიდან გამოქცეული ი.
სტალინის ბათუმში ჩამოსვლაზე.
121-ე გვერდზე გადმოვცემ 1905
წელს ბათუმში ი. სტალინის ჩამ-
ოსვლას და მის მონაწილეობას მე-
ნშევიკების წინააღმდეგ გამარ-
თულ დისკუსიებში. 129-ე გვერ-
დზე მოტანილი მაქვს ი. ბ. სტა-
ლინის წერილი ვ. ი. ლენინისადმი
ბათუმში შინაპარტიული მდგო-
მარეობის შესახებ, ვიმოწმებ
ი. ბ. სტალინის, როგორც ადგი-
ლობრივი კავკასიელი მუშაკის
აზრს თ. ვინოგრადოვას მცდარი
შეხედულების წინააღმდეგ ბათუ-
მში ბოლშევიკების გავლენის სა-
კითხებზე. 260-ე გვერდზე ვწერ
ი. სტალინზე, როგორც ბოლშევი-
კური პარტიის თვალსაჩინო
მოღვაწეზე, რომელიც შეყვანილი
იქნა დამფუძნებელი კრების კან-
დიდატთა სიაში კავკასიიდან.
309-ე გვერდზე აღვნიშნავ რკპ (ბ)
ცენტრალური კომიტეტის პოლი-
ტბიუროს წევრის ი. ბ. სტალინის
კავკასიაში გამგზავრებაზე შექმ-
ნილი ვითარების გამოსარკვევად

და კავკასიის პარტიული მუშაკე-
ბისათვის დახმარების აღმოსაზრ-
ნად. ამგვარად, გვერდი არ
ლია ი. სტალინის მოღვაწეობის
არც ერთი მომენტისათვის, რომე-
ლიც ბათუმს შეეხებოდა.

სად ხანს აქ ი. სტალინის და-
კინება?! ყველგან ი. სტალინი
სათანადოდ მოვიხსენიე. ოპო-
ნენტები მისაყვედურებენ იმას,
რომ ი. სტალინზე ვწერ სხვა მოღ-
ვაწეებთან ერთად. მერე და რა
არის აქ ცუდი ი. სტალინისათვის?
პირიქით. ეს მიუთითებს, რომ იგი
მარტოდ არ იყო, რომ მუშაობდა
რევოლუციონერთა კოლექტივში,
ხოლო ამ კოლექტივს რომ ხელ-
მძღვანელობდა, ხაზგასმით აღვნი-
შნე და მოვიტანე საარქივო დო-
კუმენტი, სადაც მოხსენებულია,
როგორც „მუშების მოძღვარი“.
ილაპარაკო სხვა ადამიანებზე, ეს
სრულიადაც არ ნიშნავს ი. სტალი-
ნის როლის დაკნინებას.

დასკვნა. ბრალდება, რომელიც
ოპონენტებმა წამომიყენეს იმის
გამო, რომ თითქოს ჩემს წიგნში
დაკნინებული იყოს ი. სტალინის
როლი, არ შეეფერება სინამდვი-
ლეს, თავიდან ბოლომდე მოგონი-
ლია და ტენდენციური.

5. ბრესტის ზავისადმი ბათუმე-
ლი ბოლშევიკების დამოკიდებუ-
ლების შესახებ. წერილის ავ-
ტორები აცხადებენ: „არასწორად
მიგვაჩნია ავტორის მსჯელობა
ბრესტის ზავისადმი ქართველი
კომუნისტების დამოკიდებულების
საკითხზე“. მათ სწორად მიაჩნიათ
პ. ცეკვიტარის აზრი იმის შესახებ,



რომ ბათუმელ ბოლშევიკებს 1918 წლის მარტში უნდა დაეცვათ ბათუმი თურქებისაგან, საბჭოთა მთავრობის მიერ ბრესტის ზავის ხელმოწერის მიუხედავად. ისინი იმოწმებენ ს. შაუმიანის გამოსვლას, რომელიც ვითომ ჩემთვის არ არის ცნობილი.

ჩემთვის ცნობილია ს. შაუმიანის ეს გამოსვლა, რომელსაც ოპონენტები იმოწმებენ. ს. შაუმიანის ამ გამოსვლაზე დაყრდნობა სავსებით უსაფუძვლოა, რადგან იგი მიეკუთვნება 1918 წლის ივნისს, როცა ვითარება შეიცვალა და ბოლშევიკების კავკასიის სამხარეო კომიტეტმა მართლაც მოუწოდა საქართველოსა და ამიერკავკასიის მშრომელებს თავი დაეცვათ თურქთა შემოსევისაგან. რაკი სიტყვამ მოიტანა, უნდა ითქვას, რომ ჩემმა ოპონენტებმა გაცხარების გამო, ეტყობათ, ვერ შენიშნეს ჩემს წიგნში 273-ე გვერდზე სპეციალური შენიშვნა ამ საკითხზე. მასში ნათქვამია: „აუცილებელია აღინიშნოს, რომ შემდგომში, როცა თურქებმა უხეშად დაარღვიეს ბრესტის ხელშეკრულება, დაიწყეს წაწევა ამიერკავკასიის სიღრმეში, რკპ(ბ) კავკასიის სამხარეო კომიტეტმა შეცვალა თავისი ტაქტიკა და მოუწოდა მასებს, ებრძოლათ თურქთა შემოსევის წინააღმდეგ“. ამ საკითხშიც ჩანს რამდენად არაობიექტური არიან ოპონენტები, როგორ უგულვებლყოფენ იმასაც კი, რაც ნათქვამია წიგნში.

პ. ცქვიტარია თავის შრომებში

არასწორად გადმოგვცემს ბათუმელი ბოლშევიკების ბრუნებას ბრესტის ზავისა და ბრესტის მოლაპარაკებისადმი. იგი საერთოდ არ აანალიზებს ამ საკითხს და დეკლარაციულად აცხადებს, რომ „1918 წლის მარტში... გადაუდებელ ამოცანად იქცა ბათუმის დაცვა... საქართველოს, მათ შორის ბათუმისა და ბათუმის ოლქას მშრომელებმა განაცხადეს თავიანთი მზადყოფნა, დაიცვან ბათუმის რუსეთის მშრომელებთან მჭიდრო კავშირში“ (იხ. კრ. „ბრძოლა აჭარაში საბჭოთა ხელისუფლების გამარჯვებისათვის“. ბათუმი, 1961 წ. გვ. 16). თავის სხვა ნაშრომში პ. ცქვიტარია წერს, რომ ბრესტის ზავის მიუხედავად, ვ. ი. ლენინი „პირადად“ მომხრე იყო ბათუმის დაცვისაო.

პ. ცქვიტარიას ისე გამოუვიდა, რომ საბჭოთა მთავრობამ ერთი ხელით მოაწერა ბრესტის საზავო ხელშეკრულებას, ხოლო მეორეთი მოუწოდებდა ებრძოლათ მის წინააღმდეგ და დაეცვათ ბათუმი, რომელშიც ბრესტის ხელშეკრულებით დაშვებული იყო თურქეთის ჯარები. პ. ცქვიტარია ვერ ამჩნევს რსდმპ(ბ) ბათუმის კომიტეტის ზოგიერთი წევრის მიერ დაშვებულ ტროცკისტულ შეცდომებს ბრესტის მოლაპარაკებათა თაობაზე. ამავე დროს პ. ცქვიტარია აიგივებს ბოლშევიკების ტაქტიკას მენშევიკების ტაქტიკასთან — აკი სწორედ მენშევიკები გაჰკიოდნენ ასე ბათუმის დაცვის შესახებ! პ. ცქვიტარია

რია ბოლშევიკებს მიაწერს ბათუმის დაცვის იმავე ტაქტიკას, რომელსაც მენშევიკები აყენებდნენ. ნამდვილად კი ყველაფერი გაცილებით უფრო რთულად წარმოგვიდგება. ეს გახლდათ დრამატული ეპიზოდი ბათუმის კომუნისტური ორგანიზაციის ისტორიაში (1918 წლის მარტი). ბოლშევიკებისათვის მეტად მტკივნეული იყო ბათუმის დატოვება, სადაც ძალაუფლების ხელში ჩაგდების ზღურბლთან იდგნენ. ამიტომ ზოგიერთი მათგანი მერყეობდა: იცავდა რა ბათუმს თურქეთისაგან, უნდოდა კიდევ „მოსკოვი ფაქტის წინაშე“ დაეყუებინა. მაგრამ 1918 წლის მარტში ამის გაკეთება არავითარ შემთხვევაში არ შეიძლებოდა. იმ პერიოდში ამიერკავკასიაში საბჭოთა ხელისუფლების მოწინააღმდეგენი და მტრები ჩვენზე ძლიერნი იყვნენ. საბჭოთა მთავრობა იძულებული იყო ხელი მოეწერა ბრესტის ხელშეკრულებისათვის „პასტოლეტის ლულის ქვეშ“, გ. ვ. ჩიჩერინის ხატოვანი გამოთქმა რომ ვიხმაროთ. ბათუმიდან წასვლა, და არა მარტო ბათუმიდან, იყო იძულებითი და დროებითი მოვლენა. 1918 წლის მარტში სხვანაირად არ შეიძლებოდა. ამიტომ საჭირო იყო დამორჩილებოდნენ ბრესტის ხელშეკრულებას, რომელსაც ხელი მოაწერა საბჭოთა მთავრობამ, და დაეტოვებინათ ბათუმი. ასეთი, სავსებით სწორი, გადაწყვეტილება მიიღო ბოლშევიკების კავკასიის სამხარეო კო-

მიტეტმა და თავისი წარმომადგენლის ბ. ლომინაძის მეშვეობით გადასცა ბათუმის კომიტეტს

3. ცქვიტარია თავის მეგზვი არსად მოიხსენიებს სამხარეო კომიტეტის ამ გადაწყვეტილებას და ამ ფაქტს. იგი ცდილობს, ისტორია მოარგოს თავის ტენდენციურ, მცდარ სქემას, აუბრალოებს საქმის ვითარებას.

6. პ. ცქვიტარია აცხადებს, რომ ჩემი წიგნის ერთი ქვეთავი „რევოლუციური მოძრაობა ბათუმში 1904 წელს“ „მოთიანად სხვა მკვლევართა შრომების საფუძველზეა დაწერილი, მაგრამ ი. ჩულოკი მათ საერთოდ არ იმოწმებს“. ამასთან თვითონ პ. ცქვიტარია არ აზუსტებს, რომელი მკვლევარები ჰყავს მხედველობაში. პ. ცქვიტარიას ეს განცხადება სრულიად უსაფუძვლოა. ყველა მოვლენა, რომელიც გადმოცემულია ამ განყოფილებაში, დაწერილია ჩემს მიერ სავსებით დამოუკიდებლად სარქიეო მასალებზე დაყრდნობით. რაკი პ. ცქვიტარია იქითკენ გადაჰკრავს, რომ ვილაციისაგან რაღაცა გადავიწერე, მაშინ მას უნდა დაეპტკიცებინა ეს და უაპელაციოდ არ მიეყენებინა ჩრდილი ჩემი ნაშრომისათვის.

7. წერილის ავტორები ამტკიცებენ, რომ ჩემი მტკიცება წიგნში (გვ. 119) ბათუმში რევოლუციური ტალღის დაცემის შესახებ 1905 წლის აპრილიდან მოკიდებული სექტემბრის ჩათვლით, სინამდვილეს არ შეეფერე-

ბა. ისინი ცდილობენ ეს დაამტკიცონ იმით, რომ მოჰყავთ ცალკეული ფაქტები 1905 წლის რევოლუციური ამბებიდან და შემდეგ მიუთითებენ: „ჩვენი აზრით, ნოემბრის ბრძოლები, შემდეგ კი დეკემბრის შეიარაღებული აჯანყება (გაუგებარია, რომელ დეკემბრის შეიარაღებულ აჯანყებაზეა ლაპარაკი — აქი ბათუმში აჯანყება მოხდა 1905 წლის 20-30 ნოემბერს, 1 დეკემბერს ბარიკადები უკვე დაშლილი იყო. — ი. ჩ.) სწორედ წინათვეებში განვითარებული მოვლენების ლოგიკური შედეგი იყო“.

ვინ ხდის სადაოდ იმ ფაქტს, რომ ნოემბრის აჯანყება წინამორბედი ამბების ლოგიკური შედეგი იყო?! ნუთუ ჩემს წიგნში არის რაიმე მსგავსი?! შემდეგ ნუთუ მე არ მომაქვს რევოლუციური მოძრაობის ფაქტები აპრილში, მაისში, ივნისში (სპეციალურად ვწერ ამ თვეში საყოველთაო გაფიცვების შესახებ) და 1905 წლის ზაფხულის სხვა თვეებში?!

მაგრამ უეჭველად ფაქტს წარმოადგენს მასობრივი სავაფიცო მოძრაობის დაცემა 1905 წლის აპრილ-სექტემბერში, და ჩემს ოპონენტებს არ ძალუძთ უარყონ ეს ფაქტი. თუ 1905 წლის იანვარში ბათუმში მოხდა 7 გაფიცვა, თებერვალში — არა ნაკლებ 4 გაფიცვა და დემონსტრაცია, მარტში — ექვსი, აპრილში კი — ერთი, მაისში მხოლოდ რამდენიმე კრება და მიტინგი გაიმართა, — ივლისში, აგვისტოსა და სექ-

ტემბერში გაფიცვები საერთოდ არ ყოფილა. 1905 წლის ოქტომბერში აღინიშნა 8 გაფიცვა, მაგისტინგი, მათ შორის პირველი საყოველთაო გაფიცვა ივნისის შემდეგ. ნუთუ ეს მონაცემები არ მოწმობს სავაფიცო მოძრაობის აშკარა დაცემას ბათუმში 1905 წლის აპრილიდან სექტემბრამდე.

წერილში გვხვდება სხვა უმართებულო მტკიცებანი, რომლებიც ვერ არის ფაქტებით შემაგრებული. მასში ბევრ ადგილას დამახინჯებულია ის აზრი, რაც გადმოცემულია ჩემს წიგნში. მაგალითად, წერილის ავტორები უარყოფენ იმას, რომ 1917 წლის ზაფხულში ბოლშევიკებმა არსებითი როლი ითამაშეს ბათუმის პროფკავშირებში. ისინი უგულვებელყოფენ კორესპონდენტებს, რომლებიც გამოქვეყნდა „კავკასკი რაბოჩში“ 1917 წლის ივლისში. იქ ნათქვამია სწორედ ბოლშევიკების მზარდ გავლენაზე ბათუმის პროფკავშირებში. ანდა ისიც ფაქტი არ არის, რომ ჯერ კიდევ 1917 წლის მაისში, ქალაქის სავაჭრო-სამრეწველო საწარმოთა პროფკავშირის (ეს იყო ერთ-ერთი ყველაზე უფრო მსხვილი პროფკავშირი ბათუმში) საერთო კრებამ, რომელსაც ბოლშევიკი ი. პეცოვი თავმჯდომარეობდა, წამოაყენა ერთ-ერთი მთავარი ბოლშევიკური მოთხოვნა — მსათიანი სამუშაო დღე. ნუთუ ეს არ არის ბოლშევიკების მზარდი გავლენის მაჩვენებელი პროფკავშირებში! სრულიად გაუგებარ-

რია, რატომ უნდა დავაკვირდეთ ბოლშევიკების როლი ბათუმის პროფკავშირულ მოძრაობაში!

ადგილის უქონლობის გამო ვერ ვპასუხობ წერილის ავტორთა მიერ რიგ სხვა უსაფუძვლო ბრალდებებს და რიგ მეტად საექვო მტკიცებებს. ყოველ ნაშრომში შეიძლება იყოს უზუსტობანი და სხვა დაუდევრობანი. ცხადია ასეთები არის ჩემს ნაშრომშიც და მე მაღლიერების გრძნობით მივიღებ კეთილმოსურნე მეცნიერთა კრიტიკას, სამართლიან შენიშვნებს. ჩემი ოპონენტებისათვის მსურდა მეთქვა, რომ ჩემი წიგნი არ არის აჭარის ისტორიის ენციკლოპედია, მე გაცილებით მოკრძალებული მიზანი მქონდა: გამომეკვლია და გადმომეცა აჭარის ისტორიული წარსულის მხოლოდ ერთი მხარე — ბათუმის კომუნისტური ორგანიზაციის ისტორია 1890-1921 წლებში. ამიტომ, ვფიქრობ, არ შეიძლება ამგვარ ნაშრომს წაუყენო მოთხოვნა, რომ მასში იყოს ყველაფერი რევოლუციური მოძრაობის ისტორიიდანაც და რევოლუციამდელი

აჭარის ეკონომიური, ზოგადი ისტორიული და სხვა პრობლემები. ტყუილად როდი მიწოდებთ ჩემს ნაშრომისათვის ბათუმის კომუნისტური ორგანიზაციის ისტორიის სისტემატური კვლევისა და გადმოცემის პირველი ცდა (1890-1921 წ. წ.).

მართალია, თოთხმეტი წელიწადი მოვანდომე ამ თემის შესწავლას, მაგრამ მოვლენ ახალი მკვლევარები და მათ მაღლობა უნდა ვუთხრათ თუ ისინი ისტორიული წარსულის ახალ გვერდებს გადაშლიან. ახალს ისე კი არ უნდა შევხედეთ, როგორც ჩემს წიგნს შეხვდნენ პ. ცქვიტარია, ა. სურგულაძე და შ. ჯაფარიძე.

არავითარი „დამახინჯებანი“ და „გაუგებრობანი“ ან „არსებითი შეცდომები“ ჩემს წიგნში არ არის. ვიმედოვნებ, რომ ეს წერილი აღადგენს ჭეშმარიტებას და „ჭოროხის“ მკითხველებს შესაძლებლობას მისცემს, ობიექტურად შეაფასონ ჟურნალის ფურცლებზე გამართული დისკუსია.

ილია ჩულოკი,

ისტორიის მეცნიერებათა კანდიდატი,
დოცენტი.

ჩვენ ი. ჩულოკის წიგნის რეცენზირებისა და საჯარო განხილვისას პატივი ვეცით ავტორის ნაღვაწს და ვრცლად აღვნიშნეთ ის დადებითი, რაც ნაშრომს გააჩნდა. აქვე მივუთითეთ სერიოზულ ნაკლოვანებებზე. სამწუხაროდ, ი. ჩულოკმა შენიშვნები არ მიიღო. პირიქით, შეტევაზეც გადმოვიდა და საკმაოდ უტიფრული ტონით დაწერილ პასუხში მათ უწოდა „უსაფუძვლო“, „ტენდენციური“... ამასთან, ავტორი კვლავ დაჟინებით იცავს თავის მცდარ მოსაზრებებს, იძლევა პირველწყაროების არასწორ ინტერპრეტაციას, ცდილობს მიაფუჩეჩოს ქართული ისტორიოგრაფიის მიღწევები, მიმართავს მეცნიერული ეთიკისათვის შეუფერებელ ხერხებს. ამიტომ იძულებული ვართ მკითხველის ყურადღება შევაჩეროთ ზოგიერთ პრინციპულ საკითხზე და დამატებითი მასალის საფუძველზე ვაჩვენოთ ავტორის პოზიციის მცდარობა.

1. რეცენზიაში ი. ჩულოკს ვუსაყვედურეთ ქართული ისტორიოგრაფიის მიღწევების უგულვებელყოფა. იგი უარყოფს ამას და წერს, რომ წიგნის მე-6 გვერდზე 52 ავტორის სახელი მაქვს ჩამოთვლილი. მართლაც, ნაშრომის შესავალში ამ მკვლევარების მხოლოდ გვარებია დასახელებული. განა ეს საკმარისია?

ცხადია, არა. ი. ჩულოკი მოვალე იყო, მოკლედ მაინც აღენიშნა ამ მკვლევართა წვლილი თემის ცალკეული საკითხების გაშუქებაში, რომ ამის ფონზე ეჩვენებინა თუნდაც საკუთარი დამსახურება. აქ ავტორს თავმდაბლობას ვერ დავწამებთ. აბა რით ავხსნათ, რომ ი. ჩულოკი შემდეგ ერთხელაც არ ასახელებს მის მიერ ჩამოთვლილი ცნობილი ისტორიკოსების ვ. ხაჭაპურიძის, აკ. სურგულაძის, ვ. ქვანიას, ვ. ესაიაშვილის, ნ. მახარაძის, მ. ცერცვაძის, ლ. ებანოძის, ილ. მელქაძის და სხვათა მონოგრაფიებს, აგრეთვე ქართულ ენაზე გამოქვეყნებულ სხვა ნაშრომებსა და სტატიებს, რომლებშიც საინტერესო მასალა და დასკვნებია ბათუმის კომუნისტური ორგანიზაციისა და რევოლუციური მოძრაობის ისტორიის საკითხებზე.

ი. ჩულოკი აქეთ გვედავება ყველას ნაშრომი დამსახურებისამებრ მაქვს გამოყენებულიო, მაგრამ ასეა კი? წიგნის შესავალში წერია: ჩამოთვლილი მკვლევარებიდან აჭარის წარსულს ეხება ა. ბაგელიძის სადოქტორო დისერტაცია „აჭარის ეკონომიური ისტორია (1878-1965)“. რომელშიც ისტორიულ-პარტიული საკითხები განხილულია მოკლედ და გაკვირვით (გვ. 6). ჩვენ არ ვაკნინებთ ამ გამოკვლევის მნიშვნელობას, მაგრამ აჭარის ისტორიულ წარ-

სულს უფრო მეტად ეხება ხ. ახვლედიანის, ვ. სიჭინავას და სხვათა ნაშრომები, რომლებსაც ი. ჩულოკი არსად არ ახსენებს.

ავტორი უარყოფს, რომ ბათუმის კომუნისტური ორგანიზაციის შესახებ დაცულია დისერტაციები და გამოქვეყნებულია ნაშრომები. რა საბუთით? აქაოდა, ისინი წმინდა ისტორიულ-პარტიული ხასიათისა არ არიანო. განა შეიძლება ჩინური კედლის გავლება საბჭოთამდელი პერიოდის ამსახველ ისტორიულ-პარტიული და რევოლუციური მოძრაობისადმი მიძღვნილ ლიტერატურას შორის? ცხადია, არა — ისინი ავსებენ ერთმანეთს. ეს მან კარგად იცის, მაგრამ მაინც თავისას ამბობს, რადგან არ სურს დასახელება, მაგალითად, მ. ჯიჯიეშვილის საკანდიდატო დისერტაციისა „ბრძოლა საბჭოთა ხელი-სუფლებისათვის აჭარაში“ (გამოიცა 1957 წელს). ამას რომ თავი დავანებოთ, საკითხავია, ისტორიულ-პარტიულ ლიტერატურას თუ არა, რომელ დარგს უნდა მივაკუთვნოთ მ. კუბლაშვილის საკანდიდატო დისერტაცია „ლენინურ-ისკრული მიმართულების რსდმპ ბათუმის კომიტეტის შექმნა და მოღვაწეობა (1901-1904 წწ.)“, რომლის ძირითადი ნაწილი ქართულ და რუსულ ენებზე გამოქვეყნებულია კიდევ? ასევე შეიძლებოდა გვეთქვა მ. ცერცვაძის მონოგრაფიაზე „საქართველოს მუშათა და გლეხთა რევოლუციური მოძრაობის ისტორი-

იდან“ (გამოიცა 1966 წელს) და შრომებზე „რსდმპ ლენინურ-ისკრული მიმართულების კომიტეტის 50 წლისთავი“ (1961 წ.) და „1902 წლის ბათუმის პოლიტიკური დემონსტრაცია“ (1952 წ.), აგრეთვე ე. ახოზაძის დისერტაციაზე „ი. ბ. სტალინის რევოლუციური მოღვაწეობის დასაწყისი“, რომლებშიც ვრცლად გაშუქებულია რსდმპ ბათუმის ორგანიზაციის შექმნა, სტალინის მოღვაწეობის ბათუმის პერიოდი და სხვ. მაინც გვინტერესებს, ი. ჩულოკმა თუ იპოვა ისტორიულ-პარტიული საკითხების მოკლედ და გაკვირვებით გაშუქება ეკონომიური პრობლემებისადმი მიძღვნილ დისერტაციაში, როგორ ვერ ნახა ის 1917-1921 წლების რევოლუციური მოძრაობისა და 1901-1904 წლებში პარტიული ორგანიზაციის საქმიანობისადმი მიძღვნილ მონოგრაფიებში? ნახა, როგორ არ ნახა, მაგრამ პირველის დასახელება მას აწყობდა, დანარჩენებისა კი — არა.

შეიძლებოდა ამაზე არ გავვემახვილებინა ყურადღება, რომ ი. ჩულოკა „პასუხში“ არ ეცადა ქართული ისტორიოგრაფიის უგულვებელყოფის „დასაბუთება“. თურმე, რუს მკითხველს ხელი არ მიუწვდება ქართულ ნაშრომებზე და ამიტომ არ შეიძლება მათი დამოწმება! აი ეს ადგილი:

...Моя книга издана на русском языке, ее будут читать не только в

Грузии, и читатели должны иметь возможность, если им это понадобится, ознакомиться с моими ссылками по первоисточнику, чего бы они не смогли сделать, если бы я ссылался на труд... изданный на грузинском языке».

ამ „არგუმენტაციის“ შემდეგ ბუნებრივად გვებადება კითხვა — ი. ჩულოკმა ძალიან შორს ხომ არ შესტოპა?!

2. რეცენზიაში აღვნიშნავდით: შთაბეჭდილება გვრჩება, რომ ავტორი ნებით თუ უნებლიეთ აკნინებს ბათუმის რევოლუციური მოძრაობის ისტორიას და მიგუთითებდით სათანადო ფაქტებზე, ურომლისოდ აღნიშნული საკითხი, მართლაც, დაკნინებულად და ღარიბად არის წარმოდგენილი. ი. ჩულოკმა არც ეს შენიშვნა გაიზიარა. აქვს კი საფუძველი? მივმართოთ ფაქტებს (რეცენზიაში აღნიშნულს არ ვიმეორებთ).

ბათუმის რევოლუციური მოძრაობის ისტორიას ი. ჩულოკი იწყებს როტშილდის ქარხანაში 1890 წლის ივლისში მომხდარი გაფიცვით (გვ. 18). ამით ფაქტიურად უარყოფილია მანამდელი 15-წლიანი ბრძოლის საყურადღებო ეპიზოდები. მაგალითად, 1876 წელს ბათუმში მოღვაწეობდნენ ქართველი ხალხოსნები (ე. მჭედლიძე და სხვ.), რომლებმაც უცხოეთიდან საქართველოში შემოიტანეს დიდძალი არალეგალური ლიტერატურა, სცადეს სტამბის შემოტანაც და 1875-1876 წლების აჭარის აჯანყებასთან დაკავშირება, შემუშავეს საიდუმლო

შრიფტი მიმოწერისათვის და 1888 წელს ბათუმის ^{საქართველოში} დიდ პროპაგანდისტულ ორგანიზაციულ მუშაობას ეწეოდნენ რუსი ხალხოსნებიც — პეტრე შაფრანოვი და თედორე გუზენკო. ყველაფერი ეს ცნობილია ქართულ ისტორიოგრაფიაში (შ. ცაგარეიშვილმა საარქივო დოკუმენტებიც გამოსცა), ი. ჩულოკის წიგნში კი ასახული არაა. თუ ავტორი რევოლუციური მოძრაობის საწყისად მარტო მუშათა გაფიცვას მიიჩნევს, მაშინ უნდა შევახსენოთ, რომ მას ბათუმში აღვნიშნული ჰქონდა ჯერ კიდევ 1882 და 1889 წლებში (ესეც დიდი ხანია ცნობილია ლიტერატურაში).

ნაშრომში ასევე არაფერია ნათქვამი ჩაქვი-კინტრიშის, ქედის, ბათუმის მოწაფეთა და სხვა სოციალ-დემოკრატიული ჯგუფების მოღვაწეობაზე, ართვინის ბოლშევიკური ორგანიზაციისა და მისი ძანსულ-მურღულის ჯგუფის საქმიანობაზე (ცენტრალური კომიტეტი დიდ მნიშვნელობას ანიჭებდა ართვინის ბოლშევიკური ორგანიზაციის ბრძოლას საბჭოთა ხელისუფლების დამყარებისათვის, რისთვისაც იქ მოსკოვიდან სპეციალურად მიავლინა გ. კახანჯიანი), ბათუმის მშრომელთა 15-ათასიან მიტინგზე 1905 წლის ნოემბერში შავრაზმელებთან შეტაკებაში დაღუპულ დოცენტ საბა კლდიაშვილის ცხედრის ჩამოსვენებასთან დაკავშირებით, კინტრიშელ გლეხთა მღელვარე-

ბაზე 1917 წელს, ჯ. ხიმშიაშვილის კონტრრევოლუციურ გამობრძოლვასა და მის ჩაშლაზე, 1917 წლის იანვარ-თებერვლის ამბებზე ბათუმში, ანტანტის ინტერვენციის პერიოდში ბოლშევიკებსა და მენშევიკებს შორის იდეოლოგიურ ბრძოლაზე, გ. აიოლოს საქმიანობაზე, ბათუმის ოლქის მოსახლეობის 1919-20 წლების ეროვნულ-განმათავისუფლებელ მოძრაობაზე და ა. შ.

თუ შემოთქმულს დავუმატებთ რეცენზიაში ამ თვალსაზრისით მოტანილ შენიშვნებსაც, მაშინ, მკითხველო, თავად განსაჯე, არის თუ არა ბათუმის რევოლუციური მოძრაობა ნაშრომში დაკნინებულად წარმოდგენილი?

3. რეცენზიაში აღვნიშნეთ, რომ ნაშრომში დამახინჯებულია ბათუმის სოციალ-დემოკრატიული ორგანიზაციის ჩამოყალიბების პროცესი. ი. ჩულოკი კვლავ იცავს თავის მცდარ თვალსაზრისს და დაყინებით იმეორებს, ორგანიზაციის შექმნა 1902 წლის დამლევიდან 1903 წლის გაზაფხულამდე მიმდინარეობდაო. ამით იგი არსებითად უარყოფს ადრე მიღებულ დებულებას 1901 წლის 31 დეკემბერს ბათუმის რევოლუციური ორგანიზაციის ხელმძღვანელი ცენტრის დაარსების შესახებ. ი. ჩულოკის სიტყვით, ეს ფაქტი მოგონილია 30-იან წლებში და ვინმემ ხომ უნდა უარყოს? და უარყო კიდევ ხელის ერთი მოსმით, ყოვლად დაუსაბუთებლად, წყაროების არასწორი ინტერ-

პრეტაციათა და არსებული ისტორიულ-პარტიული ლიტერატურის გაუთვალისწინებლად რომ ასეა, კარგად ჩანს მისი უსაფუძვლო მსჯელობიდანაც, რომელიც მხოლოდ ორგანიზაციის ხელმძღვანელი ცენტრის სახელწოდების ფორმირებას ეხება. საქმეს ვერ შეველის ი. ჩულოკის მიერ პარტიის II ყრილობაზე წარდგენილ რსდმპ ბათუმის კომიტეტის მოხსენებისა და ნ. კრუპსკაიას ბარათის დამოწმება, რადგან ისინი ავტორის სასარგებლოდ კი არა, საწინააღმდეგოდ მეტყველებენ. მივმართოთ მათ.

რსდმპ ბათუმის კომიტეტის მოხსენებაში, წინააღმდეგ ი. ჩულოკის მტკიცებისა, არსად არაა აღნიშნული ორგანიზაციის დაარსება 1902 წელს. მისი გულდასმით გაცნობით ჩანს, რომ იქ ლაპარაკია მხოლოდ სახელწოდების შეცვლაზე. მოხსენებაში ნათქვამია: «В 1902 году социал-демократическая группа переименовалась в Организационный комитет РСДРП». (ხაზი ჩვენია — ავტ.). ეს ციტატა ადასტურებს, რომ ბათუმში რევოლუციური ორგანიზაცია სოციალ-დემოკრატიული ჯგუფის ხელმძღვანელობით არსებულ სახელწოდების შეცვლამდეც, ე. ი. 1902 წლამდეც. ამ შუქზე სავსებით ლოგიკური ჩანს 1901 წლის 31 დეკემბრის კონფერენციის, როგორც ორგანიზაციის დამფუძნებლის, მნიშვნელობა.

ან ავიღოთ ნ. კრუპსკაიას ბარათი (1903 წლის აპრილი). მასში ავტორი წერს, რომ „არაფერი მსმენია აქაური (ბათუმის—ავტ.). კომიტეტის შესახებ“. ნიშნავს თუ არა ეს, რომ რევოლუციური ორგანიზაცია ხელმძღვანელი ცენტრით მანამ არ არსებობდა? ცხადია, არ ნიშნავს. ნ. კრუპსკაიამ კარგად იცოდა II ყრილობის მოსამზადებელი კომიტეტის წევრის ი. რადჩენკოს ჩამოსვლა ბათუმში 1902 წლის სექტემბერში (მან ხომ ადგილობრივ ორგანიზაციას გააცნო ყრილობის მიზანი და მისი მოწვევისათვის უკვე ჩატარებული მუშაობა!). და თუ ამის შემდეგ მაინც აღნიშნა არ მსმენია ბათუმის კომიტეტის შესახებო, ეს იმიტომ, რომ საორგანიზაციო კომიტეტს არ შეცვლია სახელი, ან ამის შესახებ ჯერ არაფერი იცოდნენ პარტიულ ცენტრში.

ზემოთქმულის შემდეგ ნათელია: ბათუმის სოციალ-დემოკრატიული ორგანიზაცია არსებობს 1901 წლის დამლევდიან. ვიმეორებთ, არსებითი მნიშვნელობა არა აქვს — რა ერქვა მის ხელმძღვანელ ცენტრს, ან როგორ იცვლებოდა მისი სახელწოდებანი. ფაქტია, რომ სოციალ-დემოკრატიული ჯგუფიც და საორგანიზაციო კომიტეტიც, თავის დროზე, კომიტეტის ფუნქციას ასრულებდნენ.

ახლა გავეცნოთ ამ საკითხზე არსებულ ლიტერატურას და ვნახოთ იქ როგორაა იგი გაშუქებული. მივმართოთ „საქართველოს

კომუნისტური პარტიის ისტორიის ნარკვევებს“ (გამოცემულია 1971 წ. მარქსიზმ-ლენინიზმის ინსტიტუტის საქართველოს ფილიალის მიერ) და „ამიერკავკასიის კომუნისტური ორგანიზაციების ისტორიის ნარკვევებს“ (გამოცემულია 1971 წ. მარქსიზმ-ლენინიზმის ინსტიტუტის აზერბაიჯანის, საქართველოსა და სომხეთის ფილიალების მიერ).

პირველ წიგნში რსდმპ ბათუმის კომიტეტის შექმნის შესახებ მოქცემია (გვ. 84-85):

«В конце декабря 1901 года был поставлен вопрос об оформлении нелегальных рабочих кружков в социал-демократическую организацию ленинско - искровского направления. С этой целью необходимо было **создать конференцию представителей кружков.**

Конференция была созвана после серьезной подготовительной работы 31 декабря 1901 года... Конференция **избрала социал - демократическую группу, которая впоследствии оформилась в Батумский Комитет РСДРП.**

Таким образом, к концу 1901 и в начале 1902 года в Закавказье существовали три социал-демократические организации ленинско-искровского направления — Тифлисская, Бакинская и Батумская, возглавлявшиеся **партийными комитетами.** Эти комитеты работали под идейным руководством «Искры», на основе указаний В. И. Ленина». (ხეივანი — ავტ.).

ი. ჩულოკის სიტყვით „ამიერკავკასიის კომუნისტური ორგანიზაციების ისტორიის ნარკვევებში“ არაა პირდაპირი მითითება

რსდმპ ბათუმის კომიტეტის შექმნის დროზე (მისი წიგნი, გვ. 7). ესეც უმართებულოა. ამ კოლექტიურ ნაშრომში, ჩვენთვის საინტერესო საკითხზე, პირდაპირ და გარკვევით არის ნათქვამი (გვ. 73): „1901 წლის 31 დეკემბერს მოწვეულ იქნა ამ (სოციალ-დემოკრატიული — ავტ.) წრეების წარმომადგენელთა კონფერენცია. კონფერენციამ აირჩია ხელმძღვანელი სოციალ-დემოკრატიული ჯგუფი ლენინურ-ისკრული პიმართულებისა, რომელმაც 1902 წელს რსდმპ ბათუმის კომიტეტის სახელწოდება მიიღო“ (ხაზი ჩვენია — ავტ.).

ვფიქრობთ, საკითხი ნათელია. ამ შეცდომამ ი. ჩულოკი მიიყვანა მეორე, ასევე მცდარ დასკვნამდე. რაკი 1902 წლის დამდეგს ხელმძღვანელი პარტიული ცენტრი არ არსებობდა, მუშათა გამოსვლებსაც სტიქიური ხასიათი ჰქონდაო. საამისოდ იგი იმოწმებს ფ. მახარაძის ერთ-ერთ სტატიას, რომელშიაც, სხვათა შორის, დაშვებულია უზუსტობანი.

„საქართველოს კომუნისტური პარტიის ისტორიის ნარკვევებში“ ამ საკითხზე ნათქვამია (გვ. 66-67):

«Общий подъем революционного движения с особой силой проявился и в Батуме. Первое крупное выступление батумских рабочих произошло в конце января 1902 года. Это была забастовка на заводе Манташева, организованная Батумской группой РСДРП... 9 марта Батумская группа РСДРП организовала крупную поли-

тическую демонстрацию рабочих... В демонстрации приняло участие около 6 тысяч человек... 12 марта Батумская группа РСДРП организовала в связи с похоронами жертв 9 марта новую пятитысячную политическую демонстрацию... После событий 9 марта стачечное движение в Батуме приняло еще более массовый характер... Батумская демонстрация 9 марта всколыхнула рабочие и крестьянские массы Закавказья. Батумские события, писал М. И. Калинин, мощным эхом отозвались по всей стране, они приобрели все-российское политическое значение». (ხაზი ჩვენია — ავტ.).

„ამიერკავკასიის კომუნისტური ორგანიზაციების ისტორიის ნარკვევებში“ აღნიშნულია (გვ. 79): „რუსეთის რევოლუციური მოძრაობის ისტორიაში ამიერკავკასიის პროლეტარიატმა დაუვიწყარი ფურცლები ჩაწერა 1902 წელს. იანვარ-თებერვალში რსდმპ ბათუმის კომიტეტმა მოაწყო მუშათა გაფიცვები და პოლიტიკური დემონსტრაციები. ჯერ კიდევ გამოსვლებამდე კომიტეტმა მთელი რიგი არალეგალური კრებები გამართა.

როტმილდის ქარხანაში გაფიცვასთან და 32 მუშის დაპატიმრებასთან დაკავშირებით 1902 წლის 8 მარტს ბათუმის კომიტეტმა მოაწყო მანიფესტაცია... ბათუმის 9 მარტის დემონსტრაციის დახვრეტამ აამოძრავა ამიერკავკასიის და მთელი რუსეთის მუშათა და გლეხთა მასები. 9 მარტის ამბების შემდეგ ბათუმში, თბილისში, ქუთაისში, ფოთში და საქართვე-

ლოს სხვა ქალაქებში ახალი ძალით გაჩაღდა საგაფიცვო მოძრაობა. ბათუმიდან გასახლებულმა მუშებმა — დემონსტრაციის მონაწილეებმა საქართველოს და ამიერკავკასიის სოფლებში გაიტანეს რევოლუციური ბრძოლის ლოზუნგები. ისინი, ნათქვამი იყო „ისკრაში“, „სოფლად რევოლუციური მოძრაობის პიონერები გახდნენ“ (ხაზი ჩვენია — ავტ.).

საკითხი აქაც ნათელია: ყველა სათვის სახელმძღვანელო ისტორიულ-პარტიული ნაშრომების ეს დებულებანი ააშკარავებენ, როგორ „გადასინჯა“ ი. ჩულოკმა ბათუმის პარტიული ორგანიზაციის ისტორიის ზოგიერთი კარდინალურ საკითხი.

სხვათა შორის, საქართველოს კვ XXIV ყრილობაზე, სავსებით სწორად გამახვილეს ყურადღება უკვე დამკვიდრებული ფაქტებისა და მოვლენების გადასინჯვის მცდარ შემთხვევებზე. ამ შუქზე ასევე უარსაყოფია ი. ჩულოკის უსაფუძვლო მსჯელობა ბათუმის რევოლუციური ორგანიზაციის ხელმძღვანელი ცენტრის შექმნისა და 1902 წლის მუშათა მოძრაობის ხასიათის შესახებ, მით უმეტეს, რომ ბათუმის პროლეტარიატის ორგანიზებულ გამოსვლებს მაშინვე, 1902 წელსვე, დიდი შეფასება მისცეს თანამედროვეებმა. კერძოდ, ამ საკითხს მიეძღვნა რუსეთში ბროშურა „ბატუმსკაია ბონია“, ხოლო გერმანიის სოციალ-დემოკრატების ჟურნალში „ნოი

ციტიში“ ვრცელი სტატიაც დაიბეჭდა.

4. მოკლედ ი. ბ. სტალინის შესახებ. ი. ჩულოკის გვერდი არ ამივლია სტალინის მოღვაწეობის არც ერთი მომენტისათვის. მართლაც, წიგნში აღნიშნულია სტალინის გვარი სხვადასხვა მოვლენასთან კავშირში. აი, ერთი მაგალითი: „1902 წლის პირველ თვეებში რსდმპ ბათუმის ორგანიზაციის ყველაზე აქტიური, საქმიანი ხელმძღვანელები იყვნენ მ. გაბუნია, ი. დარახველიძე, ი. სტალინი, კ. კანდელაკი, ს. ლომჯარია, ს. თოდრია“ (გვ. 48). ჩვენს შენიშვნაზე, რომ 1902 წლის დამდეგს ბათუმის ორგანიზაციას თურმე ჰყოლია ექვსი „საქმიანი ხელმძღვანელი“, და მათ შორის სტალინიც, ი. ჩულოკი წერს:

„Что тут плохого для И. Сталина? Наоборот, это показывает, что он был не один, что он работал в коллективе революционеров“.

აი, თურმე როგორ შეიძლება ყველაფრის „ახსნა-განმარტება!“

5. რეცენზიაში აღვნიშნეთ ი. ჩულოკის მცდარი პოზიცია ბრესტის ზავისადმი ქართველი კომუნისტების დამოკიდებულების შეფასებაში. ავტორმა არც ეს შენიშვნა მაიღო და „პასუხში“ რატომღაც პ. ცქვიტარიას წინააღმდეგ გაილაშქრა. ეს ერთხელ კიდევ ადასტურებს ჩვენს ნათქვამს, რომ ი. ჩულოკი არ იცნობს ქართულ მეცნიერულ ლიტერატურას, თორემ ამ შენიშვნის ავტორობას პ. ცქვიტარიას არ მიაწერდა (ვურჩევთ გულდასმით გაეცნოს პროფ.

ა. სურგულაძის შრომებს, გამოქვეყნებულს ქართულ და რუსულ ენებზე). ამასთან, ი. ჩულოკმა ვერ მიხვნი სტ. შაუმიანის ცნობილი სიტყვის იმ ადგილს, სადაც ნათქვამია: ბრესტის ზავის მიუხედავად საბჭოთა მთავრობა მიესალმება ბათუმისა და ყარსის შენარჩუნებას, თუ ეს შესაძლებელი იქნება ადგილობრივი ძალებით. ავტორი არ იცნობს სტ. შაუმიანის „სტატიებისა და სიტყვების“ 1924 წლის ბაქოსეულ გამოცემას (გვ. 184-185), თორემ პასუხში არ იტყოდა სტ. შაუმიანს ამის მსგავსი არაფერი უწერიდა.

აი რა თქვა სტ. შაუმიანმა 1918 წლის 7 ივნისს ბაქოს მუშათა, წითელარმიელთა, მატროსთა და გლეხთა დეპუტატების საბჭოს სხდომაზე:

«Мы, большевики, ни разу не заявляли, даже когда сами подписывали этот договор, что здесь безусловно нужно его соблюдать. Мы рассматривали его как навязанный договор, с которым мы должны считаться постольку, поскольку то диктуется тем, что мы не обладаем силами для сопротивления.

Когда перед нами здесь ставился вопрос, как относиться к Брестскому договору, и нужно ли, чтобы с нашей стороны было какое-нибудь заявление о соблюдении Брестского договора, наша партия единогласно решила — никаких заявлений о сдаче Карса, Батума и Ардагана не делать, и, действительно, мы не сделали ни одного заявления.

Как официальный представитель

Центральной власти, я лично должен был высказать свое мнение, но мы не выступили по этому вопросу, полагая, что в Закавказье имеется достаточно сил, чтобы отстоять Карс и Батум.

Мы указывали, что Закавказье находится в таких условиях, что все население, без различия национальностей, будет бороться, чтобы отстоять себя против турок, ибо они истребили бы целые народности Закавказья. Это обстоятельство заставило бы население быть готовым к отпору и отстаиванию своей территории.

Имея в виду также, что на нас двигались не сильные германские войска, а уставшие дезорганизованные турки, мы думали, что Закавказье может защитить себя и не отдавать того, что было уступлено по Брестскому договору.

Когда мы ставили вопрос, как отнесется к этому Центральное правительство, подписавшее Брестский договор, нам было ясно, что Правительство могло бы лишь приветствовать кавказских героев. (ხაზი ჩვენია — ავტ.).

ეს ვრცელი ამონაწერი ცხადყოფს, რომ საბჭოთა მთავრობა, ბრესტის ზავის მიუხედავად, თვით ამ ზავის ხელმოწერის მომენტშიც კი, წინააღმდეგი არ იყო ამიერკავკასიის მშრომელებს ებრძოლათ ყარსის, ბათუმისა და არდაგანის შენარჩუნებისათვის. ასე რომ, ქართველი კომუნიისტების, კერძოდ, ბათუმის პარტიული ორგანიზაციის ტაქტიკა ამ საკითხში გამომდინარეობდა პარტიის პოლიტიკიდან, რომელიც ითვა-

ლისწინებდა იმხანად ამიერკავკასიაში შექმნილ კონკრეტულ ვითარებას. ი. ჩულოკი კი ამ პოზიციას ტროცკისტულს და მენშევიკურს უწოდებს!

6. რეცენზიაში მივუთითეთ: ნაშრომის ერთი ქვეთავი „რევოლუციური მოძრაობა ბათუმში 1904 წელს“ დაწერძლია სხვა ავტორთა შრომების საფუძველზე, რომელთაც ი. ჩულოკი არც ახსენებს. ახლა იგი ამას უარყოფს და აღნიშნავს, დამოუკიდებლად, საარქივო მასალებით დავწერეთ. კეთილი, მაგრამ რატომ ერთის მეტად ამ მასალაზე არსად არ უთითებს? ან კიდევ: ვაზ. „გოლოს ტრუდას“ პირველი ნომერი არ შემონახულა. ამიტომ მისი დაარსების თარიღად პირობით მიღებულია 1919 წლის 17 მაისი, რომელიც დაადგინა ერთმა ქართველმა მკვლევარმა. ი. ჩულოკმა ეს თარიღი ისე მიუთითა თავის ნაშრომში, რომ არც პირველწყარო დაასახელა და არც რაიმე შენიშვნა გააკეთა. ასევე შეიძლება ითქვას ბათუმის პირველი მარჯისისტული წრის დაარსების თარიღზეც. 1960 წელს გამოცემულ ნაშრომში ი. ჩულოკი მიუთითებდა 1896 წელს, ამ წიგნში კი ასახელებს 1895 წელს (გვ. 21). ეს თარიღიც სხვა ავტორის დახუსტებულია, ი. ჩულოკთან კი რაიმე შენიშვნის გარეშეა მოტანილი. რეცენზიაშიც გვაქვს მითითებული მსგავსი ფაქტები.

7. ი. ჩულოკი ამჯერადაც იცავს იმ აზრს, რომ 1905 წლის აპრილიდან სექტემბრამდე ბათუმში დაე-

ცა მასობრივი რევოლუციური მოძრაობაო. ამის საილუსტრაციოდ მას მოაქვს საგაფიცველობის შემცირების სტატისტიკა, რაც ცალმხრივია და ვერ ასახავს რეალურ სინამდვილეს. საქმე იმაშია, რომ მასობრივი რევოლუციური მოძრაობა, გაფიცვების გარდა, გულისხმობს კრებებს, მიტინგებს, დემონსტრაციებს და შეიარაღებულ შეტაკებებს, რასაც ავტორი, რატომღაც ანგარიშში არ ღებულობს. ამ თვალსაზრისით კი 1905 წლის აპრილ-სექტემბერში ბათუმში რევოლუციური მოძრაობის დაცემაზე სერიოზულად მსჯელობა შეუძლებელია. ვ. ი. ლენინთან საუბრის შთაბეჭდილებით მ. ვასილიევ-იუჟინი წერდა: „ბათუმი, როგორც რევოლუციური ბაზა, მთელი შავი ზღვის სანაპიროზე ყველაზე უფრო საიმედო რაიონი იყო“. სწორედ რევოლუციური მოძრაობის ზრდის გამო გადაწყვიტა ვ. ი. ლენინმა აჯანყებული ჯავშნოსნის „პოტიომკინის“ გამოგზავნა ბათუმში (1905 წლის ზაფხული).

8. ი. ჩულოკი იმეორებს მცდარ აზრს, რომ ბათუმის ბოლშევიკური ორგანიზაცია 1917 წლის ზაფხულში პროფკავშირებში არსებით როლს ასრულებდაო. აქ იგი იმომებს ვაზ. „კავკასკი რაბოჩნი“ 1917 წლის ივლისში გამოქვეყნებულ კორესპონდენციას, მაგრამ მასში ამ დებულების სასარგებლოდ არაფერია ნათქვამი. იქ აღნიშნულია პროფკავშირებში ბოლშევიკების **გადამწყვეტ როლზე** კი

არა, გავლენის ზრდაზე, რაც ერთი და იგივე არ არის. სინამდვილეში მაშინდელი პროფკავშირები, ერთი-ორის გამოკლებით, 1917 წლის ზაფხულში მაინც ესერ-მენშევიკების გავლენაში იყვნენ. თვით ცენტრალური პროფბიუროს 9 წევრიდან, მხოლოდ ერთი (მოლარე თუმანიშვილი) იყო ბოლშევიკი, დანარჩენი (თავმჯდომარე, მოადგილე და ა. შ.) კი — ესერი ან მენშევიკი. ასეთი მდგომარეობა გვიან შემოდგომამდე გაგრძელდა.

რეცენზიაში მითითებულ სხვა შენიშვნებზე ი. ჩულოკი არაფერს ამბობს, ადგილის სიმცირეს იმი-

ზეზებს, თუმცა მათ მაინც უწოდებს „სრულიად უსაფუძვლო ბრალდებებს“. ეს შედეგია ჩულოკის არამყარი პოზიციისა, 
ხმამდინარე

დასასრულ, საინტერესოა, როგორ მოხვდა ამ წიგნის გრიფად მარქსიზმ-ლენინიზმის ინსტიტუტის საქართველოს ფილიალის ავტორიტეტული სახელი? ეს მით უფრო გაუგებარია, რომ ამ კოლექტივის ავტორობითა და თანაავტორობით გამოცემულ ზემოაღნიშნულ ნაშრომებში ი. ჩულოკისაგან განსხვავებული, სრულიად საპირისპირო დებულებებია მოცემული.

პარმენ ცაქვიტარია,


ისტორიის მეცნიერებათა დოქტორი,
პროფესორი.

აბელ სურგულაძე,

ისტორიის მეცნიერებათა კანდიდატი,
დოცენტი.

ზოთა ჯაფარიძე,

ისტორიის მეცნიერებათა კანდიდატი,
დოცენტი.



ზუკაბ კომახიძე

აჭარის სუბტროპიკული აგროულ-ინდუსტრიული კომპლექსის სამრეწველო დარგები

ზღვისპირა აჭარა არა მარტო კარგად განვითარებული სასოფლო-სამეურნეო წარმოებით გამოირჩევა, აქ საკმაოდ მაღალ დონეზეა მრეწველობაც, რომლის ჩასახვა და შემდგომი აღმავლობა მნიშვნელოვანწილად დაკავშირებულია სოფლის მეურნეობის სუბტროპიკულ დარგებთან. ისე როგორც მთლიანად საქართველოში, ზღვისპირა აჭარაშიც ერთ-ერთი კარგად განვითარებული ინდუსტრიული დარგია კვების მრეწველობა. სწორედ ეს დარგი გვევლინება პირველ რიგში აჭარის აგროულ-ინდუსტრიული კომპლექსის წარმომქმნელად და მის მნიშვნელოვან კომპონენტად. სუბტროპიკულ სასოფლო-სამეურნეო წარმოებასთან ასევე მჭიდრო კავშირშია ქიმიური მრეწველობა, რომელიც აჭარაში წარმოდგენილია კოფეინის და ტუნგის ზეთსახდელი ქარხნებით. აგროულ-სამრეწველო კომპლექსში საკმაოდ მნიშვნელოვანია აგრეთვე მანქანათმშენებლობისა და მსუბუქი მრეწველობის წილხვედრი, თუმცა ამ ორი დარგის საწარმოო-ეკონომიური კავშირები მიმართულია მეტწილად საკვლევი ტერიტორიის ფარგლებს გარეთ.

აჭარის მრეწველობის ერთ-ერთი დამახასიათებელი ნიშანია მისი მრავალდარგეობა. გარდა დასახელებული და-

რგებისა, ავტონომიური რესპუბლიკის ინდუსტრიულ კომპლექსში დიდი ადგილი უჭირავს ნავთობგადამამუშავებას, ხეტყის დამამუშავებას, აგრეთვე საშენი მასალებისა და საყოფაცხოვრებო დანიშნულების საგნების წარმოებას. საკმაოდ მრავალფეროვანია ისეთი სამრეწველო დარგების შიგასტრუქტურა, როგორიცაა მანქანათმშენებლობა, კვებისა და მსუბუქი მრეწველობა.

საკვლევი ტერიტორიის მრეწველობის მეორე საყურადღებო ნიშანია სამრეწველო საწარმოთა თავმოყრა უპირატესად ბათუმში. ერთადერთ გამონაკლისს ამ მხრივ შეადგენს კვების მრეწველობა, რომლის საწარმოთა მეტი ნაწილი დაკავშირებულია ადგილობრივ სანდღეულო ბაზასთან და გაფანტულია ზღვისპირა ზოლის დაბებსა და სოფლებში. ასეთი ნიშნით პირველ ყოვლისა გამოირჩევა ჩაის მრეწველობა. ჩაის მწვანე ფოთლის გადამამუშავების ტექნოლოგია განაპირობებს ფაბრიკების მაქსიმალურ მიახლოებას პლანტაციებთან, რათა თავიდან ავიცილოთ ნედლი ფოთლის შორ მანძილზე გადაზიდვა და მისი ხარისხის გაუარესება.

სუბტროპიკულ კომპლექსში შემავალ მრეწველობის ყველა დარგს შორის პროდუქციის მოცულობით პირველ ადგილ-

ზეა კვების მრეწველობა, ხოლო ამ დარგში — ჩაის პირველი გადამუშავება.

ჩვენი განხილვის საგანია აჭარის სუბტროპიკული კომპლექსის სამრეწველო დარგები, რომლებიც შემდეგი სახით წარმოგვიდგება: ჩაის მრეწველობა, კოფეინის წარმოება, ციტრუსოვანთა გადამუშავება, ტუნგის ზეთსახდელი ქარხანა, ბათუმის მანქანათმშენებელი ქარხანა და საავეჯო ბამბუქის ფაბრიკა.

რამდენადაც აჭარის სუბტროპიკულ კომპლექსში ჩაის მრეწველობას დიდი ადგილი უკავია, პირველ რიგში ამ დარგს განვიხილავთ.

* * *

საბჭოთა ხელისუფლების დამყარებამდე საქართველოში ჩაის მრეწველობა სუსტად იყო განვითარებული. კერძოდ, აჭარაში მოქმედებდა მცირე წარმადობის მხოლოდ ორი საწარმო — სალიბაურისა და ჩაქვის ჩაის ფაბრიკები, რომლებიც ინგლისური მანქანა-იარაღებით იყო აღჭურვილი.

პირველი ხუთწლედის დასაწყისიდან ჩაის ფართობების სწრაფ ზრდასთან ერთად დღის წესრიგში დადგა ჩაის ფაბრიკების მშენებლობის, მათი სამამულო წარმოების მანქანა-დანადგარებით აღჭურვის საკითხი. საჭირო იყო აგრეთვე ამ დარგის კვალიფიციური კადრების მომზადება. უდიდესი მნიშვნელობა ჰქონდა იმ ფაქტს, რომ საქართველოში აღიზარდნენ სპეციალისტები, რომლებმაც შეამუშავეს და წარმოებაში დანერგეს შავი და მწვანე ბიხაოს ჩაის დამუშავების ახალი ტექნოლოგია, ხელი შეუწუვეს წარმოების კომპლექსურ მექანიზაციას.

ბათუმის მანქანათმშენებელი ქარხანა აღჭურვილია მოწინავე ტექნიკით და ამზადებს მანქანა-დანადგარებს ჩაის ფაბრიკებისათვის. დღეისათვის საქართველოში არსებული 77 ჩაის პირველადი გადამუშავების და ორი ჩაის საწნეხი ფაბრიკა აღჭურვილია ძირითადად ქართველი სპეციალისტების მიერ შექმნილი მანქანებით

ჩაის ფაბრიკების ინტენსიური მშენებლობა რესპუბლიკაში დაიწყო სამამულო და გაგრძელდა სამამულო ომის შემდეგ გამ პერიოდში.

აჭარის ჩაის მრეწველობის ისტორია პირობითად შეიძლება დაეყოთ სამ პერიოდად.

პირველი პერიოდი იწყება გასული საუკუნის მიწურულსა და გრძელდება 1927 წლამდე. ამ პერიოდში მუშაობდა ორი ფაბრიკა, რომლებიც ამჟამად რეკონსტრუირებული და გაფართოებულია. მეორე პერიოდი იწყება 1927 წლიდან, როდესაც აშენდა პირველი საბჭოური ფაბრიკა ბობოყვათში, და გრძელდება დიდი სამამულო ომის დაწყებამდე. ამ წლებში აშენდა ჩაის ხუთი ფაბრიკა. მესამე პერიოდი მოიცავს 1941-1970 წლებს. ამ პერიოდში ამოქმედდა შვიდი მძლავრი ფაბრიკა.

ჩაის მრეწველობის ხვედრითი წონა აჭარის კვების მრეწველობაში შეადგენს 60 პროცენტზე მეტს. ჩაის გადამუშავება ავტონომიური რესპუბლიკის კვების მრეწველობის სპეციალიზებული დარგია.

1971 წლის დამდეგს აჭარის ტერიტორიაზე 14 ჩაის ფაბრიკა მოქმედებდა (მათ შორის ერთი ჩაის საწნეხი), რომლებიც ადმინისტრაციული რაიონების მიხედვით შემდეგნაირად ნაწილდება: კობულეთის რაიონში — 9, ხელვაჩაურის რაიონში — 4, ქედის რაიონში — 1.

ამ დროისათვის საქართველოში გვექონდა 79 ჩაის ფაბრიკა (მათ შორის ორი ჩაის საწნეხი). ისინი ეკონომიური რაიონების მიხედვით ასე ნაწილდება: გურიის-სამეგრელოს ეკონომიურ რაიონში — 44, აფხაზეთის ასსრ — 12, აჭარის ასსრ — 14 და იმერეთის ეკონომიურ რაიონში — 9

როგორც ვხედავთ, ფაბრიკების რაოდენობით აფხაზეთი ჩამორჩება აჭარას, სამაგიეროდ აფხაზეთის ფაბრიკების საშუალო წარმადობა უფრო მაღალია. ასე, მაგალითად, 1970 წელს აჭარის თითოეულმა ფაბრიკამ საშუალოდ გამოუშვა 750 ტონა მზა ჩაი, ხოლო აფხაზეთისამ — 995 ტონა, რაც დაახლოებით 32 პროცენ-

ტით აღმატება აჭარის მაჩვენებელს.

ჩაის ფართობით, საწარმოთა რაოდენობით და პროდუქციით საქართველოში პირველ ადგილზეა გურია-სამეგრელოს ეკონომიური რაიონი. იგი იძლევა გაცილებით მეტ პროდუქციას, ვიდრე ერთად აღებულ დანარჩენი სამი ეკონომიური რაიონი. აქვე უნდა აღინიშნოს, რომ ჩაის ფართობები ღრმად არის შექრული კოლხეთის ვაკე-დაბლობის მოსაზღვრე გორაკ-ბორცვიან ზონაში. აჭარაში კი ჩაი გავრცელებულია მხოლოდ ზღვისპირა ზონაში. ეს იძიეთ აიხსნება, რომ აჭარაში მთები ძვესიძალურად უახლოვდებიან ზღვის ნაპირს და სუბტროპიკული კულტურისათვის ვარგისი მიწები ერთობ ვიწრო ზოლის სახითაა წარმოდგენილი. ფართობების სიძვირის საქმოდ დიდ კომპენსაციას იძლევა მსოფლიოში ყველაზე მაღალი საშუალო საპექტარო მოსავლიანობა.

სწრაფად იზრდებოდა ჩაის მზა პროდუქციის გამოშვება აჭარაში უკანასკნელი 25 წლის მანძილზე. ამ პერიოდში ჩაის ფართობები აქ დაახლოებით 45 პროცენტით გადიდა, მზა ბაიხაოს ჩაის პროდუქცია კი თითქმის ოთხჯერ გაიზარდა და 1970 წელს შეადგინა 5,51 ტონა, გარდა ამისა, 1970 წელს აჭარის ჩაის ბრუნველობამ გამოუშვა 3,200 ტონა მწვანე აგურა ჩაი.

აჭარაში ჩაის მზა პროდუქციის უდიდეს საწარმს იძლევა ქობულეთის რაიონი. აქ ჩაის ფართობებიც უფრო მეტია და საშუალო საპექტარო მოსავალიც აგრძნობად მაღალია. თუ ამას დაუმატებთ იმ ფაქტს, რომ აჭარის 14 ჩაის ფაბრიკიდან 9 ქობულეთის რაიონშია, ბაშინ გასაგებია განსწავლა ქობულეთის რაიონის წამყვანი როლი ჩაის ბრუნველობაში. 1970 წელს ქობულეთის რაიონზე მოდიოდა მთელი მიღებული ბაიხაო ჩაის 69,4 პროცენტი, ხელვაჩაურზე — 29,1 და ქედაზე — 1,5 პროცენტი.

იმასთან დაკავშირებით, რომ მომავალში ქედის რაიონში რამდენადმე გაიზრდება ჩაის ფართობები და საპექტარო მო-

სავალი, მოსალოდნელია ზღვისპირა ზონის ხვედრითი წონის რამდენადმე შემცირება ჩაის საერთო მოსავალში. აჭარის ჩაის ფაბრიკები ძირითადად ამზადებენ შავი და მწვანე ბაიხაოს ჩაის (ცხრა სხვადასხვა ხარისხისას), მწვანე აგურა ჩაის და საყოფიერე მასალას. მაგრამ, აქაც არსებობს გარკვეული სპეციალიზაცია. ასე, მაგალითად, ჭაქვის №2 ბობოყვათისა და ხუტუბის ჩაის ფაბრიკები ამზადებენ მხოლოდ მწვანე ბაიხაოს ჩაის, სალიბაურისა და ქედის ჩაის ფაბრიკები კი შავი ბაიხაოს ჩაის. მაგრამ ქარხნების ჩუტა წილი ამზადებს როგორც შავ, ისე მწვანე ბაიხაოს ჩაის.

გამოშვებული ჩაის პროდუქცია ხარისხების მიხედვით: 1969 წელს აჭარაში დამზადდა „საქართველოს თაიგული“ 7,7 ტონა (ეს საქართველოს ასეთივე პროდუქციის 42 პროცენტს შეადგენს), უმადლესი ხარისხის — 2267,3 ტონა (17 პროცენტი). პირველი ხარისხის — 3712,7 ტონა (17,2 პროცენტი), მეორე ხარისხის — 2834,3 ტონა (14,4 პროცენტი), ხოლო მესამე ხარისხისა — 9,9 ტონა (3 პროცენტი). როგორც ვხედავთ, აჭარის ხვედრითი წონა გაცილებით მეტია მაღალხარისხიანი პროდუქციის გამოშვებაში, ვიდრე საშუალოდ მთელ გამოშვებულ პროდუქციაში.

აჭარის ჩაის მრეწველობის საწარმოები მეტ-ნაკლებად თანაბრად არიან განლაგებული ზღვისპირა ზოლში და მხოლოდ ერთი ფაბრიკა (ქედის) მდებარეობს შიგა აჭარაში. ეს ფაბრიკები თითქმის მთლიანად ბათუმის მანქანათმშენებელ ქარხანაში დამზადებული მოწყობილობით არის აღჭურვილი. ძირითადი ტექნოლოგიური პროცესები მექანიზებულია, რაც აპირობებს შრომის მაღალ ნაყოფიერებას. მრეწველობის ამ დარგის თავისებურება იმაში მდგომარეობს, რომ იგი უშუალოდაა დაკავშირებული ჩაის ბუჩქის ვეგეტაციისთან და მოქმედებს სეზონურად. ფაბრიკები ჩაის გადამუშავებას აწარმოებენ მხოლოდ აპრილიდან ოქტომბრამდე, რაც ერთობ აუარესებს საწარმოთა ეკონომიურ მაჩვენებლებს.

თავისი ტექნიკური აღჭურვილობით და სიმძლავრით აჭარის ჩაის ფაბრიკები ბევრად არ განსხვავდება ერთმანეთისაგან. სხვაობა მათ მიერ გამოშვებული პროდუქციის ოდენობაში ძირითადად ვაპირობებულთა ჩაის მწვანე ფოთლის მონაგლის თითოეული ფაბრიკის მომსახურების ზონაში. რაც შეეხება ქედის ჩაის ფაბრიკას, იგი სრულიად ახალგაზრდა საწარმოა და მისი მომსახურების ზონაში ჯერჯერობით ჩაის მცირე ფართობებია, თანაც პლანტაციების დიდი ნაწილი არ არის სრულმოსავლიანი.

გარდა ხარისხოვანი ჩაისა, თითოეული ფაბრიკა ამზადებს კოფეინის მასალას. მწვანე და შავი ბაიხაოს ჩაი ეგზავნებათ ჩაის გადამწონ ფაბრიკებს — თბილისში, ოდესში, მოსკოვში, ვლადივოსტოკში, სამარყანდში, ირკუტსკში, ბაქოში და სხვ. მწვანე ჩაი ეგზავნება ძირითადად სამარყანდის ფაბრიკას, რადგან ეს პროდუქცია უმთავრესად შუა აზიის რესპუბლიკებში მოიხმარება. იქ ასევე იგზავნება მწვანე აგურა ჩაის უმეტესი ნაწილი უმცირესი კი დაღესტანში, სტავროპოლის მხარეში, აგრეთვე მონღოლეთის სახალხო რესპუბლიკაში. მწვანე აგურა ჩაი მზადდება ჩაის უხეში ფოთლებისა და ბუჩქების განასხლავი მასალისაგან. ჩაქვის ჩაის საწნეხი ქარხანა მრეწველობის ამ დარგის ერთ-ერთი უძველესი საწარმოა საქართველოში.. ადრე ის ხარისხოვან ჩაის უშვებდა, 1937 წელს განხორციელებული რეკონსტრუქციის შემდეგ კი გადავიდა მწვანე აგურა ჩაის დამზადებაზე.

გარდა საქართველოს და საბჭოთა კავშირის მთელი რიგი რაიონებისა, ხარისხოვანი ჩაი აჭარიდან იგზავნება საზღვარგარეთის ქვეყნებში, მათ შორის პოლონეთში, მაროკოში, მონღოლეთის სახალხო რესპუბლიკაში, გერმანიის დემოკრატიულ რესპუბლიკაში.

აჭარის ჩაის მრეწველობამ აითვისა ერთი და იგივე ნედლეულისაგან შავი და მწვანე ჩაის კომბინირებული წარმოება. ეს შესაძლებელი გახდა ჩაის საღობი-საფიქსაციო ავრევატის შექმნით.

ახლა საქირო აღარ არის ცალკე აგლებული ჩაის თითოეული სახეობისათვის. პრობლემის გადაჭრას დიდი ეკონომიური მნიშვნელობა აქვს. აქვე უნდა აღინიშნოს, რომ შავი და მწვანე ჩაის კომბინირებულ წარმოებას არ ვხვდებით მსოფლიოს არცერთ მეჩაიე ქვეყანაში. გარდა ამისა, აჭარის ჩაის ფაბრიკებში დანერგილია გრეხვის ახალი ტექნოლოგია, რამაც მნიშვნელოვნად გააძლია ჩაის ფაბრიკების წარმადობა. როგორც მთლიანად საქართველოს, ასევე აჭარის ჩაის მრეწველობაში სისტემატურად უმჯობესდება ჩაის გადამუშავების ტექნოლოგია, ინერგება ახალი ტიპის მანქანა-დანადგარები და იზრდება წარმოების ეკონომიური ეფექტიანობა.

ზღვისპირა აჭარის მთელ რიგ პუნქტებში ჩაის ფაბრიკების აშენებამ შექმნა მრეწველობის მნიშვნელოვანი კერები, რომლებიც ერთდროულად მოსახლეობის ინდუსტრიულ შრომაში ჩაბმას და წარმოების მაღალი კულტურის დანერგვას უწყობენ ხელს. მრეწველობის ამ დარგის განვითარებამ გამოიწვია აგრეთვე მომსახურე დარგების ჩასახვა და გაძლიერება, კერძოდ, სამეცნიერო-დაწესებულებების, ვაჭრობის, კომუნალური და სატრანსპორტო მეურნეობის შექმნა, რის შედეგადაც გაფართოვდა შრომის გამოყენების სფერო და მნიშვნელოვანი პროგრესი დაისახა სოციალურ-ეკონომიურ ცხოვრების ყველა დარგში.

* * *

კვების მრეწველობის დარგებიდან ჩაის ფაბრიკების შემდეგ, სუბტროპიკულ აგარაულ-ინდუსტრიულ კომპლექსში მნიშვნელოვან როლს ასრულებს ციტრუსების გადამამუშავებელი მრეწველობა. ამ დარგის მნიშვნელოვანი საწარმოებია ციტრუსების საფუთავი ქარხნები. მათი შექმნა აჭარაში დაიწყო 1931-1935 წლებში და ახლა 13 ასეთი საწარმო ითვლება.

თანამედროვე შემფუთავი ქარხნების უპირატესობა ის არის, რომ ისინი მექა-

ნიზებულად ახარისხებენ და ფუთავენ მიღებულ პროდუქციას. ქარხნებში დადგმულია დამყალიბებელი მანქანები, ტრანსპორტორები, ამწეები და სხე.

შეფუთვა-გავზავნის მექანიზაციის შედეგად დიდად შემცირდა ამ სამუშაოებზე დასაქმებული მუშახელის რაოდენობა, ამასთან მკვეთრად გაიზარდა პროდუქციის გამოშვება. ასე, მაგალითად ქობულეთის № 1 შემფუთავ ქარხანაში თუ 1961-1962 წლების დამზადების პერიოდში მუშა-მოსამსახურეთა რაოდენობა 350-360 კაცს აღწევდა, 1968 წელს ეს რიცხვი 150-დე შემცირდა, ხოლო 1969 წელს — 130-მდე. მსგავსი მდგომარეობაა სხვა ქარხნებშიც.

შემფუთავი ქარხნები, გარდა ციტრუსოვანებისა, გადაამუშავებენ სუბტროპიკულ ხურმას, თესლოვან და კურკოვან ხილს, რაც მნიშვნელოვნად ახანგრძლივებს ამ სეზონური საწარმოების მუშაობის პერიოდს და დადებითად მოქმედებს მათ ეკონომიურ მაჩვენებლებზე.

ციტრუსოვნებისა და კონტინენტური მეხილეობის ბაზაზე 1939 წელს ბათუმში აშენდა საბჭოთა კავშირში პირველი ციტრუსკომბინატი, რომელიც აწარმოებს ციტრუსოვანთა ყველა სახის ნაყოფის, აგრეთვე მსხლის, ვაშლის, ტყემლის, ქლიავის, ლეღვის, კომშისა და სუბტროპიკული ხურმის გადამამუშავებას. ციტრუსკომბინატი ნედლეულს გადასამუშავებლად ღებულობს როგორც აჭარის, ისე მახარაძის, ჩოხატაურისა და ლანჩხუთის რაიონებიდან.

ციტრუსკომბინატში მზადდება შექადვი სახის პროდუქცია: ხილის მურაბა, ჯემი, პოვიდლო, კომპოტები, ხილის წვენი, ციტრუსის ცუკატი, პიურე. ამ უკანასკნელს ფართოდ იყენებენ საშაქარლამო მრეწველობაში.

1968 წლიდან კომბინატმა აითვისა ლიმონის, მანდარინისა და ფორთოხლის ნაყენის გამოშვების ტექნოლოგია, ახლა ამ პროდუქციას იყენებენ ლიქიორისა და არყის დასამზადებლად. 1969 წელს ათვისისგან ხილის ვიტამინიზებულზე (უშაქრო) წვენების წარმოება.

ციტრუსკომბინატის პროდუქტების რამდენიმე მდიდარია ძვირფასი ვიტამინებით, დიდი რაოდენობით იგუჯერებულია საბჭოთა კავშირში. იგი გამსჭვალული მოწონებით სარგებლობს შორეულ აღმოსავლეთსა და ჩრდილოეთში, სადაც ხეხილი ნაკლებადაა. კომბინატმა 1940-1970 წლებში მზა პროდუქციის გამოშვება 2113 ათასი პირობითი ქილიდან 8300 ათას პირობით ქილამდე გაზარდა.

კომბინატში მაქსიმალურად იყენებენ წარმოების ნარჩენებს საშაქარლამო მრეწველობისათვის საჭირო ნახევარფაბრიკატების დასამზადებლად.

ციტრუსკომბინატიც სეზონურად მოქმედს საწარმოა. იგი ძირითადად დაუტვირთავია წლის მეორე კვარტალში. ამ საწარმოს შემდგომი ვაფართოების კარგი პერსპექტივებია. მიზანშეწონილია მისი სპეციალიზაცია ხილისა და ციტრუსების ნატურალური წვენების გამოშვებაზე. ეს გამართლებული იქნება იმ მხრივაც, რომ კომბინატი ამ შემთხვევაში მთლიანად გამოიყენებს წარმოების ნარჩენებს და მნიშვნელოვნად შეამცირებს წვენების თვითღირებულებას.

1938 წელს ამუშავდა ქობულეთის საკონსერვო ქარხანა, რომლის ძირითადი ნედლეულია ციტრუსოვნები, სუბტროპიკული ხურმა, კურკოვანი და თესლოვანი ხილი, აგრეთვე ბოსტნეულის ზოგერთი სახეობა. მისი უმთავრესი პროდუქციაა ხილის კონსერვები და დაღუღებული წვენები.

ქარხანა ნედლეულს ღებულობს აჭარისა და იმერეთის რაიონებიდან.

ქარხნის პროდუქცია ძირითადად იგზავნება რუსეთსა და უკრაინაში. ამ საწარმოშიც მუშაობა სეზონურია. პერსპექტიულ პერიოდში გეგმით გათვალისწინებულია ქარხანამ გამოეშვას ახალი სახის პროდუქცია — ხილკერკოვანთა ღვინო, ციტრუსოვანთა ნაყენი, ხილის პიურე და სხვა.

ბუენარის ხილის ღვინოებისა და ციტრუსოვანთა ნაყენების ქარხანა საქსპლოატაციოდ გადაეცა 1935 წელს. იგი აშენდა ბამბუკის ქარხნის ბაზაზე. ეს ქა-

რჩანა 1940 წელს გადაკეთდა ეთერზე-
თების საწარმოდ და მუშაობდა 1955
წლამდე, შემდეგ კი ამზადებდა ციტრუ-
სოვანთა ნაყენს. 1960 წლიდან საწარმოს
რეკონსტრუქციის შემდეგ დაიწყო გამა-
გრებული ხილის ღვინოების დამზადება
და ციტრუსოვანთა წველების წარმოება.

ქარხნის ტექნოლოგიური და ეკონომი-
ური მაჩვენებლები განსაკუთრებით გაუ-
მჯობესდა 1967-1970 წლებში. ამ სამი
წლის მანძილზე საწარმომ დაამზადა
5670 ტონა ღვინო, 4434 ტონა ნაყენი,
4200 ტონა წვენი ღვინისათვის. ეს პრო-
დუქცია იგზავნება ჩვენი ქვეყნის სხვა-
დასხვა ქალაქებში.

* * *

ზღვისპირა აჭარის სუბტროპიკული
აგრორულ-ინდუსტრიული კომპლექსის
დახანაოებისას ყურადღებას იქცევს ერ-
თი გადამოება. ჩვეულებრივ, საწარმო-
ეკონომიური კავშირი სოფლის მეურნე-
ობასა და ქიმიურ მრეწველობას შორის
იმპოში გამოიხატება, რომ სასოფლო-სა-
მეურნეო წარმოება დიდი რაოდენობით
მოიხმარს ქიმიური ქარხნების ისეთ მა-
სიურ პროდუქციას, როგორცაა მინე-
რალური სასუქები და სხვადასხვა სახის
შხამქიმიკატები. ასეთ პროდუქციას აჭა-
რის სოფლის მეურნეობაც ღებულობს
ავტონომიური რესპუბლიკის ფარგლებს
გარედან. მაგრამ, რაც შეეხება თვით ეკ-
ონომიური რაიონის შიგნით დამყარებულ
საწარმო-ეკონომიურ კავშირს, ამ მხრივ
აქ თავისებურად შებრუნებული მდგო-
მარეობაა: აჭარის სოფლის მეურნეობის
სანედლეულო ბაზაზე შეიქმნა საკმაოდ
განვითარებული ქიმიური მრეწველობა,
რომლის მნიშვნელობა სცილდება ავტო-
ნომიური რესპუბლიკის ფარგლებს. ესაა
ფარმაკეპტული და ტუნჯის ზეთის წა-
რმოება, რომელიც ძირითადად ადგილ-
ობრივ ნედლეულს მოიხმარს და აგრა-
რულ-ინდუსტრიული კომპლექსის მეტად
საყურადღებო უკომპონენტს შეადგენს.

ჩაის მრეწველობა დიდი რაოდენობით
ტოვებდა გამოუყენებელ ნარჩენებს. 1935
წლის დეკემბერში ბათუმის სამღებრო

არტელის ბაზაზე შეიქმნა საბჭოთა კავ-
შირში და ევროპაში პირველი და დიდი-
დე ერთადერთი კოფეინის ქარხანა. კო-
ფეინის წარმოება თავდაპირველად მხოლოდ
ბოლა აკადემიკოს ი. ქუთათელაძის
ქარხნის სპეციალისტების მიერ დამუშა-
ვებული ტექნოლოგიით. 1953 წლამდე
ქარხანა უშვებდა მხოლოდ კოფეინს, შე-
მდეგ კი დაიწყო თეალბინისა და სხვა
ძვირფასი პრეპარატების გამოშვება.

კოფეინზე დიდი მოთხოვნილების გა-
მო 1952 წლიდან დაიწყო ქარხნის რეკო-
ნსტრუქცია და გაფართოება, რის შედე-
გადაც იგი გადაიქცა თანამედროვე ტექ-
ნიკით შეიარაღებულ მსხვილ ფარმაკეპ-
ტულ საწარმოდ. ათვისებულ იქნა ისეთი
პრეპარატები, როგორცაა კელინი ფხვნი-
ლად, პლატიფილინი, ალოეს წვენი, ალ-
ოეს ემულსია. 1962 წელს ქარხანა უკვე
16 სახის პროდუქციას უშვებდა, ხოლო
1969 წელს ოცდაოთხს.

ქარხანა ჩაის ქარხნებისა და პლანტა-
ციების ნარჩენების გარდა იყენებს სამ-
კურხანლო მცენარეებს, რომლებსაც ღე-
ბულობს არა მარტო ქობულეთის სამკუ-
რხანლო მცენარეების საბჭოთა მეურნეო-
ბიდან, არამედ მოლდავეთიდან (საბჭოთა
მეურნეობა „პობედა“), ხმელნიკის ოლ-
ქიდან (ორჯონიკიძის სახ. საბჭოთა მე-
ურნეობა), ყირიმიდან, კრასნოდარიდან,
ვორონეჟიდან.

კოფეინის ქარხნის პროდუქციის მო-
მხმარებელია მთელი ჩვენი ქვეყანა. გა-
რდა ამისა, 1968-1969 წლებში ეს
პროდუქცია გაიგზავნა ერაყში, მონღო-
ლეთში, პოლონეთში, კორეის სახალხო
დემოკრატიულ რესპუბლიკაში, ვიეტნამ-
ში, იემენსა და ავსტრიაში.

1970 წელს კოფეინის ქარხნის პრო-
დუქციის საერთო ღირებულება შეადგენ-
და 6586 ათას მანეთს.

კოფეინის ქარხანაში ჩაის ნარჩენების
გადამუშავების შემდეგ რჩება დიდძალი
ჩაის ნახარში მასა, რაც საუკეთესო მიკ-
როსასუქია და მთლიანად იგზავნება ჩაი-
სა და ციტრუსების პლანტაციებში.

ბათუმის კოფეინის ქარხანა აჭარის
ერთ-ერთი დიდი საწარმოა. ამაზე ისიც

ნაწარმისა და ავეჯის ხვედრითი წონა მთლიან პროდუქტიაში თითქმის გათანაბრებულა.

ფაბრიკის ბამბუკის ნედლეულით ძირითადად ამარაგებს აჭარის ასსრ, აგრეთვე აფხაზეთის ასსრ, ლანჩხუთის, მახაჩკალის, ლაგოდეხის და თელავის რაიონები.

* * *

აჭარის სუბტროპიკული მეურნეობის კომპლექსში მანქანათმშენებლობას მნიშვნელოვანი როლი აქვს, ის ხელს უწყობს ამ კომპლექსში შემაჯავებლების მრეწველობის, პირველ რიგში ჩაის მრეწველობის განვითარებას, ასეთი საწარმო ბათუმის მანქანათმშენებელი ქარხანა, მის პროდუქტიაზე სუბტროპიკული მეურნეობა დიდ მოთხოვნებს აყენებს, და ამასთან დაკავშირებით ქარხნის სიმძლავრე თანდათან იზრდება.

ბათუმის მანქანათმშენებელი ქარხანა 1936 წელს ჩაღვა მწყობრში, იგი თავდაპირველად ღვინისა და საკონსერვო მრეწველობისათვის საჭირო მოწყობილობას უშვებდა, ხოლო შემდეგ დაეკისრა ჩაის მრეწველობის მანქანა-დახადვარების წარმოება; რაც ამჟამად ქარხნის ძირითად პროდუქტს წარმოადგენს. მისი პროდუქტია საქართველოა რესპუბლიკის ფარგლებს გარეთაც დიდი რაოდენობით იგზავნება.

ინტერესს მოკლებული არ იქნება მოკლედ გავცნოთ, რა მდგომარეობაა ტექნიკის განვითარების მხრივ მსოფლიოს ჩაის მწარმოებელ ქვეყნებში. დაახლოებით ასი წლის წინათ ამ ქვეყნებში ჩაის ამზადებდნენ პრიმიტიული წესით. ჩაის მრეწველობაში ტექნიკური პროგრესი გასული საუკუნის მეორე ნახევარში იწყება. 1870 წელს დაიწერა დანადგარი როლერი — ჩაის პირველი მანქანა. 1890 წელს დაიდგა ღუმელები. ამას მოჰყვა დამხარისხებელი მანქანები და სხვ. 1900 წელს ინდოეთში დაიწერა ჩაის საშრობი (საღნობი) მანქანა, ხოლო 1904 წელს ჩაის პლანტაციებში გამოჩნდა ნიადაგის დასამუშავებელი მანქანა — მო-

ტოკულტივატორი, 1906 წელს — ჩაის საჭრელი მანქანა.¹

ჩაის მანქანების დანერგვა ექვეყნებში ეწეოდნენ ინდოეთსა და ინდოეთში, ჩაის კულტურის ამ კლასიკურ ქვეყნებში. მაგრამ ჩაის მანქანათმშენებლობა ვითარდებოდა სხვა ქვეყნებში — ინგლისში, შვეიცარიაში, ჰოლანდიაში, გერმანიაში. ყველაზე მეტი დამსახურება ამ მიმართულებით მაინც ინგლისს მიუძღვის.

საბჭოთა ხელისუფლების დამყარებამდე საქართველოში ჩაის მანქანათმშენებელი მრეწველობა არ არსებობდა. სალიბერლის, ჩაქვისა და ოზურგეთის მცირე წარმადობის ფაბრიკებში დადგმული იყო ინგლისური მარკის მოწყობილობა.

ქართულ ჩაიზე მოთხოვნილობის გადიდებასა და ჩაის პლანტაციების ფართობის ზრდასთან დაკავშირებით დღის წესრიგში დადგა ჩაის სამუშაოთა ექსპანიზაცია. ეს ჯერ კიდევ მაშინ იყო, როცა არ გაგვიჩნდა საკუთარი მანქანათმშენებლობა. ამიტომ საბჭოთა მთავრობა იძულებული იყო პირველ ხანებში ჩაის მრეწველობისათვის საჭირო მანქანა-დანადგარები საზღვარგარეთის ქვეყნებიდან, კერძოდ, ინგლისიდან შემოეტანა.

ადვილი წარმოსადგენია, რამდენად ძვირი ჯდება და ასეთ მოწყობილობაში იმპორტი, მით უმეტეს თუ ვაითვალისწინებთ იმასაც, რომ ცოტა ტექნიკა როდი იყო შესაქენი. ასე, მაგალითად, პირველ ხუთწლეულში შემოტანილ იქნა 118 ათასი მანეთის ტექნოლოგიური მოწყობილობა, აქედან 1931 წელს — 360 ათასი მანეთისა. ყველაფერი ეს ოქროთი ნაზღაურდებოდა. ამიტომ საბჭოთა ხელისუფლებამ დააჩქარა მნიშვნელოვანი ნაბიჯი გადაეღვა ამ მიმართულებით.

1926 წელს საზოგადოებამ „საქართველოს ჩაი“ სოფ. მიქელგაბრიელისა (ამჟამად სოფ. შრომა) და აცანის ჩაის ფაბრიკებში დადგა ა. სამარინის კონსტრუქციის როლერები, რომლებიც დაამზადა

1 ვრ. ქარჩავა, საქართველოს ჩაის მრეწველობის მეცნიერულ-ტექნიკური ბაზის განვითარება, თბილისი, 1967.

თბილისის 26 კომისიის სახელობის მანქანათმშენებელმა ქარხანამ. ეს იყო სამამულლო წარმოების პირველი ჩაის მანქანა.

ცხადია, პირველი გამოშვებული მანქანის კონსტრუქცია მთლიანად ვერ პასუხობდა მასზე დაკისრებულ ამოცანას, ამიტომ საჭირო გახდა რესპუბლიკის გიოერტი, ან რამდენიმე საწარმოს სპეციალისტთა. ასეთი ამოცანა დაეკისრა თბილისის ორჯონიკიძის სახელობის მანქანათმშენებელ ქარხანას, რომელმაც 1925-1929 წლებიდან დაიწყო ჩაის მრეწველობისათვის საჭირო მოწყობილობის წარმოება. ქარხანა უშვებდა როლერებსა (და ზოგიერთ სხვა სახის მანქანებს. ჩაის ქარხნის მოწყობილობათა წარმოება დაიწყეს აგრეთვე თბილისის კალინინის სახელობის და ბათუმის მანქანათმშენებელმა ქარხნებმა. ამ უკანასკნელის საწარმოო სპეციალიზაცია შეიმდგომში წწორედ ამ გზით წარიმართა. მაგრამ ბათუმის მანქანათმშენებელი ქარხანა ჯერ კიდევ არ იყო ამისათვის მომზადებული. იგი ბათუმში 1885 წლიდან არსებული თუჯის სამსხმელ-მექანიკური ქარხნის ბაზაზე შეიქმნა და ამდენად ტექნიკურად ჩამორჩებოდა. დაიწყო ახალი მანქანათმშენებელი ქარხნის აგება. იგი დამთავრდა 1935 წელს და მალე გაითქვა სახელი.

ახლა ეს ქარხანა აშხადებს ჩაის საშრობ ღუმელებს, ღია ტიპის როლერებს. ჩაის საშრობ კალორიფერებს, მწვანე ჩაის დამზარისხებლებს, ჩაის საგრებ მანქანებს, რომლებიც იგზავნება საქართველოსა და აზერბაიჯანის ჩაის ფაბრიკებსა და ყაზახეთის ჩაის გადამწონ ფაბრიკაში. გარდა ამისა, უცხოეთში იგზავნება ჩაის პირველადი გადამუშავებისათვის საჭირო მანქანა-დანადგარების მთელი კომპლექსი.

უკანასკნელ წლებში საქესპორტოდ გათვალისწინებული ჩაის მოწყობილობათა ხვედრითი წონა საერთო პროდუქციაში აღწევს 45 პროცენტს.

ბათუმის მანქანათმშენებელი ქარხნის პროდუქცია მარტო ჩაის მრეწველობისათვის საჭირო ტექნოლოგიური მოწყობილობის წარმოებით არ განისაზღვრება, აქ

მზადდება მოწყობილობა ციტრუსოვანი შემფუთავი ქარხნებისათვის და კვერის მრეწველობის სხვა საწარმოებშიც. ბათუმის მანქანათმშენებელ ქარხანაში

პროდუქცია მრავალფეროვანია, მაგრამ მისი ძირითადი დანიშნულება მაინც საქართველოს ჩაის მრეწველობისათვის მატერიალურ-ტექნიკური ბაზის შექმნაა. ამ საწარმოსთან კოოპერირებაშია სამტრედიის მექანიკური ქარხანა, ზუგდიდისა და მახარაძის მექანიკური სახელოსნოები, რომელთა ამოცანაა ჩაის მრეწველობის სისტემისათვის სათადარიგო ნაწილების წარმოება, დანადგარების მონტაჟი და რემონტი. მათ შორის ყველაზე მნიშვნელოვანია სამტრედიის მექანიკური ქარხანა, რომელიც ჩაის ფაბრიკების ტექნიკურ მოწყობილობათა მონტაჟს აკეთებს.

ჩაის მანქანათმშენებლობის განვითარებაში დიდ როლს ასრულებს სპეციალური საკონსტრუქტორო ბიურო, რომელიც შეიქმნა 1954 წელს. მისი მთავარი ამოცანაა არსებული მანქანების კონსტრუქციული გაუმჯობესება და ახალი მანქანების შექმნა.

ქართველი სპეციალისტების მიერ შექმნილი ტექნიკითაა ახლა აღჭურვილი ჩაის თითქმის ყველა ახალი ფაბრიკა. ეს მოწყობილობა ეგზავნება მსოფლიოს სხვა ქვეყნებსაც, მათ შორის ვიეტნამის დემოკრატიულ რესპუბლიკას.

აჭარის მრეწველობის განხილულ დარგებს გარდა ავტონომიური რესპუბლიკის სამრეწველო წარმოებაში დიდი ადგილი უკავია სათბობ მრეწველობას (ნავთობგადამუშავება), ელექტროტექნიკურ და სატრანსპორტო მანქანათმშენებლობას, მსუბუქ მრეწველობას, აგრეთვე თამბაქოს, ხორცის, რძის, საკონდიტრო მრეწველობას, მაგრამ ჩვენ აქ არ ვიხილავთ ამ დარგებს, რადგან ისინი არ შეადგენენ სუბტროპიკული მეურნეობის კომპლექსის უმუშალო კომპონენტებს. მართალია, ამ დარგთა საწარმოებს ამა თუ იმ სახით დამყარებული აქვთ საწარმოო-ეკონომიკური კავშირი სოფლის მეურნეობასთან და ზოგ შემთხვევაში თვით სუბტრო-

ბიკულ დარგებთან, მაგრამ ასეთი კავშირი არ ატარებს რაიმე სპეციფიკურ ნიშნებს და საერთოდ დარგთა შორის არსებულ ზოგად სამეურნეო კავშირთა ერთობის ფაგვლებს არ სცილდება. უფრო ზუსტად რომ ვთქვათ, მათი ჩასახვა და განვითარება აჭარაში არ ყოფილა განპირობებული სუბტროპიკული მეურნეობის წარმოქმნითა და აღმავლობით. ზოგიერთი მათგანი, მაგალითად, თამბაქოს, ხორცისა და რძის მრეწველობა დაკავშირებულია სოფლის მეურნეობის არასუბტროპიკულ დარგებთან და უპირატესად ადგილობრივი მოსახლეობის სასურსათო კომარაგებას ემსახურება. ზოგიერთი კი მხოლოდ ზოგად სამეურნეო კავშირშია სუბტროპიკულ მეურნეობასთან. ცხადია, ასეთი კავშირები საკმარისი არ იყო ამ დარგების სუბტროპიკული მეურნეობის კომპლექსში შესატანად.

აჭარის სუბტროპიკული აგარაულ-ინდუსტრიული კომპლექსის სამრეწველო დარგების განხილვას შემდეგ დასკვნებამდე მივყავართ:

1. აჭარაში სუბტროპიკული კულტურების მასიურად გავრცელების პარალელურად გასული საუკუნის მიწურულში ჩაისახა და განვითარდა ამ დარგის პროდუქციის ქარხნული გადამუშავება. პირველ ყოვლისა ეს გამოიხატა ჩაის მწკანე ფოთლის გადამმუშავებელი ფაბრიკების მშენებლობით. განსაკუთრებით სწრაფად სწარმოებდა ჩაის ფაბრიკების მშენებლობა 1930-იანი წლებიდან, რაც გამოწვეული იყო ჩაის პლანტაციების მკვეთრად გაფართოებით.

2. საბჭოთა პერიოდში ციტრუსოვანი კულტურების სწრაფად გავრცელებამ გამოიწვია ზღვისპირა აჭარაში ციტრუსების გადამმუშავებელი მრეწველობის შექმნა. ეს დარგი წარმოდგენილია შემფუთავ-დამზარისხებელი ქარხნებითა და კონსერვების წარმოებით. დამზადებული ციტრუსების მთელი მასა ამ საწარმოებში ტექნიკურად გადამმუშავების შემდეგ ეგზავნება მომხმარებელს. ამრიგად, ციტრუსების წარმოება აჭარაში დამყარებულია ინდუსტრიული საშუალებების მეშვეობით. სუბტროპიკული მეურნეობის განვითარების მყარ საფუძვლად დასკვნებამდე მივყავართ:

3. ჩაის მეურნეობის განვითარებამ, აგრეთვე სხვა სუბტროპიკული კულტურებისა და სამკურნალო მცენარეების გავრცელებამ შექმნა მტკიცე სანედლეულო ბაზა აჭარაში ქიმიურ-ფარმაცევტული და ქიმიური პროდუქციის წარმოებისათვის. ბათუმის კოფეინის და ოჩხამურის ტუნგის ზეთსახდელი ქარხნები მჭირფას პროდუქციით ამარაგებენ საბჭოთა კავშირის ფარმაცევტულ და ლაქ-საღებავების მრეწველობას და აჭარის სუბტროპიკული აგარაულ-ინდუსტრიული კომპლექსის მნიშვნელოვან კომპონენტებს წარმოადგენენ.

4. კომპლექსის ჩამოყალიბებასა და განვითარებაში დიდ როლს ასრულებს აჭარის მანქანათმშენებლობა. ბათუმის მანქანათმშენებელი ქარხანა ამარაგებს სუბტროპიკული მეურნეობის სამრეწველო დარგებს მანქანა-დანადგარებით არა მარტო აჭარის, არამედ მთელი კავშირის მასშტაბით. თუ აღრე საბჭოთა აჭარას საზღვარგარეთიდან შემოპქონდა ასეთი მოწყობილობა, ამჟამად თვითონ წარმოადგენს ამ დანადგარების ექსპორტიორს.

5. გარკვეულ როლს სუბტროპიკულ აგარაულ-სამრეწველო კომპლექსში ასრულებს ბაჭუჭის ქარხნული გადამმუშავება. კომპლექსის შემადგენლობაში, მართალია, უშუალოდ არ შედიან აჭარის მრეწველობის სხვა დარგები (მსუბუქი მრეწველობა, ნავთობგადამუშავება, ელექტროტექნიკური მანქანათმშენებლობა, კვების მრეწველობის რიგი საწარმოები), მაგრამ მათ დამყარებულ აქვთ საკმაოდ მკიდრო საწარმო-ეკონომიური კავშიარი.

სუბტროპიკული მეურნეობის როგორც სასოფლო-სამეურნეო, ისე სამრეწველო დარგებთან, რითაც ხელს უწყობენ მათ განვითარებას.

ქურნალ „ჭორონის“ 1971 წლის ნომრების შ ი ნ ბ ბ რ ს ი

ლექსი, კოეფა

- ანთაძე ცისანა — ლექსები, № 1.
- ართილაყვა რევაზ — საქართველო (ლექსი), № 3.
- ანანიძე ლევან — ლექსები, № 5.
- ანანიძე შოთა — ლექსები, № 1. ნატვრა (ლექსი), № 6.
- გვარიშვილი ნანა — ლექსები, № 1.
- ვორგილაძე ზურაბ — ლექსები, № 3.
ფესვების ძახილი (ლირიკული პოემა), № 6.
- დავითაძე ემენ — ბალადა მტკვრის და შრობისა (ლექსი), № 2. მუხა (ლექსი), № 5.
- ვარშანიძე მამია — ლექსები, № 2. ლექსები № 3. ჩემო მხარევ (ლექსი), № 4.
- ზოიძე შოთა — ლექსები, № 2.
- კვირიტიძე ახმედ — ლექსები, № 1.
- კეყერაძე ზაქრო — ხიჭაურის ციხე (ლექსი), № 3.
- მალაზონია ნესტორ — ლექსები, № 2.
აწვესი (ლექსი), № 4. სათქმელი (ლექსი), № 6.
- მუავია ქსენია — ლექსები, № 3. ერაო ისეთი (ლექსი), № 5.
- მელია იაკობ — ლექსები, № 5.

როყვა შოთა — ვარუდილა ვარადა (ლექსი), № 5.

სეიდიშვილი ლადო — სახლი მორჩილებისა, (ლექსი), № 5.

ხალუქვაძე გიორგი — რესპუბლიკის დროშა (ლექსი), № 3. თეას წიგნი (ლექსი), № 5. როგორც წყარო უმღვრეველი (ლექსი), № 4.

ხამცხელი ვარლამ — სიმღერა (ლექსი), № 4.

ტაბიძე ვალაკტიონ — მრავალეამიერ გუგუნებდეს (ლექსი), № 3.

ფეტი ალექსანდრე — ლექსები, № 1.
რუსულიდან თარგმნა გიორგი სალუქვაძემ.

ქათამაძე ჯემალ — ლექსები, № 1. ლექსები, № 4.

ხალვაში ფრიდონ — ლექსები, № 2.

მოთხრობა, პიესა, ნოველა, ნარკვევი

- ბაჭელიძე ვლადიმერ — ფესვები (ნარკვევი), № 4.
- გორგილაძე მიხეილ — მემკვიდრე (მოხრობა), № 6.
- დიასამიძე ავთანდილ — ერგელი დე-ლეგატი (ნარკვევი), № 3.



თხილაიშვილი ალექსანდრე — აჭარის
ასსრ ორმოცდაათი წლის განმავლობაში

ართმელაძე რიფათ — როცა კალამი
ხიშტს გაუტოლდა, № 4.

ახვლედიანი აზიზ — ორთაბათუმი, № 2.
ერგე, № 4.

დუმბაძე ნელი — ლენინი დეკანაშვილი
წინააღმდეგ ლიტერატურაში, № 5.

ზოიძე ეთერ — გაშირების ტრადიკია
აჭარაში, № 5.

თავართილაძე ალექსანდრე — სასაქონ-
ლო რესურსები და მისი ზრდის რეზერ-
ვები აჭარაში, № 4.

კომახიძე ზურაბ — აჭარის მოსახლეობა
და შრომითი რესურსები, № 4. აჭარის
სუბტროპიკული აგარაუღ-ინდუსტრი-
ული კომპლექსის სამრეწველო დარგე-
ბი, № 6.

ლორია ალექსანდრე — სიტყვა და წი-
გნი, № 1.

მეგრელიძე იოსებ — მენხლიანობა აჭა-
რაში, № 1.

სურმანიძე რამაზ — მამულიშვილი, № 1.
ოთხი წელი აკაკი წერეთელთან, № 4.

სურგულაძე აბელ — ლენინი საქართვე-
ლოში სოციალისტური მშენებლობის
ამოცანების შესახებ, № 3.

ცქვიტარია პარმენ — საქართველოს მე-
წვეიკური მთავრობის საშინაო და
საგარეო პოლიტიკის საბოლოო კრანი,
№ 1.

ცქვიტარია პარმენ, სურგულაძე აბელ,
ჯაფარიძე შოთა — ბათუმის კომუნის-
ტური ორგანიზაციის ისტორიის ზო-
გიერთი დამახინჯების შესახებ, № 2.

ჩულოვი ილია — პასუხი ოპონენტებს,
№ 6.

ლორია პარმენ — გზები (მოთხრობა),
№ 2. განცდილი და თვალნახული (მო-
თხრობა), № 5.

მოღებაძე ნოდარ — გაუტეხელი (მოთ-
ხრობა), № 2.

ნაცვალაძე დავით — ტურისტები (მო-
თხრობა), № 4.

ჟღენტი ნათელა — განთიადის წინ (მო-
თხრობა), № 2. როცა გაზაფხულდება
მთაში (მოთხრობა), № 4.

როყვა შოთა — გაცილება (მოთხრობა),
№ 2.

სანადირაძე გიორგი — მთა (მოთხრობა),
№ 3. ლოდინი (მოთხრობა), № 6.

შერვაშიძე ამირან — ლესია (პიესა), № 1.

ჭანტურია ვოლტერ — გემის მესაჭის
ნამბობი (მოთხრობა), № 1.

ხოფერია ჯემელ — შეხვედრა (მოთხ-
რობა), № 1, ბერიკაცია (მოთხრობა),
№ 3. ჭაბუკები (მოთხრობა), № 5.

ხალვაში ფრიდონ — წყვილიაღის მტერი
(მოთხრობა), № 4.

ხუროძე დავით — ორი ნოველა, № 5.

შონია აკაკი — მემლექეთის სტუმარი
(ნარკვევი), № 5.

ბრიზუნდას

ხალვაში ფრიდონ — მოვუაროთ და მო-
გვივლის, № 3.

კრიტიკა და პუბლიცისტიკა

ჭურბიძე შოთა — აღორძინებული სიტყ-
ვა, № 3. ახლის დამამკვიდრებელი იუ-
მორი, № 6.

ჯიჯიშვილი ეთერ — მიხეილ ჯავახიშ-
ვილის პუბლიცისტური წერილები,
№ 1.

ცქვიტარია პარმენ, სურგულაძე აბელ.
ჯაფარიძე შოთა — განმარტება პასუ-
ხის გამო, № 6.

ძნელაძე რევაზ — სამშობლოსათვის,
№ 3.

ჯაუელი ალექსანდრე — გამარჯვების შე-
მდე, № 3.

ხელოვნება

ხინიკაძე მერაბ — ბატუმის თეატრი,
№ 2.

წიგნების მიმოხილვა

საიუბილეო, № 2. სახელოვანი თარიღა-

სადმი მიძღვნილი მეცნიერული შრო-
მები, № 3.


თანდილავა ზურაბ, ზოიძე ივანე
ოთხტომეულის პირველი შემოქმედის

ჩაუღიშვილი ალექსანდრე — საჭირო
წიგნი, № 5.

საბირა და იუმორი

დარჩია ვლადიმერ — ო, ეგ ფეხბურთი!
№ 5.

სამსონია ალექსანდრე — გამოუქვეყნე-
ბელი წერილების კვლადკვალ, № 1.



657205



წაკა 40 კაკ.

**ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ**

„ЧОРОХИ“

**ОРГАН СОЮЗА СОВЕТСКИХ ПИСАТЕЛЕЙ
ГРУЗИИ И АДЖАРСКОГО ОТДЕЛЕНИЯ
ИНДЕКС 78118**